


CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
NOV 4 1989

T 3208/323 1. 81

0032







浙江通志卷之四十二

方伎

聞之道成而上藝成而下其方伎之謂乎夫方伎雖以一端見長然其人類皆才智絕人而又積以數十年攻苦之力故能以其術顯而聲施後世非易易也况濟時利物之功亦足輔吾儒之不逮昔太史公於日者唐舉扁鵲之屬皆津津稱道不置有以也夫至若書畫特擅其長者亦附以傳母令湮沒不彰焉作方伎志

哈佛大學漢和  
圖書館珍藏印



杭州府

六朝宋徐熙

錢塘人仕至濮陽太守熙好黃老隱于秦望山有道士過求飲留有葫蘆與之

曰君子孫宜以道術救世當得二千石熙聞之乃閱扁鵲鏡經一卷因精心學之遂名震海內

徐秋夫

熙之子善治疾宅在吳溝夜聞空中呻吟聲甚苦秋夫問何須答言我為東陽人姓

斯名增平昔為樂游吏患腰痛死今在湖北雖為鬼苦亦如生君善醫故來相告秋夫曰治汝無形

奈何鬼謂為芻人按孔穴針之秋夫如言為灸四處又針肩井三處設祭埋之明日見一人來謝忽

不見當世服其通靈

徐道度

秋夫子能精父業有脚疾不能行宋文帝令乘小輿入殿為諸王子療疾無不奇驗

仕至蘭陵太守同時有杜道鞠善彈棋范悅時褚欣遠皆善模書褚引善奕棋宋文帝嘗曰天下有

五絕而皆出于錢塘

徐文伯

道度子既精父業兼有學行高邁倜儻耻屈意于公卿不以醫自業宋孝武路太后

病衆醫不識文伯診之曰此石博小腸耳乃為水劑消石湯病即愈宋明帝宮人患腰痛牽心每發

輒氣欲絕衆醫以為肉癥文伯曰此髮癥以油投之即吐得物如髮稍引之長三尺頭已成蛇能動

挂門上滴盡一髮而已病都差

徐嗣伯

字叔紹叔嚮子也有孝行善清言仕正員郎諸府佐為臨川王映所重時直閣將軍

房伯玉服五石散十許劑無益更患冷夏日常複衣嗣伯為診之曰卿仗焚應須以水發之非冬月

不可至十一月冰雪大盛令二人夾捉伯玉解衣坐石冷水從頭澆之盡二十斛伯玉口噤氣絕家

人啼哭請止嗣伯遣人執杖防閣敢有諫者撻之又盡水百斛伯玉始能動背上蓬蓬有氣俄起坐曰



樊不可忍乞冷飲嗣伯以水與之一飲一升病都差自爾恒發熱冬月猶單禪衫體更肥壯

**徐之才** 雄之子幼而僑發善醫術兼有機辨少解不成識之才曰蛤精疾也由乘船入海垂脚水中病者曰實曾如此之才為剖得蛤子二大如榆筴又有以骨為刀把者五色斑爛之才曰此人瘡也問得處云於古冢見罽轔額骨長數寸試剖視有文理故用之其明悟多通如此和士開欲依次轉進以之才為兗州刺史及十月帝又病作語士開曰浪用之才外任使我辛苦其月八日勅驛追之才帝以十日崩之才十一方到已無及矣

五代羅塞翁

新城人隱之子為吳中從事善畫羊精妙卓絕

宋錢昆

字裕之吳越王俶之子歸朝仕至秘書監自畫寒蘆沙鳥於紈扇人競寶之

錢仁熙

武肅諸孫頗讀書并丹青尤工水牛多寫於紈扇上歸朝歷信秦光三州倅

錢易

字希白廢王第十二子歸朝仕翰林倬直自畫十六羅漢極奇怪

錢鏐

字輔軒武肅第五子善丹青

僧真慧

杭人畫山水佛像近世佳品羽毛墨竹有江南氣象

孫景璠

杭州水軍篆子字文為五十餘體太平興國年以獻太宗善之詔取去黥文隸御書

院宰相宋琪請授以官秩太宗曰爵祿非所惜也顧此人面痕尚在豈稱冠帶乎琪固言之乃授國

子書學博士

李煇

字公炤錢塘人尚仁宗宛國公主官駙馬都尉善章草飛白散隸畫水墨竹石亦任仕至

平海軍節度使

錢乙

字仲陽吳越王俶支屬父穎善醫嗜酒喜游一旦東之海上不反乙方三歲母前死姑嫁



呂氏收養之長誨之醫乃告以家世卽泣請往跡  
尋凡八九反積數載遂迎父以歸時已三十年矣  
其事呂如事父呂沒無嗣爲收葬行服乙始以顙  
顙方著召至京師視長公主女疾授翰林醫學皇  
子病瘳瘳乙進黃土湯而愈神宗召問黃土所以  
治疾狀對曰以土勝水水得其平則風自止帝悅  
擢大醫丞賜金紫由是公卿宗戚家延致  
無虛日以病免歸不復出卒年八十有二

**陳沂**

自南渡爲邑人唐乾寧時有仕良者以醫名  
於時詔修聖惠方官藥局奉御世傳至沂起

康王如危疾賜御前羅扇便出入禁中仕至翰林  
金紫良醫子孫標木扇象之至今稱陳木扇而陳  
諫者尤精先業治人所不能治之疾決男女生  
死保衛胚胎術往往多奇中所著有蓋齋醫要

**吳觀善**

字思賢其先汴人南渡時曾祖從明徙杭  
爲小兒醫其業出外家范氏范又出外家

徐氏號有源流三傳至  
觀善名益起人皆奔之

**李信**

汴人小兒醫也從宋高宗南渡遂家於杭之  
義和坊高宗危疾詔信入侍因年耄賜安車

至禁中時號李車兒信世入孫瑤於明永樂時亦  
召入京官御醫始移居北郭植槐於門子孫因字  
槐又有李炅字三英性慷慨立然諾常破家  
以濟友人之難人咸稱之於醫爲小兒國工

**禹和之**

錢塘人紹興中登第善畫人物山水筆法  
飄逸華藻自成一家高孝兩朝深重其畫

毛詩三百篇每篇俱畫

一圖官至工部侍郎

**水江覽**

餘姚人善効米南宮作  
山水逼真又善寫照

**武道光**

錢塘人東太乙宮道士善修補  
六朝古名畫又能作花鳥竹石

**嵇清**

字仁伯世傳秘術善療金瘡骨損父初自汴  
居蹕南渡時方戎馬蹂躪全活甚衆清年未

冠蚤詣先業宮中有患折肱者宅醫莫措清爲整  
治完好如昔禁掖詫曰小小稽真能接骨耶壽皇



躬親騎射時有悞損應期而瘳中外益重之

**耿聽聲**

兼能嗅衣物以知吉凶貴賤德壽聞其名取宮人扇百餘雜以上及中宮所御令小

黃門持扣之耿嗅中宮扇云此聖人也然有陰氣

至上扇乃呼萬歲上奇之呼入北宮又取妃嬪珠

冠十數示之至一冠奏云此有尸氣時張貴妃薨

此其故物也家在候潮門內夏震微時嘗為殿巖

饋酒於耿耿聞其聲知其必貴遂以其女妻其子

郭棣為殿帥耿謁之曰君部中有三節度使他日

皆為三衛扣為何人則曰周虎彭輅夏震也虎輅

時為將官獨震方為帳前佩印官郭曰周彭地或

未可知震安得遽爾乎耿曰吾所

見如此已而悉驗人皆服其先見

**謝石**

蜀人紹興入年來臨安占驗奇異有樊將仕

得也曰此吾內兄安有此曰在占宜然歸詢諸家

朱嘗假帽不用而返啟視之冠果在帽下又一選

人病書申字以問而下有燥筆石曰丹田既燥必

死矣期當在明日申時果然石初入京師徽宗書

問字命一隸持往石緘封之戒其到家方發封隸

歸奏上啓讀乃曰左為君右為君聖人萬歲遂補

承信郎有道士亦以問字占石曰門雖大只有一

口蓋所住無他黃冠也猶復以器字占曰人口空

多皆在戶

外始大服

**白羊先生**

莫詳其姓氏籍里賣卜臨安市中紹興甲寅孝宗升遐光宗疾不能喪中外人

情恟恟襄陽官兵陳應詳歸正人也欲乘此為變

結約已定其間一卒買卜於先生詢之曰此卜將

何用觀此占非止殺身且將危及父母矣慎勿為

其人色動時都統馮湛帳前適有一人在傍知見

遂潛跡至一茶肆與之語乃實告但深以卜不吉

為疑其人曰若疑不吉當與汝出首可轉禍為福

卒然之其人與卒急請湛告變時張定叟作帥湛

携首狀告定叟定叟與湛密議令具酒餚與客飲



遣數人請陳及其他一二兵官同來面以首狀詰之陳辭屈乃集衆於教場射殺之二人及白羊先生皆補官

### 陶華

字尚文餘杭人治病有奇效一人患病因食羊肉涉水結於胷中其門人請曰此病下之不能吐之不出當用何法陶曰宜石砒一錢門人未之信也乃以他藥試之百計不效卒依華言一服而吐遂愈門人問之曰砒性殺人何能治病陶曰羊血大能解砒毒羊肉得砒而吐而砒得羊肉則不能殺人是以前知其可愈後來省郡治傷寒一服即愈神效莫測名動一時然非重賂莫能致論者以是少之所著傷寒六書曰瑣言曰家秘曰殺車槌法曰截江網曰一提金曰明理續論仲景以後一人而已

### 吳綬

錢塘人著傷寒蘊要全書發明五運六氣畫圖立說究極元微以各醫徵至京師仕至太醫

院院判北歸時湖墅有馮英者病傷寒一時諸醫議用承氣湯邀綬視之曰將戰汗矣非下証也當俟之頃刻果得戰汗而解

### 吳恕

字如心錢塘人博極羣書少貧貨烏蛇丸以治瘋疾時采風使適有患此疾者召恕治之疾果愈其名遂震後徵至京師授太醫院御醫恕念傷寒爲病傳變不常乃潛心研究洞觀臟腑本張仲景傷寒論朱奉議活人書編集圖括名指掌縱橫規畫發前人所未發復成八韻之賦其辭間其理核仲景與旨囊括殆盡

### 嚴觀

仁和人不苟古方頗有膽畧用薑汁製附子或難之曰附子性熱當以童便製奈何復益以薑嚴曰附子性大熱而有毒用之取其性悍而行藥甚速若製以童便則緩矣緩則非其治也今佐以生薑之辛而去其毒不尤見其妙乎是以用獲奇效人稱之曰嚴附子其用藥有法有方行于



世弟秦繼兄而出精于方脉治傷寒如决川為時所推

**彭浩**

字養浩仁和人素性簡亢不為杭人所禮錢塘張尹崑山人延請至京醫名大振所著有

傷寒秘用雜病正傳醫性等書發明性理人所傳誦

**林椿**

錢塘人工畫花鳥翎毛瓜果師趙昌傳色輕淡深得造化之妙淳熙年畫院待詔賜金帶

**邢子**

失名紹熙間以醫名於杭術業甚奇時韓侂胄知閣門事將出使俾之診脉曰和平無可

言所可憂者夫人爾知閣回輶日恐未必可相見也韓妻本無疾恠其妄誕不倫然私憂之泊出疆甫數月而其妻果報卒矣又朱勝非子婦偶小疾

命視之邢曰小疾爾不藥亦愈然不宜孕孕必死其家以為狂後一歲朱婦得男其家方有抱孫之

喜未彌月而婦疾作急遣召之不肯來曰去歲已嘗言之勢無可療之

理越宿而婦果卒

**劉松年**

錢塘人居清波門紹熙間待詔畫院師郭

宗朝進耕織圖稱旨賜金帶院中絕品也

**李嵩**

錢塘人李從訓養子工畫山水人物尤長于界畫光寧理三廟畫院待詔姪永年亦能世

其學

**夏珪**

字禹玉錢塘人寧宗待詔賜金帶善畫人物醞釀墨色如傅粉之色筆法蒼老墨汁淋漓

畫山水自李唐以下無出其右者子森亦工山水

**白良玉**

錢塘人工畫道釋鬼神寧宗朝畫院待詔子輝亦世其學

**王輝**

錢塘人理度朝為畫院祇候人物釋道頗工又能作山水草率嘗用左手描寫遂目為左

王手



何青年 錢塘人善畫 釋道人物

彭臯 錢塘人師林椿花果寫生

樓觀 錢塘人工畫花鳥人物山水得夏珪筆法傳色亦絕似之與馬遠齊名

馬遠 其先河中人後居錢塘工山水人物花鳥種種臻妙獨步畫院光寧朝授待詔子麟能世家學然不逮父遠愛其子多於已畫上題作麟畫蓋欲麟得譽故也為畫院祇候

方椿年 錢塘人畫工人物釋道着色山水紹定間待詔畫院

蘇顯祖 錢塘人工人物山水與馬遠同時筆法亦相類但稍弱耳為畫院待詔

朱懷瑾 錢塘人寶祐間畫院待詔轉福王府使臣工山水人物樹木窠石作雪景用墨全師夏珪謹守規矩不敢肆筆

俞珙 錢塘人師梁楷畫人物山水布景着色逼真但筆法纖弱紹定間畫院待詔

孫守榮 富春人生七歲病瞽遇異人教以風角鳥占之術其法以音律推五穀播五行測度萬物始終盛衰之理凡問者一語頃輒知休咎守榮既悟異人授以鐵笛遂去不復見守榮因號富春子吹笛市中市人初不異也然其術率驗周坦未第時坐市肆罵聲詎僕榮揖曰狀元何怒也坦不答後果廷試管一自是富春子之名大顯淮南帥李魯伯薦諸朝既至謁丞相史嵩之閣者以書寢辭守榮曰丞相方釣魚園池焉得云爾閣者驚異入白一見頗喜之自是出入相門一日庭鵲噪令占之曰來日晡時當有寶物至明日李全果以玉柱斧為貢史以此深忌之誣以他罪貶死遠郡

孫必達 錢塘人善畫道士鬼神師蘇漢臣淳祐間畫院待詔

陳清暎 錢塘人多作西湖全景畫鍾馗畫三教得法寶祐間畫院待詔

蘇漢臣 淳祐間畫院待詔

錢塘人善畫道士鬼神師

錢塘人多作西湖全景畫鍾馗

畫三教得法寶祐間畫院待詔

蘇漢臣 淳祐間畫院待詔

錢塘人善畫道士鬼神師

錢塘人多作西湖全景畫鍾馗

畫三教得法寶祐間畫院待詔



葉蕭岩

杭人作人物小景類馬遠專工傳寫

馬永思

錢塘人寶祐間畫院待詔師李嵩嵩多令代作

豐興祖

錢塘人工畫人物山水界畫花禽師法李嵩景定間畫院待詔

魯宗貴

錢塘人善畫花竹禽鳥窠石描染色極佳尤長於寫生景定間畫院待詔

李章

杭人從訓之後善畫人物着色山水

陳珏

錢塘人號桂巖善畫人物着色山水寶祐年待詔子琳世其學

徐道廣

杭人號古巖善畫花鳥師法樓觀

李權

錢塘人師法梁楷咸淳間畫院待詔

布袍道者

不知何許人賈似道嘗馳馬出游湖山小憩樓霞嶺下道者瞪視曰官人可自

愛重將來功名不在韓魏公下賈意其悔而去既而醉博平康至于破向他日復遇道者頰足驚歎曰可惜可惜天堂已破必不能令終矣其後悉驗

汪元量

錢塘人字大有度宗時以善琴出入宮掖元兵入城賦詩悲愴頃之從三宮北去流

滯燕京時有王清惠張瓊英皆故宮人善詩相見輒涕泣世皇聞其善琴召入侍鼓一再行駿有漸離之志而無便可乘遂哀懇乞為黃冠世皇許之瀕行與故宮人十入人灑酒城隅鼓琴叙別不數聲哀音哽亂淚下如雨張瓊英送之詩曰客有黃金共璧懷如何不肯贖奴回今朝且盡穹廬酒後夜相思無此杯元量既還錢塘往來彭蠡間風跡雲影迄無寧居人莫測其迹傳以為仙也人多畫像祀之自號水雲子士流題詠其事

李立之

臨安人以小兒醫擅名一時有嬰兒忽患瘡求治之之令以衾裹小兒乘高投之地



兒不覺大驚遂發聲能言問之曰此乳搖心也非藥石所能療其術之高大率類此

羅知悌

字子敬號大無錢塘人明辨博學以醫侍

溪朱彥脩素志醫學偏歷江湖淮甸不遇明者還至武林遇知悌候門下三載始得見知悌能眷誠盡以其術授之彥修遂以醫名東南知悌能詞章善揮翰貧病無告予之藥無不愈者仍瞻以調理之資

元杜敬

字行簡汴人至元大德間朝廷講求禮樂之事敬與其友張君錫寓居于杭于時集賢柴貢父尚書高彥敬都曹鮮于伯機承旨趙子昂侍讀鄧善之尤善鑒古有清裁敬與之上下其議論延祐朝廷首起君錫為大樂署正次及行簡行簡善鼓琴知音律尤長於書喜畜古名人墨跡大冠長裾優游湖山文酒間晚號爨門老人

褚奐

字士文錢塘人善書與青田劉伯溫基雅相厚善

明僧如蘭

富陽人善相術于肅愍公少時博戲市中也時有道人在傍曰相如斯已乎如蘭更熱視曰惜不令終道人曰和尚可教矣問其姓名不答而去

張頤

錢塘人永樂五年以生員舉楷書選授禮部郎中轉刑部以王事沒于海

陳岳山

仁和人善星命遇異人授天文術言事屢中正統初嘗曰吾視天象癘而復興人不

信天順改元始驗其異

潘爛頭

元妙觀道士能運掌心雷以筆濡頭上癩水作符治祟疾奇効相傳潘能役鬼神嘗

踞廁戲召王靈官至怒以火筆點頭故爛云



**林章**

錢塘人宣德間以楷書儒士徵當景泰時槍

榮祿大夫子應禧能世其家學亦以楷書儒士廕授職馮臚寺序班與修武廟實錄累官順天府丞

**吳東升**

杭州前衛百戶善楷書杭城十門并各公署皆其書額淨慈寺壁書南屏二大字結

構尤佳憲宗時負重名

**蕭子**

失其名錢塘人好施予嘗有一僧求謁蕭待

之蕭初不甚珍重藏既久發視之花瓣中皆有字

隱隱可見蓋古醫方也大異之令婿郭某按方試以療人皆奇効後又令聚藥煉為丹俄見爐上有

花灼爛若牡丹狀丹成如黍珠用以活人雖瀕死皆甦自是蕭郭之醫傾動一時

**葛林**

字茂林錢塘人工小兒科名聞京師成化年命內臣徐太監來杭驛致之充太醫院官時

武廟方在嬰稚一夕癩疾作中外惶怖夜分召林

一七而安少師楊公子當暑而驚眩已絕且移之木矣林趨而入曰無傷也亟出之公曰兒已瘳矣

柰何劑也林曰予無劑也吾以清利物煮水而烝于下其可瘳乎果如其法而疾愈迨暮而兒復戲

于庭矣切脉以決死生歷千百而莫或一遁壽入十八所著有店塢秘訣一卷以傳其子孫云

**張崙**

字景嵩仁和人五歲以疾喪明十三受易善

論人祿命壽夭窮達利鈍歷歷有奇驗遠近異之稱曰如鑒縉紳道杭者必造訪焉宸濠構逆浙鎮

守太監畢真謀內應人情洶洶方伯何公天衢稽

疑於崙筮得解之彖崙歛櫝賀曰無虞也渠魁將授首矣何內應之有不旬日江西捷音果至

**俞橋**

海寧人少業儒究心理學兼精醫業嘉靖間

以名醫徵入京初授太醫院吏目陞御醫南



京太醫院判橋於醫書多所究心又博詢故老得  
河間絮古東垣未刻諸稿及古今諸家授受良方  
晨夜抄錄斟酌損益處方治病無不奇應居京師  
遇權貴人耻爲容悅貧賤之家有延請者盡心治  
之不責其報故醫名日盛家用不給士大夫多雅  
重之所著醫學大原一書蒐輯樞素以下諸名家  
有關病證藥脉者次以賦括令業醫  
之士診脉製方議法者皆有攷證焉

**嚴元**

字宗仁餘杭人少業儒不售從父耕謁選京師屬有詔選醫士二元故暢岐黃家言就試禮

部宗伯太奇之隸籍太醫院授吏目世宗命纂脩袖珍諸方錄成賜銀幣甚渥世宗幸承天命元扈從居常宣詔診視及東宮後宮疾治輒効拜金綺賜至徹御前酒饌以優寵之九載考績授御醫爲人所忌竟中蜚語落職士論咸惜之

**諸餘齡**

字雲泉仁和人卜居如松里善書奕博通醫家言而多新得四方爭迎致之晚隱靈

鷲山善李元昭預知死期俱不爽每語客曰我巾車馳域中起死人何得身爲死人馳喪車出城乎

當終于此與徐鏗輩諸名醫爲天醫社云子等遂成隆慶辛未進士

**盧復**

習岐黃兼通大乘剖疑晰理解悟不滯子之頤資性開明而學有根抵陰紐陽絡證辨入

微善療奇疾凡尸蹙迴風投劑無不中然負氣凌物議論踔厲毀譽殆半焉所著仲景論本草乘雅金匱要略論疏

諸書行于世

**莫士英**

字士穎太學生也少年多疾喜方書能出奇驗治決生死會歲大疫甚至城門士英

俱得全活感德者至置生位于家拜之有女二同求診一女命將絕自以爲瘵士英曰非瘵也可愈一女無大病士英曰脉不祥至秋當死果然次子成藝得士英傳爲善樂施宗黨成敬之曾孫瓊仍世醫業著書滿家語云三世爲將道家所忌又云三世爲醫其後必與蓋以生殺之事殊也故人皆



云莫氏  
昌矣

翁禹訓

字汝守號雲麓錢塘人幼穎異授之書一覽而盡其父念訓庭弱乃令治醫家言取

靈素以下書及諸禁方讀之務研其奧有奇驗寒暑不乘輿蓋獲醫貴隨以濟人及抵家而待以舉火者又蒲座終不吝施予也豐願廣額美鬚髯衣冠甚偉年四十失明仰天喟曰吾豈莊生所謂不祥人耶目贅處一室彈琴歌咏以自適事益簡氣益王長子立德次子立言孫常豫常益思真曾孫鴻業鴻聲元孫世庸雲孫介眉皆貴顯

戴進

字文進錢塘人畫集諸家之大成山水人物花草翎毛無不精妙蓋其筆力精熟氣韻天成凡一落筆俱入神品晚年尤縱逸其畦徑自成一家明朝畫流第一人足以映照古今者也

張靖之

丁詩畫平生鑒別名品題跋甚多又嘗作送飛鴻手揮五絃圖人皆稱為神品

趙良

宋禮部尚書趙公汝談之後好學遊京師士大夫多客禮之久之知其深沉有謀即機事

亦與聞焉嘉靖中內閣華亭徐公與都御史鄒公特正議除權族良往來二公門有密語雖至親不得與聞者間呼良決之良善卜所言悉驗于是二公重良能決疑又厚重可與語欲薦用貴顯之良辭不就以例授江南巡檢又不肯久居曰吾歷都門為他人謀多矣乃不能自為謀乎歸之日著有松泉詩集藏于家曾孫最昕皆成進士

程山人

自玉泉山來寓褚堂精太乙六壬之術萬曆辛巳有來問歲事者山人曰明年五福

在燕太子生建德大將冲文昌主將相失位女主寵奄去主水災是年生皇儲而張居正馮保俱罷歲又逢潦其術悉驗後歸隱不知所終

孫杖

字竹痴錢塘人善畫花草墨竹飛白尤佳蓋飛白竹法開自元人錢選止一二枝作小景



耳至杖而圖為大幅露篠烟竿交枝密葉玲瓏奏  
泊筆筆生奇以為前古人莫及也故擅名于世云  
程良玉 字元如新安人天性穎異五齡以痘瞽稍

然卒本于易若田何丁寬京氏之學莫不洞見本  
源每占一卦即爻象貞悔陰陽動靜而人之吉凶  
悔吝燎然矣年至四十慮術不傳鍵戶著書三年易冒成遂卒

皇清潘楫

號鄧林精靈素之學賣藥都市中人以韓  
伯休目之受業者數百輩觀其器宇即識  
為潘門弟子始楫以兄善病體毋志師王紹隆終  
日夕視脉和藥究極深隱通于神明著醫燈續焰  
人奉為要秘焉楫錢塘人

姚應鳳

仁和人以瘍醫顯一老叟患脹滿諸醫多  
云膈症應鳳曰此肺癰耳取一大盂水向  
病者頂上傾之病者陡驚亟舉刀直刺心瀉膿血  
數碗而愈人問之曰人心下垂水潑而驚驚則心

系提吾刀可入也一人身患痛左臂似有係之者  
應鳳曰君食內中鼠毒左臂生鼠懸刀擬之有鼠  
墜地而逸又一人頂生瘡求治應鳳曰是天斫頭  
瘡也三年頭當落而斃竟如其言年七十有七沒  
官太醫院院判賦性樂易逢入無貴賤視之若一  
晨起施藥餌無笑藉以全活者甚衆人比為華元  
化云

吳嗣昌

字懋先仁和人世為醫宗昌更別有會悟  
浙督趙嘗邁危疾昌獨排衆論投冰水立  
甦之公尊禮若神曰術如君有得傳者否荅曰有  
宋爾珏潘錫祉者追隨獨久公曰君其不朽矣後  
以事煩日瞽居河渚著傷寒  
正宗醫學慧業等書行世

沈士逸

字逸真仁和人善醫知名少時嘗獻書經  
略邢公邢奇之置為裨將令督兵海上以  
功為遊洋將軍已父祖相繼沒母孀弟勿遂絕意  
疆場奉母涓瀦而產日落乃發篋讀禁方盡得要



秘數年名大起日造請者數十百家全活不可勝數既老構園池多樹竹木菱芡日抱琴書坐臥其中賢士大夫軒車到門多不時出而以疾來者則率爾命駕無問近遠年六十有六疾瘧卒所著海外紀聞翊世元機清乘簡固集若干卷

**倪朱謨**

字純宇少沉默好古治桐君岐伯家言得其間與治疾奇効多奔走而延致之不得

則怨朱謨乃集歷代本草書窮蒐廣詢辨疑証誤考訂極其詳覈名之曰本草彙言于洙龍刻之行于世世謂李本草綱目得其詳此得其要要可並埒云洙隆仍以醫名家纂傷寒彙言與本草並行既竭蹶以刻父遺書而立請于有司表揚母節至涕泣哀懇人得免稱孝焉

**馬更生**

字瑞雲錢塘人少學醫于婦翁周翁業已堂試奕正從壁上觀而有貴人疾革請翁翁令婿往一劑疾立愈于是名即大起求診者反欲更生

來不願翁來嘗過舊府見暴死人曰此可活人多不信啓齒灌藥入其人漸甦或望色聽聲前一二年前預決人死至期果驗擁盛名者五十餘年更生多子孫子中驥之驥皆諸生傳醫業中驥子信亦世其業

**郭琬**

字宜生宋時其始祖昭乾好施遇仙授牡丹

以醫知名當世琬繼世業既精其理而又以誠心應物舉手輒愈故婦人聞郭宜生來自喜得生疾已減十三四矣性坦豁無城府湖山樽酒憺乎忘歸年七十一預刻死期而卒母吳氏婦毛氏亦皆能診脈授藥三子禎杞枚傳世業焉

**燕士俊**

字仲章仁和人祖志學向以醫名世士俊發其秘笈潛心默識治病每多奇効所得

即周貧乏者有保嬰集未成而卒其子喜時來時皆善成父志



**閔自成** 字思樓錢塘人善內外科初術精內外科者推姚應鳳自成後起遂與相埒仁而好施見貧乏者不受直且診視必先之日倘後彼恐其慚慍不亟來必殆矣丐者盈門一一應之不厭故遠近翕然稱長者年七十一夢吏持牒迎主老鹽倉社至期坐逝其里人與祠僧亦同夢于是改塑其像焉

**任二琦** 字瑞菴宋韓忠獻公之裔也扈高宗蹕來杭州先世受兒醫于任氏遂為任姓至二琦業益精兒科世號亞科而二琦臆射之巧發微中觀其啼呼即知其痛苦之在何所投劑輒效名遂大振或憐求藥者貧則袖去金錢予兒嘗有富家請二琦視病一人彷徨立其側二琦察之問所欲曰某家在隣近兒患痘欲邀公一視以不能具酬故不敢啓齒耳二琦即往視兒痘甚險視畢與藥併加葭不吝後過其門仍入視兒差乃已以故人飲食必祝至繪像于家拜之二琦早失母事後

母謹婚嫁弟妹皆如父母意所欲行城中火雨近其廬而雨俱返風撲滅比隣賴之咸以為孝友及濟施之報也長子允謙字谷菴為諸生有名次子懋謙字汝和貢生皆善醫亦承父志篤于行誼云

**王仍奕** 字鑰泉仁和人志在濟世與其兄修德字弘泉同習于祖少泉之術少泉得異人授治痘疹所活赤子甚多弘泉繼之未久即歿至淪泉而術益精名益震所活者益多有子鳳翼字來阿丁酉

舉孝廉

**靳起蛟** 字霖六仁和人其先世靳儔者北宋時得州後遂世以兒醫顯而起蛟術尤精遠近迎之無寧畧小兒見靳先生來則以為慈母而投其懷所著書有本草會編傳于世起蛟子鴻緒字若霖業工不減其父著內經纂要闡發微渺三子咸字以虛吉字允菴謙字仁若能世其學而吉尤見推于時皆為名諸生焉



**張文啓** 字開之仁和人遊于張遂辰潘楫之門盡得其傳于古醫書無所不讀又與同志設惠民藥局所全活甚衆嘗曰天本好生人皆同體使有所揀擇天罰至矣又請于當途建靖浪亭渡浙江者得免風濤之厄其他若創育嬰堂天醫院諸善事皆力爲之卒年六十八子二璟璉爲諸生有聲亦能世其家學也

**尙綱** 字御公少年補博士弟子已而從其婦翁吳毓昌爲醫其治人也隨手輒愈未幾而沒

**沈好問** 字裕生錢塘人世業小兒醫至好問益精視小兒病洞見臟腑尤善治痘症所著有

素問集解痘瘡啓微本草類症諸書子允振字慎伯亦良醫有父風

**姜師周** 字周臣性磊落豪放嘗遊京師觀西山俯吐見關仲通以畫名師事焉與同郡藍瑛各拈正

練數丈相戒止寫獨樹高柯勿用竹石映帶以松

栢椿桐爲題師周當寫桐樹落筆數葉翻翻秋風晨露噴人眉宇見者以爲神品有魏忠賢私人崔

欲得師周屏障稱觴以他友名代求師周怒擲之地後以子圖南貴贈侍御史

**藍瑛** 字田叔少穎異八九歲嘗從人廳事蘸灰畫地作山川雲物林麓峯巒咫尺萬里及治經

生家言指河圖洛書曰古人未有書先有圖圖何必不名家遂畱意畫苑皴染皆合古人法雲間孫

太守克弘董尙書其昌陳徵石繼儒時相引重子孟字亦與邑諸生亦善畫世其家學焉

**江念祖** 字遙止新安籍而家于杭州善水墨畫得北苑大痴之妙加以法書能文落筆揮洒

蕭蕭數行皆有逸趣

**吳毓昌** 字玉涵以太學生爲內閣中書當國家凋

之術施濟甚多子堯善



劉度

字叔憲錢塘人藍瑛弟子也已深得其筆意後更變其法師大小李將軍界畫樓臺約縮人物細入毛髮而形像宛然然亦間及他家嘗自題其畫云劉松年風雨歸舟大畫在山陰朱石門所此擬其畫法非法其景也又云李伯時九歌卷人物大小不一而雲光水色映筆發生此做其萬一耳沒後遺墨雖寸縑片楮人皆奉以為寶

謝彬

字文侯仁和人傳真得曾波臣法而大山老樹揮掃人物則平山小川之流晚節各益重至尺幅寸晷價皆數鎰其傳人貌能令粗者妍俗者雅而又不失其真人皆神之彬亦以此自命云

陳玉

字孺子謝彬之弟子也工花卉人物細緻無一筆不留意為人極孝惇品行家貧不肯干謁朱門罕跡好與文士往來家東城之隅華門苔徑蔭古樹眺遠山客過則樵蘇不爨啜茗清談人皆羨其高韵焉

丁景鴻

字弋雲師事兄澎詩文絕相似戊子領薦性恬淡落拓不羈善書畫好飲酒好事者求之不得乃設酒召客飲景鴻欣然入坐浮白大呼酒酣濡毫縱意雖長練寸紙立盡或以詩跋紙尾坐客爭攫去醒則無片紙存者故其詩多因書畫掩屢蹶公車就選吏部非其志也至金閶柳爵而卒其兄澎弟深並以詩著名世稱三丁云

章谷

字言在十餘歲從塾師學師出客過訪之而羣兒忘其姓字師怒谷即以筆寫其貌師咲曰某也詢之果然後果以畫名家而八分隸體尤稱獨絕然谷有至性母遭奇疾割股療之又嘗買舟自江西歸浙一婦人附舟尾與谷目成谷竟危坐達旦谷老矣而母尚無恙每誦釋官語以娛母焉長子采次子聲皆以筆墨名震于時聲與東海范驤善驤被事北行聲徒步送之數百里外人皆賢之所與游者仁和江梓善山水花鳥人物得古人筆意



郭欽誥 字慶雲錢塘人唐忠武王之後裔浙名醫也其先得之異人授壯丹十三方治南宋

孟太后疾有功賜姓趙至今稱為趙郭云欽誥氣宇冲粹人樂與之游少喪父事母以孝聞生平樂

善好施危鋼之疾診視立起遠近皆知其名子六長瀧字瑞雲精明醫理名聞遠近焉

鎖萬言 字盛松始祖飛彪蹕南渡遂居武林代有業醫嘗遊天日山中遇異人盡得其術歸而濟世

活人甚多子文良孫乾世守其業不墜厥緒今稱良醫者人必推鎖氏云

王佑賢 字聖翼錢塘人幼孤力學以慎獨為宗務求此心之安故自號慎安尤精方書濟人

利物所得輒周貧乏巡按牟雲龍薦辟不就懸壺寄逸庭有古梅性最愛當事強移植官舍不活還

而復榮人號返魂香樹題咏甚多適梅遭焚而遂卒學者私謚孝惠先生崇祀御賢祠其子遵遜郡

諸生所輯有古梅軒燼餘集

諸生所輯有古梅軒燼餘集

徐瑯 字子山臨安人精於象緯六壬諸書居嘗戴麻布冠踽踽行市中夜則露坐山頂以占候

次

嘉興府

宋李甲 字景元作翎毛有意外趣東坡題其畫曰郭恕先後一人

王昇 字逸老居羔羊里草書奇偉宋高宗留神翰墨召對賜劄以書稱旨玉音褒賞官至正使

王彥和 工詩推作者嘗書中貴人扇云天邊一線征鴻沒山色淺深墨未勻別浦漁舟待歸

去夕陽渡口兩三人光堯見之稱賞令盡進所咏賜金帛

魯之茂 號雪村海鹽人善畫梅竹寧宗朝仕為郎



王鼎 字德新海鹽人好寫竹學丁子卿深悟筆意子泰之號竹趣亦能紹父業

元巖子成 字伯玉嘉興人大德間京師開御藥局徵子成不就時雪川趙文敏公遘疾醫不能

治邀子成診之翼日即瘳文敏喜為杏林圖并繪孫思邈像贈之自是稱藥師性好施予苟不畱費年八十九忽語人曰我將往五岳遊仙府也無疾而終

明吳弘道 嘉興人義士森之曾孫以醫名療疾每愈則令種竹一竿尋至鉅萬遂號其地曰竹

所洪武初嘗召至京師擢御醫子繼善仕至黃門給事

韓履祥 海鹽澉浦人讀書能詩尤精于醫切脉斷人生生死隔歲輒中洪武中選為御醫成祖

尤加恩遇徧遊公卿間四世孫本亦精其業

嚴樂善 嘉興人業醫有名永樂癸巳理藥星湖市南突有一男子造其室出金飾一器跪而

進之因附耳語未竟樂善擲金大詬且脅之曰我今且不發汝隱汝若更求他醫殺汝同氣我必訟汝于官踰年男子感悟來謝是夜燈花光彩倍常發蓮花一朵有人形類菩薩跌坐蓮中長二寸許隣里競觀如堵達旦始滅吳太史王震澤為燈花記樂善能運氣凝神及子午按摩法年七十五卒殮後五日隣人有遇之於西湖者

許敬 字孟寅嘉善人祖父皆以醫鳴江南治齒痛者許為之最永樂間景芳以院使戴原禮薦

召至京受知仁宗錫賚游加子敬世其業英宗患喉風更數醫勿效敬進絳雪噙之遂愈上喜甚賜以羊酒拜太醫院御醫有奇驗方三卷藏于家

陳以誠 號處夢風涇人善詩畫尤精于醫永樂間擢院判歸臨終作詩有九重每進

千金劑四海曾乘萬斛船之句



**陸金**

號雲峯秀水人原藉華亭精于岐黃之術晚

科每遇小兒奇症洞矚腑臟稱國手賓賜少遊泮

賓賜子從

**張軫**

號漢聚秀水人精痘疹率以意為治多奇驗

**希遁**

嘉興僧深於繕生之術有所療治擇用日辰

貧道為公擇日更之越五六日僧請攝其半及生

之僧言惜取時差爽耳後髭色果微綠

**陸朝**

鹽之世醫也其先有名麒者景泰間衛軍征

遂世善其業朝尤深于內經本草切脈洞見病源

及癆瘵不即起者輒推引嚴漢漢用藥以和緩取

效名亞于朝稱美良醫者必曰陸紹泉嚴陵坡蓋

**艾珪**

字廷肅嘉興魏塘人精于醫治疾有奇驗一

謂瘖也不藥當自愈又有男子請診珪曰此疾不

咸異之錢萼得其術遂精醫有聲吳

**王有禮**

休寧人嘉興邑庠生居鴛鴦湖上精軒岐

尊生外編八卷岳

**朱儒**

字宗魯由吳江徙居秀水昆弟四人儒析產

醫院使嘗侍疾禁中一日神宗御文華殿暖閣召



以益精神宗首肯之自兩宮太后及后妃公主有疾率令中涓言狀從儒授方多效縉紳爭為倒屣所得俸入多以濟困阨每里中人入都儒戀戀桑梓有客死者倡義經紀其喪年七十七卒以子國祚貴贈太子太保大學士

**馮哲**

字克順嘉善人質直嗜義精于醫人遇之即愈呼為多吉先生子愷名與錢夢並馳孫科

亦工

醫

**郁光始**

字涵真嘉善人善醫不計利治病必先貧而後富先賤而後貴病家困苦者冬施絮

衣夏施蚊帳小兒險症賴以全活者甚眾子國瑛能傳其業

**朱績**

字君用嘉善人精于醫決生死百不失一遇症有疑難雖名醫林立必待績一言而決前

後郡縣屢旌其門

**姚能**

字慈良號靜山海鹽人善談論好吟詩精于醫理著傷寒家秘心法小兒正蒙藥性辨疑

諸書

**賀岳**

字汝瞻海鹽人初因母病盡購岐黃書誦之且從四方國手講究遂精其術所著有明醫

會要醫經大旨診脈家寶藥性準繩諸書業醫者宗之

**明盛懋**

字子昭父洪甫善畫懋世其業山水人物花鳥種種精妙始學陳仲美而畧變其法姪著

字叔彰能全譜圖畫運筆着色最精洪武中供事內府有御製盛叔彰全圖記云

**唐宗祚**

海鹽左所人善傳神景泰間與日者胡日章隨都指揮脫綱征金華賊綱戰歿總帥

孫問日章曾算脫公命否曰命書在公篋中又以傳神屬宗祚曰已為脫公寫之矣孫取篋視命書

尅死期一無所爽懸寫像于堂儼然如生有孫泣而祭之二人之名因以大振



陳景初 海鹽人衛官舍善繪事與錢唐戴文進同時筆法亦類之蒼老可愛其孫鳳尤善李

伯時白描

朱端 字克正秀水人正德間以善畫直仁智殿授指揮俸賜一樵圖書遂號一樵時有曾和者

亦以善畫直仁智殿筆法甚高俱乍浦人

趙麟素 海鹽人工畫正德間直仁智殿甚見重于時帶錦衣衛副千戶俸

項德新 字復初秀水人工繪事得荆關法尤善寫生流傳最少海內得其片紙珍為拱璧從

子項聖謨字孔彰亦以畫名

張復 字復陽為道士居南宮一枝堂性沉靜不慕榮利自幼學書專法古人每運帚作大字束

草作山水草木人物各臻其妙

王立本 嘉善人善畫人物山水師梁楷子繼宗師盛懋各成一家立本粗筆遠意有微茫烟

雨之狀繼宗筆法精細迥然不同世並重之

沈雪坡林伯英 皆嘉善人雪坡善寫梅竹伯英工畫花鳥皆有幽雅之趣

張紀 字文正海鹽人工士女衣褶倭髻與唐伯虎相上下而面龐肉色淺染三停用積粉法三

停額鼻頰此古法也今畫家不知矣

陳璣 字天器海鹽人初授業陳草庭景初後遊錢塘故家多載進名跡璣見之入悟所繪山石

雲樹各成一家其寫照則面部鈎染坐法衣紋皆後來所不及後有湯子英者傳其術往來茗中亦

有名

駱文衡 字季銓筆法鍾王晚年與周天球王穉登結社論書人獲寸楮不啻台光學者稱荆



陽先生著有  
字學原委

**朱俸** 字廉夫嘉興人工字學精篆籀古文及漢唐隸法做管夫人書七十二篆金剛經時人共

之珍重

**宋旭** 字石門博綜內外典通禪理善八分書畫山水與雲間莫廷韓同邑呂心文友善入及山

社繪白雀寺壁時稱神妙

**徐弘澤** 字春門春波里人所居當闌闔每與老衲逸民相往來為詩類元白畫出入于久仲

圭丹陽句曲間書法從吳興取途而尤愛張伯雨時稱春門三絕晚登峨嵋絕頂得山水之助歸而

益工時畫自號竹浪老人年七十有七無疾而逝

**吳麟振** 字達生方伯南溪公五世孫九歲知屬文舉筆作大小篆行楷具有間架既長補博

士弟子員書法妍麗端重宗羲繇嘗言學書須戒跛偃欹斜流而為坡公元章父子不足取也曹溶

有傳于甫及進士中書舍人

**魯得之** 字孔孫嘉善人好學敦行為太僕李日華入室弟子工寫竹兼工歐顏書法雲間董

其昌陳繼儒重其才品方之吳仲圭云年七十八無疾逝著有墨君題語末梓者有竹史細香居集

**胡齋** 初名浚字元海陶庄人徙居魏塘賣卜于市言多奇中與同邑袁杞山相約遊金陵寓神

樂觀提點姚一山偶失金杯酷責其徒二人憐之占得剝之頤曰金在土中未亡也汝第從居西南

隅掘下五寸則得矣如其言果得杯永樂八年一山薦二人于上袁稱疾不行胡至京卜無不驗賜

今名授欽天監漏刻博士上新作殿命之卜布算訖跪曰某月某日午時當燬上怒囚之以待至期

倩獄卒覘視返報曰午過矣無火胡服毒午時正三刻燬果焚上急召胡死矣甚惜之賜馳驛歸葬



子四人昱昂皆棄占筮而學畫曾孫昂遂以畫名

高騰字九霄西塘人少識音律因父剛善琴通其譜後遊江湖愈知妙旨斲琴練絃郡邑皆禮

遇焉楚府聞其名聘之往設教三十餘年又應昌府禮聘賜賚甚腆年八十卒于唐

### 湖州府

#### 吳曹不與

郡人善畫名冠一時時有吳範善曆數劉淳善星文趙達善算嚴武善奕朱壽善占夢王象善書夏姬善相并不與稱為入絕嘗畫赤龍以獻孫皓後宋文帝時大旱取不與赤龍置水傍應時得雨

#### 晉姚信

武康人精于天文易數之學仕至太常卿造昕天文

#### 宋吳嶠

郡人精天文袁天綱師事之

#### 錢選

字舜舉烏程人宋景定進士工詩尤善畫世以選畫于昂字馮應科筆為吳興三絕號黃雀山樵仁和人趙文敏公外孫也氣凌邁詩文俊逸尤善畫識者評其聲價在子昂

#### 元王蒙

之下唐棣之上云

#### 明凌漢章

名雲號卧巖歸安人文學以孝感遇泰山異人授明堂鍼術治秦籛疾得瘳孝宗聞之延見聖躋殿賜太醫院御醫年七十有七無疾而終生平輕財好義死之日家無餘資

### 寧波府

#### 唐陳藏器

四明人開元時嘗著本草拾遺中言人肉可以療羸疾故後之孝子多行之

#### 元董筆潭

奉化人少牧牛夜嘗夢筆浮潭上旦往視之果得筆遂以筆潭名由是畫鷹隼及鷲壽果木皆絕倫他若鄞江方吼山之花菓海錯王立木之花菓郭宗茂之水墨花鳥郭小山之水墨



人馬皆稱佳品

明陳錚

慈谿人隨父鏐任銅鼓遇異人授岐黃術能以靈心運古法不必拘拘刀圭當意到處眼

前一草一木拈用之沉痾立起貧而修謝者輒却之人稱杏林先生

高武

號梅孤鄞人嘉靖中武舉北上歷覽塞垣以策干當路不用遂棄歸晚乃崙精于醫治人

無不立起嘗慨近時針灸多誤手鑄銅人三男婦童子各一以試其穴推之人身無不驗所著射學

指南律呂辨痘疹正宗針灸聚英發揮直指各三十卷行于世

趙獻可

字養葵自號醫巫間子鄞人好學淹貫尤精于醫醫貫內經抄素問註及經絡攻正

脉論二朱一例諸書子貞觀亦精于醫治病不問貴賤不計利亦有絳雪丹書痘疹論行世

鍾大延

本江右仕族後為鄞人精醫有病小便秘腫脹面赤發喘醫皆徒熱治愈甚大延曰

是無火也附子湯一服而愈一貴家孕婦病亦然

大延視之曰可弗藥也乃胎壓膀胱耳令其周身轉運而瘳一僧嗜鹽每食筋許眾亦以虫治投藥

輒欲絕大延曰是虫不受藥也當餌之以鹽笋乾用藥煮仍加鹽以服

果嘔虫數升而愈

呂紀

字廷振鄞人嘗戲畫雌雞壁間而生雄繞其側弗去孝廟時召至京師官錦衣衛指揮同

知紀為人謹禮法敦信義凡應詔承制多立意進規孝皇稱之曰工執藝事以諫呂紀有焉此病存

問絡

王諤

字廷直奉化人肆力于唐宋以來書名家凡奇山恠石古木驚湍之類盡摹其妙孝宗朝

大承寵幸時上好馬遠畫亟稱曰王諤今之馬遠也武宗朝授以錦衣千戶欽賜圖書花帶白金文

歸終于家



**高陽** 字秋甫鄞人趙備壻也少工寫生有儀部欲  
 貌其尊人邀陽陽惡其慢率爾應之儀部恚  
 訟之有司因避居金陵改畫山水花石遂以名世  
 從子友所作與陽無異雖陽亦不能辨由是二高  
 之名盛傳于白下焉

**李麟** 字次公鄞人精于人物善白描好釋氏遂專  
 畫佛像好佛者競寶之卒年八十餘弟驥字

次德其藝與兄相埒渡錢塘負擔者攫其行李而  
 去跡之無所乃想其貌而圖之揭于通衢同侶見  
 而笑之曰此某人也遂偕詣負擔家行李悉在一  
 時聞者絕倒從子萼亦工寫生術得麟之傳

**胡宏** 鄞人善易筮天順間太守陸阜邀至官舍占  
 宦途得豐之明彛斷曰逢劉則滯遇馮則止

頃之同知劉文顯與阜大忤屢欲攘臂奮擊明年  
 海道副使馮靖劾阜倉糧不給軍餉謫戍廣西著  
 筮書曰  
 黃金策

**倪光** 字應金鄞人少受易時時沈玩先天輒能前  
 知邀遊兩京一日在楊公文懿所忽中貴使

至光見一雀自庭樹集于地已復還集樹即謂使  
 曰汝來得非失馬乎六日當復使大驚因復問馬  
 色光曰黃而近于黑皆悉驗都憲王應鵬問得莊  
 宇光曰莊子開卷說鯤化其應鵬必九萬里乎以  
 楊氏甥妻之平生不殖產所獲即散之人日偕士  
 大夫為社賦詩年八十生而舉殯擬淵明自祭杜  
 牧志墓事所著  
 有味易詩集

**吳國才** 奉化人悉心唐舉之術遠歸訪故舊不在  
 其孫開肆緘畱而去祖歸孫曰頃有吳叟

畱書曰此國才先生也丰鑒最妙相汝色汝婦當  
 粉骨碎身其慎之及期俾婦坐新室竟日不出抵  
 暮食既啓檻取水虎爪之入山以食門人袁柳庄  
 侍太宗問其所與以國才對遣使召試之果然將  
 錫以官國才以  
 福薄辭果卒



**幕講僧** 不知何許人明初來鄞善堪輿術無不奇  
 手以故久而益神所著書絕無刊本厥後行堪輿  
 者托言幕講秘傳遂足炫動一世不知其實已不  
 傳矣卒以流寓死于鄞

**袁琪** 號柳莊嘗游普陀洛伽山遇異僧令仰視赤  
 日暗室辨黑赤荳月夜隔窗辨五色彩線悉  
 其術授之又受相術于奉化吳國才成祖龍潛時  
 邑人金忠戍趙州忠窶甚其妻哭于市琪聞其聲  
 驚曰此貴夫人也因相忠必大貴饋之驢忠至燕  
 以下見大見寵異遂薦琪召至燕上雜衛士中就  
 肆飲琪見跪曰殿下何輕行乃爾還宮召琪琪曰  
 龍行虎步日角插天太平天子也俟鬚及臍當登  
 極矣已而果然因驛召至京拜太常寺丞好吟  
 咏有柳莊集子忠徹傳其術仕至尚寶司少卿

紹興府

漢謝彛吾

山陰人少為郡吏學風角占候太守第五  
 倫擢為督郵時烏程長有臧釁倫使收案  
 其罪彛吾到縣無所驗但望閣伏哭而還一縣驚  
 怪不知所為及還白倫曰竊以占候知長當死近  
 三十日遠不過六十日遊竟假息非刑所加故不  
 收之倫聽其言至月餘果有驛馬齎長印綬上言  
 暴卒後仕至郡守豫尅死日如期果卒勅其子曰  
 漢末當亂必有發掘露骸之禍使懸棺下墓墓不  
 起墳

韓說

字叔儒山陰人博通五經尤善圖緯之學舉  
 孝廉數陳災眚光和元年十月說言於靈帝  
 云其晦日必食乞百官嚴裝帝從之果如所言中  
 平二年二月又上封事尅期宮中有災至日南宮

大火

吳吳範

字文則上虞人以治曆數知風氣聞於郡中  
 吳大帝欲討黃祖範曰不如明年明年荊州



劉表亦身死國亡其言皆驗嘗言歲甲午劉備當得益州呂岱從蜀返言昭烈部眾離落大帝以難範範曰臣所言者天道也昭烈卒得蜀大帝與魏為好範曰以風氣言之彼以貌來宜為之備昭烈盛兵西陵範曰終當和親皆如其言大帝以為騎都尉領太史令數從訪問欲知其訣範秘惜其術不盡語大帝恨之

魏虞松

字叔茂餘姚人官至中書令大司農竇泉述書賦云名微恪高復見叔茂體裁簡約肌骨豐嫖如空凝斷雲水泛連鷺

晉嚴卿

會稽人善卜筮鄉人魏序欲暫東行時荒年氣而非劫也宜禳之可索西郭外白雄狗繫着船前求索只得駁狗卿猶恨其色不純當餘小毒及六畜輩耳序行半路狗忽作聲甚急比視已死其夕序望上白鷺數頭無故自死而序家無恙

于法開

居剡醫術明解嘗旅行暮投主人其家妻一肥羊食十餘鬻而針之須叟兒下羊管裏兒出

孔侃

字敬思孔愉字敬康述書賦云思行則輕利峭峻驚虬逸駿康草則古質鬱紆落翮推枯

謝藻

字叔文山陰人官至中書侍郎述書賦云叔文法鍾纖薄精練用筆雖巧結字未字似漸

賀思令

善彈琴會稽人善琴武陵王晞召之即破琴晞乃召其兄述述聞命欣然操琴而往

王敬伯

餘姚人善鼓琴嘗至吳郵亭維舟中渚秉燭理琴見一女子被幃而進二女子從焉先施錦席于東床既坐取琴調之聲甚哀女子曰此曲所謂楚明光者也惟嵇叔夜能為此聲自此



以外傳習  
數人而已

五代宋孔靈產

山陰人解星文好術數齊高帝輔政  
沈攸之起兵靈產白高帝曰攸之兵

衆雖強以天時冥數而觀無能爲  
也高帝驗其言擢遷光祿大夫

賀道力

山陰人吳興令善草書尺牘尤美王僧虔  
曰賀道力書亞丘道獲述書賦云道力草

雄圖轉不窮壯自躬之  
體格疲逸少之流通

孔厥

字季舒會稽人官至光祿大夫述書賦云  
季舒纖勁循古有禮遇稀難評惟署一啓

夏赤松

會稽人文帝好碁于時江左能碁人瑯琊  
王抗第一品吳郡褚思莊及赤松第二品

齊徐熙

東海人僑居山陰秦望山嘗遇一異人遺一  
瓠曰君子孫宜以醫術顯開之乃扁鵲鏡經

遂精  
醫學

梁謝善勛

山陰人初齊末王融圖古今雜體有六十  
四書湘東又遣沮陽令韋仲定爲九十一

種善勛增其九法合成百體其中以八卦書  
爲第一以大小爲兩法經丈一字方寸千言

陳僧智永

於永欣寺樓上積年學書業成方下有禿  
筆頭十甕每甕皆數石人來覓書者如市

戶限爲之穿穴乃用鐵裹之人謂鐵門限後取筆  
頭瘞之號退筆塚臨寫真草千文八百本江南諸

寺各留  
一本

僧智果

工書銘石甚瘦健煬帝甚善之果嘗  
謂永師曰和尚得右軍肉智果得骨

賀朗

會稽人工書官至秘書監述書賦云賀  
氏曰朗雖非動人不凡筆力猶阻學貧

唐沈七

越州人善卜李升員外謂之曰聞消息李侍  
郎知政事某又得給事中如何沈七云李侍

郎卽被追不得社日肉喫後此無祿公亦未改不  
得給事中其時去社纔十四日果有勅追李侍郎



至汴卒李亦不得給事中

吳仁璧女

少能詩兼明元象陰陽之學天復中仁璧登進士居越中甚貧困女曰大人慎

出入恐羅網羅已而錢武肅王命撰其墓銘仁璧不從遂被繫女泣曰文星失位大人其不免乎遂

併女沉之東小江女年十八

僧辨才

智永弟子臨其師書逼真寶愛蘭亭真跡太宗求之不與用蕭翼賺得之

徐師道

字太真會稽人裴行儉辟授九龍尉棄官歸精於翰墨子僑之

徐嶠之

字惟嶽以書翰世其家嘗面誦張易之終洛州刺史今閣帖所摹春首帖是洛州時

書甚有大令姿態常書告身米元章曰唐官告在世為徐嶠之體殊不俗子浩

徐壽

幼勤學書在于真行頗知筆法使定古跡亦勝常人

徐峴

工于行草石曼卿得其石刻屢稱於人

潘述

會稽人述書賦云潘袁兩傾謁

陳閎

會稽人善畫尤長于人物以能寫真本道薦之開元中召入供奉閭立本之後一人而已

孫位

會稽處士有道術兼工畫皆妙得筆精僖宗西幸之年隨駕止蜀曾于應天寺門左壁畫

天王部從鬼神奇怪筆勢狂縱三十餘年無有敵者

僧道芬

會稽人畫山水格高

獨孤生

失其名居山陰嘗于鏡湖吹笛有入雲之聲

王叔文

山陰人德宗待以蕃行詔

宋莫起炎

山陰人更名洞一號月鼎師青城山徐無極及南豐鄒鐵壁傳斬勘雷書能召鬼神



驅叱之寶佑六年浙東大旱紹興守馬鸞迎致之  
 起炎登壇瞑目按劍呼雷神役之即陰霧四起震  
 雷大雨理宗作詩賜之元初見世祖於內殿世祖  
 曰雷可聞乎起炎即取袖中核桃擲地雷聲應發  
 張永洛陽人為翰林醫學與太醫令李會通同時  
 無異但改煎為散耳散疾遂愈與會通同授駐泊  
 郎扈從高宗南渡因家餘姚後登進士至禮部尚  
 書學士所著有衛生家寶及小兒方傳于世

丁權字子卿會稽人善畫竹自述竹譜

賀某會稽人方回裔孫號鑑湖懶民作平遙細竹瀟灑可愛

鄭日新越州人少善碁世號越童

元張德元不知何許人至正間嘗為諸暨州吏日避亂居山陰善相字一子名槐忽謂友人是

兒必死槐字木傍鬼非死兆即兒果卒其友病以  
 豐字示之德元曰死矣明日計至或問其故德元  
 曰豐字山墓所也兩丰封樹也豆祭器也墓既成  
 矣尚欲生乎或以命字揖德元使占人病德元曰  
 已死君持命字以揖垂命之兆也已而果然徐總  
 制書字問德元德元曰據字今夕君當納寵徐歸  
 其夫人呼一婦人出拜乃乳媪也嘗飲劉彥昭家  
 曰今夕復有客已而客至問之德元曰吾聞滌器  
 聲故耳

馮道助山陰人善幻術凡里中犬齧人者道助指

妨其業則詈之道助摘草置其上已而所築連堵  
 皆潰三江戍卒侮之遂謝不與較但引之坐石橋  
 上道助既去戍卒踰時不能起道助行三十里許  
 摘草與樵者曰某橋上有戍卒數人可以此草與  
 之樵夫如言戍卒始能去嘗至丁墟呼農夫渡不  
 得遂幻雙鯉躍田中見者取鯉禾盡蹂躪又嘗暑



行至顧埭乞瓜于圃人弗與蔓中忽走一白兔行者爭逐之瓜蔓盡傷後符錄事發覺有司遣人持牒往捕適與捕者遇於途取捕者公牒去而捕者昏然不見

**滑壽**

字伯仁自儀真徙居餘姚少學醫于京口王居中受素問難經以素問篇次無緒難經又多缺誤乃類次手抄而讀之且為之注參考張仲

景劉守真李明之三家而大同之得其開闢流注方員補瀉之妙又傳鍼法於東平高洞陽究十二經及督任二脈走會屬絡流輸交別之要通考隧穴六百四十有七而施治功以盡醫之神秘由是所療無不奇效壽與宋僖為友其詩雅健元時曾鄉舉按滑氏家譜則劉基之兄弟也基嘗訪之於餘姚留數月而去其子孫散居餘姚武林而武林為最盛

**項昕**

字彥彰自溫州徙餘姚幼業醫從金華朱彥修錢塘陸尚靜集慶戴同父紹興陳白雲受

五運六氣之說治病奇中著脾胃後論補東垣之未備喜詞章善音律戴九靈為其傳

**王公顯**

字達卿新昌人性聰敏其父語之曰不從將有干戈之難慎勿求仕公顯遂精於醫

邑中大疫公顯與其子宗典沿問療治之所活甚衆

**尚雨**

字仲彬山陰人善山水雜畫松石師郭熙墨

**鮑敬**

字原禮山陰人善畫人物亦善花木禽魚嘗為人畫牡丹恣態天然畫牛效李迪

**陳憲章**

會稽人善畫梅有聲京畿

**楊維翰**

字子固諸暨人維禎之從兄善水墨蘭竹為柯九思所推

**毛倫**

字仲庠諸暨人貧而放情吟咏善畫牛及木石

**張英**

字仁傑諸暨人有儒行善畫花鳥



明周述學

字繼志別號雲淵山陰人精於易曆弧矢

得述學竭其心思別造為書以註元史曆經西曆有緯度凌犯述學會通其說以中國之算測西域之占古有日道月道而無星道述學推究五緯細行為星道五圖又撰大統西域二曆通議以補歷代之缺自曆以外律呂分野山經水志算法醫宗壬遁風角陣法卦影九流之學莫不各有成書凡千餘卷總名神道大編嘉靖間錦衣陸炳訪士於沈鍊禮聘至京趙司馬訪以邊事述學曰今歲主有邊兵應在乾艮艮為青州遼海乾為宣大京師可無虞也已如其言仇鸞欲致之先幾返越胡宗憲征倭私之幕中諂以秘計成功而退不欲人知也

鄺元真

諸暨人學道術能驅雷電宣德間過大部鄉宿農家其家無烟而火沙石從空中下元真書一符焚之即有大雷震死一狐

葉元

新昌人幼時渡槐潭溺水見一赤面長髮人救不死自是遂通符呪諸五雷祈雨法成化

間郡大旱守白公延之祈雨即時大雨府倅女為妖所惑書符懸之少頃震雷擊巨蛇死女漸愈

駱用卿

餘姚人正德三年進士歷官兵部員外郎致仕嘉靖中建初陵大學士張孚敬尚書汪銑薦用卿精於相地理上命擇地具圖說以進即永陵是也然用卿嘗嘆曰天生駱某乃以地師

終耶

石達

字良仁諸暨人洪武中以辟薦至京師會諸王有疾近臣或言達善醫詔視之有效自是

遂以醫顯後為御醫院使

俞用古

新昌人有病人危篤延用古治一人無病欲試其術亦入帳中俟病者診畢而後求診用古曰初診者可治次診者必死主人大笑之已而果然王氏數口忽啞用古問其所嗜曰雉用



古曰吾知之矣以姜汁飲之立愈蓋雉多啄半夏其毒在內故也一女子欠神兩手直不能下用古曰須灸丹田因灼艾詐解其裙帶女子驚護之兩手遂下

**樓英** 字全善蕭山人著氣運類註四卷醫學綱目四十卷王應華傳其學

**黃武** 字維周山陰人越人療傷寒輒用麻黃武獨日南人質弱鑿喪甚多本已撥而改其表殺

人多矣乃投以參芪輒取奇效

**張介賓** 字景岳山陰人從父之京師金夢石授以醫術以扶元氣為主謂河間丹溪立論稍

偏後世寒涼之弊多成元氣故其註本草獨詳參附之用所著類經綜覈百家剖悉微義凡數十萬言歷四十年而成西安葉秉敬謂之海內奇書又作古方八陣新方八陣醫學至介賓而無餘蘊

**馬蒔** 字元臺會稽人註靈樞素問為醫家之津梁

**張員** 字一民一字天民左目無瞳子自稱左瞽善草書亦工畫然不為貴勢人作洪武初辟為

開化教諭

**沈恪** 字克敬會稽人善題署魏驥林鸚皆重之

**鄒魯遺** 餘姚人善署書法張即之今西興渡莊亭古蹟是其所書書家謂入能品

**陳雀** 真書得晉人位置法

**俞鵬** 字漢遠上虞人善畫波浪遊兩京名重公卿間有巨璫欲薦之即僵卧不肯起

**袁子初** 字叔言上虞人寫梅得王元章法

**史琳** 字元瑞餘姚人仕至右都御史善墨竹

**楊榮** 字時秀餘姚人成化八年進士歷官都水郎中善墨竹榮工于詩嘗于舟中著和唐音



史旦 嵯人畫禽鳥甚精

錢世莊 嵯人工畫驢色態飛動

楊節 字居儉餘姚人弘治末以善書直內殿為序班畫菊有草書法

徐蘭 字秀夫餘姚人善水墨蒲萄

孫堪 字伯子餘姚人善畫菊黃紫參差儼如庭植

朱太僕 字南雍山陰人善畫山水木石

陳洪綬 字章侯諸暨人陳繼儒曰章侯畫為工字次之詩又次之

岑乾 餘姚人從父遊武林或竟日他往家人恠之乾曰有羣兒呼與奕自是頗異遊京師嘗勝

顏倫 倫天下第一手也

### 台州府

明王奇 字世英天台人初為諸生穎敏絕人兼通天文卜筮星數之學或曰有異傳焉然自得為

多遊金陵三原公在兵部方為權貴所尼屬奇筮之曰公歸矣越三載其起當銓衡乎已而果然刑

部逸重囚奇筮遇恒之大過曰五為囹圄賊入矣其焉逃之計其獲口與時皆不爽陳指揮妻死將

歛其女病問命于奇奇曰女固無恙其母亦且未死後當生二子即欲歛必越午午時妻復生後果

生二子王郎中應奎制命奇 中 未盛若復之南所至必有火災後守台州既上三月郡中災十

室九燼王以疾去後游歡谷山中仰見天象嘆曰客星王急變奈何越三日復觀則喜曰無事矣未

幾劉瑾敗此數事其尤異者奇性孝友有所得歸付其弟以養母母年九十奇為兒態以悅之有嘉

菓必袖以獻在京師時館人以事坐誣繫獄奇為直之其妻夜招飲閉門不赴明日徙去之奇不受



室以姪宗元爲嗣宗元亦有純行號西軒奇卒年八十七邵尚書寶爲志其基

### 金華府

### 漢趙炳

字公阿東陽人能爲越方以氣禁人人不能起禁虎虎伏地以盆盛水吹氣作禁魚龍立見與閩人徐登遇於烏傷溪上各試所能登及禁溪水水爲不流炳復禁枯木木卽生莢二人相視而笑其道貴尚清儉禮神惟以東流水爲酌創桑皮爲脯但行禁術所療皆除後登物故炳東入章安百姓未之知炳乃故升茅屋培鼎而爨既而爨熟屋無損又嘗臨水求渡船人不許炳乃張蓋坐其中亂流而濟沒後人爲立祠於永康至今蚊蚋不能入

### 隋舒綽

東陽人宰相楊恭仁欲遷葬會陰陽家五六輩皆海內知名恭仁未之決遣人馳往取葬地四隅土各一斗方面形勢悉書於曆密緘之恭仁出土示衆言人人殊獨綽定一土泚筆識之與

恭仁所書之曆無毫髮差綽曰此土五尺外有五

穀得其一卽是福地世爲公侯恭仁延綽至其處

掘地七尺得一穴如五石甕貯粟七八斗是

地昔爲粟田蟻啄之入穴故然時以綽爲聖

### 唐陳昭

婺州人僕射房瑄國相崔渙嘗貶睦歙州官昭見之云二公他日並爲宰相然崔公爲一大使來江左及至德初明皇入蜀房崔二公同時拜相崔後爲選補使按行江東

### 宋李明甫

東陽人善醫尤精針法義烏令病心痛垂死明甫視之曰有虫在肺下藥所不及惟硬乃可然非易也給謂於背上點穴密取水以喫之令方驚而針以入曰虫已死矣旣而復大痛下黑水數升虫亦去遂愈

### 盧鴻

字碩父舉進士善仙卜鄉人周師銳旣中省問之曰當魁多士且曰熟讀程易師卦已而廷對問師律之旨遂爲武舉第一人又善驅邪有條桑者墮地嘔血而死鴻曰行持可也宜靜聽之



頃四山皆鬼叫病者忽呻吟嘔血數升而甦

**范疇**字復初金華人宋建紹間嘗為洞霄宮道士得江西張九牛著易之占神妙莫測杭有無

藉子胡婆壽負罪而逃官督責嚴捕者即疇求筮爻成疇曰可於北方樹木中得之如言迹至臨平果獲於空楊柳樹中遂繫獄後會赦出欲報疇持刀晨扣疇門給以卜欲殺之疇決以占知其將不利於已隔門問之曰欲卜可擲下手中刀胡聞之駭服

**明戴思恭**字原禮浦江人聞義烏朱震亨得許文懿

其秘乃往執弟子禮受業其門丹溪一見奇之悉語以濂洛授受之懿及醫藥諸家要旨遂以醫道鳴于時洪武中徵入朝將屬以太醫院事原禮以老病辭授階廸功郎職御醫高帝大漸同列進藥不稱者皆麗于辟獨指元禮謂侍臣曰戴元禮仁義人也慎無恐永樂初超陞太醫院針以毫乞骸

骨許之卒論祭于家製文褒獎備至

**王立**字與權性至孝親有疾衣不解帶湯藥必親嘗曰人子不可以不知醫惟理學既講之素

則取術於醫自無所難明祖初入金華即召儒醫而得與權與之語大喜問及家事對曰臣人口未知存亡何敢及家事惟願號令軍不擾攘市不易肆上聞其言亟遣使特給號令赴與權家時家人男女二十餘口俱提挈所有抱嬰兒投溺本家井中冬月井涸使臣乃倉皇於井中取出俱得不死咸以為孝親濟物所致見名賢傳

**虞搏**字天民義烏人博覽羣書能詩章因母病攻

醫精于脉理診人生死無不驗當事聞其名聘之治病扣問醫道搏以節嗜慾戒性氣慎言語謹服食乃攝養之要益加禮敬著有醫學正傳方脉發蒙百字吟半齊稿行于世



楊云 武義人云家術業醫名動一時宣德乙卯召  
至京師入對稱旨超授御醫適睿宗弗怡藥  
進有效特陞太醫院使賞資甚厚寵遇與楊少師  
士奇等名動朝野舊名榮睿宗以其與楊尚書榮  
同不便宣召  
賜更名云

王鏡澤

蘭谿人肆力醫學遊大都竇漢之門悉傳  
其術以歸竇囑之曰傳吾術以濟人使人

無病卽君之報我也遇人有疾施針砭無不立愈  
至元初徵領揚州教授以母老辭所著有重註標  
幽賦傳  
于世

劉日新

金華星者明祖下婺之日召之推命答曰  
將軍當極富極貴極富者富有四海極貴

者貴爲天子明祖喜洪武四年召之問欲貴乎對  
曰不願欲富乎對曰不願問以所欲曰臣所欲者  
求一符可以遍遊天下耳明祖以手所揮白扇題  
詩識以御寶劉持此遍遊十二年回家忽對妻子

言我當死干非命故歸欲作別去游京師遂至南  
京都市中推算都督藍玉平雲南回因詰劉言將  
軍將星見梁地當封梁國然七日必有一險我當  
與將軍同死後果封玉爲梁國公侍朝穿紅袍在  
西班牙時日當上照映上日之曰此將軍不獨外邦  
人畏之朕亦膽寒矣有張尚書者同往雲南與玉  
不睦對曰此人在陛下前不妨但恐非少主臣也  
上由是欲誅之玉臨刑時嘆曰神乎劉先生之言  
問爲何人曰劉日新上聞因逮劉至問曰汝與藍  
玉算命否對曰曾算又問汝命盡幾時曰盡今日  
遂殺之

王葯

字子約善畫竹多用鈎勒與蘭谿人徐良甫  
梅徐舜字號稱三絕蘓平仲常作鈎勒竹賦

以美之且云魯國聞孫修才  
純德隱于陋巷爲可尚云

孫櫓

號南屏東陽人性穎異精岐黃五都有單姓  
妻產死三日心尚溫櫓適過之一劑而甦竟



產一男又有人頭生瘤痒甚櫓曰此五瘤之外名  
為虱瘤決破之果取虱碗許遂痊其效多類此著  
有醫學大成活命秘  
訣脈經採要等書

皇清徐應顯

字子祐永康人業儒精醫術多所全活  
晚年益精歷游名公巨卿間貧寒以疾  
請匍匐救之所著有醫方積驗歲大稜倡行糜粥  
有以逋賦告者為貸錢焚券人德之御史牟雲龍  
廉其行表其廬曰儒  
修相業年八十餘卒

衢州府

元劉光大

字宏甫西安人至元二十三年任衢州路  
醫學提領後陞本學教授創三皇廟繪塑  
聖像置四齋左曰調神全生右曰精微虛靜子咸  
字澤山建濟民藥局孫全構曾孫仕聰世傳醫術  
家于  
西安

明朱暉

字德明龍游人少從趙綠督得星曆之學獲  
受革象新書以占天名家沒以其書傳門人  
章濬遂顯于時受知高廟擢任欽天監累官  
至司元大夫中官正其子孫在監世習天文  
余世規  
龍游人精仲景叔和之術凡經針艾藥餌  
罔不獲効求者盈門不拘貧富咸濟之正

統間擢本  
學訓科

伍子安

江山人通經史邃于醫請者如市不  
責報宋公濂志其墓孫敬中世其業

嚴州府

明余德

字懋之遂安人元末負才不仕徧遊江淮尤  
精堪輿之學父祖曾及衢嚴名墓多其裁定  
識見出人意表同時  
周儼亦以地學齊名

方叔和

字節之建德人由儒醫授本府醫學正科  
成化二十年禮部列名取赴京二十二年



憲宗命入御藥房供事陞授御醫弘治四年岐王  
邁疾令叔和診視有效累受白金文綺之賜進階  
修職郎

程汝明 淳安人事繼母婉曲承志猶善療痘遇貧  
不計利多所全活左司馬汪道昆御史汪  
有功有傳有贊直指方元彥旌其行  
檄行淳安縣列名旌善亭備邑志

溫州府

宋劉拱辰子

永嘉人逸其名徽宗政和間以方技至  
京師甚見寵幸封為純和處士名其里

曰純  
和里

僧釋仁

永嘉人善畫一夕夢看龍四百條自是臻  
於神妙每醉揮墨醒後乃補之形狀極於  
奇怪常顧竹壁取拭盤濡墨灑其上  
來日少增備為狂根枯卉人服其神

明虞恍

永嘉人字君大工書法萬曆間大宗伯朱之  
蕃考入儒士上等凡官於甌者無不禮重焉  
至今甌人善書者必  
以為得虞家筆法云

處州府

明鄭孟純

多技術尤善音樂洪武初詔州縣以雅樂  
釋奠頒其成書於天下時無知者孟純獨  
能察音律教諸  
生後舉入成均其居者恐難見之行事也其中多

聶瑩

得湖州凌漢章針法針至病起雖厚衣可按  
穴而定不以錢帛介意人稱神醫爭迎之



本寺發舉人如...

國漢孟縣

縣真其知善然天不執無味音孟縣

魚水

以魚與宋筆去云

國漢

善書首必... 善書首必... 善書首必...

### 浙江通志卷之四十三

#### 僊釋

一二氏者流與聖學異然歷朝皆有塔寺之建而趨  
宋至以大臣提舉宮觀教法之盛相習成風昌黎  
所謂人其人廬其居者恐難見之行事也其中多  
有宣靈表異彰明果報之由與福善禍淫之說並  
資懲勸而况遊木杪之琳宮憇雲邊之梵宇足以  
點綴山川增益名勝亦有不可廢者與作僊釋志

#### 杭州府



古赤松子

神農時雨師也相傳富陽赤松子山乃赤松子駕鶴往來時憇于此山因以名

周董夔成

西王母之侍女世傳其故宅即臨湖妙庭觀夔成煉丹宅中丹成得道自吹玉笙駕鶴昇仙邑人立橋望之因名望仙橋宋紹興初道士董行元掘土得銅牌有字云我有蟠桃樹千年一度生是誰來竊去須問董夔成

漢張道陵

於潛人留侯入世孫生有彩雲紫氣之瑞七歲誦道德經于天文地理河圖緯經無

不通從學者千餘人永壽間賜號正一人

蔡經

餘杭人學仙術王方平偕其妹麻姑降經家姑手爪似鳥經見之念背痒時可以此爪爬

之方平即知乃鞭經曰麻姑仙人也何敢如是經後于吳天璽二年脫去

杜昇

字叔恭錢塘人謝靈運幼養其家今客兒亭是也事後母以孝聞三辟不就神人授以秘

典焚香即見人三五世禍福符章立驗桓温北伐敗績悔遶其言所策淝水之勝其蚤鑒也後戒家人治凶具

剋期尸解

晉葛元

仙翁每飲酒醉輒入陂水中卧竟日乃出至富春西巖山向寺僧求地煉丹丹成昇舉

許邁

字叔元一名映嘗謂餘杭垂雷山延陵之茅山古神仙陳安世茅季偉所遊處也又謂臨

安多金堂玉室仙人芝草遂入臨安西山登巖茹芝渺然自得人莫測其終

葛洪

字稚川句容人儒學知名性寡欲不慕榮利惟好神仙導養法其從祖元得仙以丹術授

鄭隱洪乃就隱學悉得其法又師鮑元兼綜鑿術著撰精覈才華富贍以天下亂避地江南于餘杭

山咸和初選為散騎常侍不就聞交趾出丹砂求勾漏令乃止羅浮山煉丹後尸解去今墓在西湖

葛嶺



**郭文** 字文舉河內軹人年十三歷華陰山石室中

山一日有虎張口向之文視其口中有橫骨乃引

手探去明日虎置一鹿于舍外後虎服役如僕從

令負箬隨行嘗置于鳳凰山側文貨藥歸晚則虎

嗥餘杭令顧颺與葛洪共造其舍携與俱歸贈以

帝袴褶一具不受王導聞其名遣人迎之不馭舟

車荷擔徒行導置之西園朝士咸往觀焉頽然箕

踞旁若無人

**唐閻丘方遠** 其先齊人幼辨慧學于廬山道士陳元

唐景福中居餘杭大滌洞吳越王奏請

賜紫號元同先生一日作控鶴坐而逝

**吳筠** 字貞節本華陰人通經義美文詞隱居不仕

嘗問道曰深于道者無如老子五千言復問神仙

治煉曰此野人事非人主所宜留意歸居餘杭天

柱山著述文章

凡四百五十卷

**徐靈府** 號默希子天目山人通儒學居天台虎嵩

之辭不復出後遂絕粒嘗著元鑑五卷撰天

台山記三洞要畧門人得其道者有左元澤

**潘先生** 不知何許人亦不詳其名字居杭州曹橋

生之術嘗有少年寄止茆齋居六十日不飲食傳

以異術能知九州內外吉凶事既而曰閑人何用

知是乃却之一夕少年復來授之符篆

祛疾法赴者如市十餘年無疾而終

**丁飛** 字瀚之與陸龜蒙交居龍泓洞讀莊老書善

每月夜鼓琴鸞鶴翔集年八十六毛髮不衰顧反

益壯力作陟險如飛善小楷有丁行者蘸筆池

**宋管歸真** 錢塘人年十一入錢明宮天聖間有青衣

欲傳以點化術歸真曰歲遠能無變否曰



五百年後當復故耳曰得不為後人誤耶青衣以手加額曰先生真人也遂以紫府符法授之祥符初詔赴闕行符水法病膏肓者悉愈賜號元靖後京師大旱詔歸真作法雨大注仍賜正白先生號

**馬湘**

字自然錢塘人少為小吏好經史工文學嘗至湖州醉墮雲溪經日始出衣不沾濕溪邊

人聚觀之能指溪水令逆流良久指柳木能隨水上下指橋令斷復續或有疾告之即以所在竹杖

指病者口吹杖頭如雷聲病隨愈跛倚而來者以杖扣之應手便伸展

**潘闓**

字逍遙錢塘人通易春秋尤以詩知名太宗名對賜進士第以與王繼恩善被收真宗釋

之以為滌州參軍蘇軾過一山院見壁上題句云夜涼知有雨院靜似無僧乃闓夏日宿西禪院所也

**何仙姑**

南覽村人三十不字採樵自給見山間桃寔如栝啖之自是不饑元祐中昇化令鄭

滂賑荒姑混入稠衆就視人爭異焉姑即道

涉雙溪忽雲霧覆之不見令上其事勅祀之

**宋恭**

行九六富陽人登俞魁榜進士已而致仕潛跡巨石洪下遇真人授以道家法即能通神

咸淳四年大旱蕭山縣丞陳績率耆老迎之呼吸間大雨如注禾賴以甦居鄉里能以道術為民間

禦災捍患

屢著靈驗

**沈敬**

敬遇老嫗鍾山令汲山泉煮白石石柔餌之得仙敬煮十載不柔嫗曰內蓄疑耳堅信吾

言當自柔已而果然餌之身輕貌忽變後竟不知所之

**王嗣昌**

自北海來望吳山五色雲跌坐頂上竟日衆異其貌編茅供茅君其中居焉遂不下

山嘗畫地為獄囚妖燔馘之治病即愈不用醫術也居吳山三十年無疾朗吟而化高宗感其靈異

為建三

茅觀



蔡道像

博學通微遇異人得仙訣高宗南渡阻風  
祠茅君而濟見絳衣人坐吳山因改菴為  
觀使主焉能致鶴百萬因賜田及

車四元

貌甚偉有黃白術飲酒數斗不醉蔡京為  
錢塘尉有道人求見京延與語飲之酒而

去又明日復至飲酒數斗曰夜不能歸願託宿不  
得已許之且祈同榻命京處外已處內戒曰中夜  
有相尋覓者幸勿言至三更聞舍外大聲項漸衆  
排戶入曰車四元在此欲就床擒之或曰如并損  
床外人何京大恐起坐呼從吏無一應者道人安  
寢自如不為動外人云又被渠閃了六十年咨嗟  
良久聞室內如揭竹紙數萬番之聲鷄鳴乃寂呼  
從者問所見皆不知道人嬰然謝曰某乃車四元  
也賴公脫此大厄公  
貴窮人爵吾是以免

白玉蟾

以神童為神霄吏名滿天下煉丹于三一  
菴醉墜西湖逃尋不得明日見坐水上猶

醺然

羅少微

寓紫陽宮夜雪與丁文學輩擁爐思美醒  
肥并微奮袂提羊蹄銀榼酒至曰帥庖物  
也相與歡醉擲劍

騰去榼歸于庖

唐子霞

宋政和間入道洞霄宮性嗜讀書撰大滌  
洞天真鏡錄朝廷方求巖穴奇士部使者  
以名聞徽宗幸寶籙宮講所上望見儀狀魁偉即  
日授金壇郎王洞霄宮四方學者翕然從之盜起  
徽嚴間破臨安縣官吏散走其徒治舟請行子霞  
曰吾蒙天子命在此宮守死吾職也公等第去已  
而賊至子霞正  
色叱之遂遇害

貝大欽

餘杭人入道洞霄任山三十年延納雲水  
日親視州餼無缺建洞晨觀修黃籙普度

萬餘名理宗  
賜號靈天師



唐道錄 素以精虔章醮得名度宗時國事危急令

默叩張真君云上帝禁通宋國表念表詞誠懇姑

請玉塔見引服冕辨髮神人至衆荷青册者隨之

傳旨曰宋國人民疆土傳汝職掌神人拜傍有天

丁語道錄曰宋曆盡章所由不達也革命後始為

人言

元莫起炎 錢塘人入青城山見徐無極授五雷法召

有神物隨之者嘗與客遊西湖烈日中向空噓氣

忽黑雲一片隨而覆焉人皆異之元世祖求異人

于江南得之 賞賚優厚

鄧牧 居餘杭洞霄宮之超然館文章高

逸徵之不起大德間無疾羽化

葉林 錢塘人素工詩文得古體性不苟合飄然遊

天日至九鎖山築小室溪山間惟啖果窳顏

色自若與鄧牧深相得每月夜往來相與

劇談大德丙午正月一日無疾書偈而化

丁野鶴 錢塘人元延祐初居吳山之紫陽菴導引

山書偈云懶散六十三妙用無人識順逆兩俱忘

虛室鎮常寂坐抱一膝而逝方外謂之騎鶴化守

素束髮簪冠着道士服奉夫遺骸二十年跡不下

山年逾七十餘歲幾于得道者薩天錫贈有詩

王應瑾 號景舟居祐聖觀張伯雨楊維禎與交而

人早災呼雨若涕唾平居

種藥洗竹吹笙調鶴而已

明貝國器 郭谿人寓居海寧烏鵲橋有異術弟子欲

器在奇中吳元年與鐵冠道人俱遊白下同宿值

高皇微行假榻因無枕以斗為枕而寢國器夜出

視天曰帝星臨斗帝遠昂首聽之鐵冠曰尚離尺

餘也帝大驚明日召二人至問國器以國號對曰

折



當是大明問鐵冠以年號對曰當是洪武皆心所默定者益異焉俄而隱形去不復見

張三丰

所訪真仙也身長七尺美髯如戟經書一覽即成誦寒暑惟一箬笠日行千里靜則瞑目旬日所啖升斗輒盡或辟穀數月自若也洪武二十

六年自言辭世比葬發視之復生後居寶極觀聞胡濙至竟遁去

冷謙字敬敬無書不讀尤深于易及邵氏經世天

然效之遂精其法遇異人授以中黃大丹元未已百餘歲矣高帝時詔授協律郎定郊廟樂章嘗画

一鶴守門令貧友入取帑金三錠戒無過取友恣取得金而遺引內帑失金因問故并逮謙謙求補

足入瓶中因隱不見逮者持瓶見上呼之不出碎瓶片片皆作謙語卒遁去

周思得字養真行靈官法先知禍福太宗北征召扈從數試不爽鞭虎先驅故駭潰炎途尸

機禱雪覆之六軍大悅城西靈官藤像上獲之于東海朝夕崇祀所征必載以行及金河川昇不可

動問之對曰上帝畫界止此已而果有榆川之役思得歷事五朝還山尸解年九十三勅葬八盤嶺

張落鬼不知其籍或曰錢塘人嘉靖中寄黃谷山莫測一日持磁碟入市擊之以指畫壁若有所識

後數日大水浸塗水痕到所畫處人始悟玉山呼碟為點打點避水也去之日口吐三棗以啖道人

王道陵道陵穢之私以與道童瞬息不見道陵駭其為仙令道童追之甫一日即至杭州遇諸塗問

日爾何能至此告之故槌道童背出棗化為雙蝶飛去

卓晚春莆田人自號陽子八歲行乞善算籌指上四能詩十六善艸書嘉靖中當道召之輒與抗禮

冬月履霜雪黑麻布裙背加青紗帕子而已雖寒

仙釋



夜必露宿石上或走浴溪內飲水數十甌  
日漂我紫金丹也後來杭州淨慈寺尸解

祝小山

粵人寓藕花居高公儀訪之小山指其地  
曰汝卧此後文端果葬于此李中丞天寵

之遇禍亦先知之後尸解三聖橋化去復有遇  
諸粵者曰為我寄聲武林諸公各自珍重云

唐秩

得大梵斗母五雷法禱雨祐聖觀運旗摩空  
雲轉如輪倏忽雨如注偶被疾恍見幢蓋來

迎遂化去已歸其貌三年矣忽市囂中從褚幼文  
索所借書幼文語其弟子李一正大駭異又有拯

四孝廉溺水之事

周禎

字世昌號虛白幼業儒善詩文工書精五雷  
法歲值大旱院司禮致祈禱禎高座臺上執

事者聞聲云天道無雨西湖不有水乎日午取大  
鏡以筆濡墨隨所塗方向黑雲輒生頃之雲合大

雨分布魚蝦藻荇散落溝渠視西湖水已  
失其半矣臨終有雲鶴之祥端坐而逝

皇清赤脚仙

不知何許人常默不食一食則兼十人  
食猶未饜冬大雪呼居停王掃雪聚成

小廬居其中須臾氣拂拂騰上蘊隆甚熱  
其聚雪頃刻皆化焉與之言多中人隱

孫鍊師

諱道元字善長別號復陽子桐川人父嘗  
遇羽客修髯長身謁門曰君當舉子是垣

中一星言已即去師初生時不啼不乳者彌月嗣  
若聞空中有語者然遂受乳甫七齡求出家父母

送吳山火德廟度為道士二十四訪遊五嶽盡得  
要妙過信州張真人授以正一清微五雷大法示

曰大道必積功行藉以福國利民若獨善其身德  
不被物雖得長生猶殤子也師由是以救濟累功

以叅鍊彌性習靜大滌山箴精性命之學視呼召  
風雨驅役星將其末也當事請惠日甘霖無不奇

驗咸以為神祇効命云年七十有四剋期示化仍  
語諸弟子曰去後即有風雷毋驚已而果然初滌

山有隙壤虎踞其上人莫能穴至是  
為師營厝虎長嘯騰躍去後不復見



漢惠明

姓王氏錢塘人居蔣州山間值雪路塞七日不食至荊州四望山見有二虎爭鬪以杖格

解焉

晉寶達

晦跡武林山號剎利禪師寺中印沙床照佛鑑乃遺蹟浙江驚濤激射湖上諸山達密持秘呪一夜有偉人黑冠赤衣謂曰弟子伍員憤心未雪師慈心為物敬聞命矣自是潮擊西與浙之東岸沙漲數里

慧理

西天竺人咸和初來武林見靈鷲峯識其從天竺飛來以呼出黑白二猿為證卓錫建剎

日靈隱

六朝寶掌

中印度人生時左手握珠七歲祝髮魏晉間東遊此土謂衆曰吾有願在世千歲今年六百二十有六矣尋抵建業即達摩開悟東入浙憩龍唐回互峯之東至今稱此峯曰寶掌復由

千頃穿雁岩栖石竇有行盡支那四百州此中偏

稱道人遊之句化後塔倏闕得金鎖骨藏秦望山

法旻

富春孫氏子吳大帝之裔七歲出家虎丘標羣獨秀張緒見而嘆曰松栢雖小已有凌雲

之氣年十三至都尚書令王儉延請僧宗講涅槃經旻叩問連環言皆推敵儉曰昔竺道生之難道

融當時服其英秀今旻師言必典詣能使前無橫陣便足過之齊文宣嘗請柔次二師共講旻詞旨

清新宏邈次公放塵尾而嘆曰老夫受業彭城久為難窟每恨不逢勁敵自至金陵累年不意見竭

于今日也其為勝流推服如此梁武帝詔與華林園講義禮接甚厚後還山蕭昂出守過山展禮旻

曰吾山藪病人無事見二千石竟遁去

道琳

山陰人有戒行精禪理張緒禮事之後居富陽林泉寺常有鬼恠自琳至經響弟子慧韶為屋所壓頭陷入胸琳為請于聖僧前韶夜見兩人板出其頭且遂平復于是設聖僧齋鋪新帛于



釋床上齋畢帛上有人跡長三尺

隋真觀錢塘范氏子掌有仙人字舌紫羅紋居靈隱石室授天台禪觀時人語曰錢塘有真觀當

天下一半開皇間衆建南天竺寺請居焉嘗講法

華心要臯亭神捨祠為殿刺史劉景安請講海龍

唐守直姓范氏詣蘇州支硎圓公受具足律儀是夜

華嚴若干卷夢神人施珠一顆及覺炯炯在握開

元初入靈隱大曆初告衆曰至人乘如而來乘如

而去應跡如是而愚夫欲以長繩繫日安可得乎乃寂

德秀富陽孫氏子每林下經行飛鳥翔遶後于定

顯或發之見師齒上生舍利紛紛而墜焜然

五色鄉人云恒有白蛇蟠護樵牧無敢近者

法欽一作道欽崑山朱氏子形貌奇偉神色瑩徹

師念母誕時夢蓮生于樞遂薙髮久之辭素請示

所向素曰乘流而行遇徑而止遂受具于餘杭法

崙律師後之臨安見樵者問曰此何山樵曰天目

山之徑路謂之徑山乃披榛入日宴坐與獵者俱

未幾有白衣老人來謁曰自師至山吾屬五百將

歸天日願舍居為師卓錫之所言已輒不見蓋龍

也大曆中代宗詔致師咨以法要一日師在內庭



至長安章敬寺與術士角法勝之代宗賜紫方袍  
辭未具戒帝命開壇納戒方翔摩間隱身壇上莫  
知所之時以為觀音應現賜號性空天禪師後人  
名其乘雲處為起雲墩於潛所憇寺為落雲寺所  
叱石為  
喝石崖

**崇惠** 章氏子從國一勤禪觀專持佛頂呪代宗命  
與道士史華角勝樹梯橫刀徒跣百尺復蹈

火探油餐鉄葉為飢飽史  
華大負賜號護國三藏

**圓修** 居鳳林白樂天從問佛法大意修曰諸惡莫  
作衆善奉行樂天曰三歲孩兒也解危麼說

修曰三歲孩兒雖說得八十老  
翁行不得一日修即鳥窠禪師

**會通** 姓吳名元卿德宗朝為六宮使方春花卉盛  
發翫賞移時因感悟請從釋侍鳥窠數年未

蒙印授一日告辭往諸方學佛法日若是佛法吾  
此間亦有少許即拈布毛吹以示之通大悟悟世

號布毛  
侍者

**寰中** 蒲坂盧氏子受心印于百丈元和中結茅大  
慈山棲禪其中尋以無水將他之忽神人跪

而告曰自師之來我輩徼惠甚大奈何棄去南岳  
童子泉當遣二虎移來師無憂也翌日果見二虎

跑山出泉甘冽今虎跑泉是也嘗示衆曰說  
得一丈不如行一尺說得一尺不如行一寸

**續空** 吳人本齊君房也苦貧力學為凍餒所驅唐  
元和初游錢塘至孤山寺卧莽中有胡僧顧

君房曰法師旅况諸否君房拭目而應曰汝何為  
者僧曰汝不憶講法華經于同德寺乎探囊中出

一棗如拳曰食之能憶過去未來事君房食訖  
而寐頃之乃悟昨講經事遂落髮孤山寺中

**靈祐** 受具于龍興寺寒山拾得相與導往泐潭領  
旨百丈應司馬頭陀之識居大瀉山橡栗克

食遂與瀉山禪師  
世號瀉山禪師



鹽官

齊安國師海門李氏子深避世榮終秘帝系

生時

神光照室有異僧謂曰建無勝幢使佛

日回

照者非汝乎馬祖一見深器之密示正法宣

宗微

時避地鹽官東坡詩只因天眼識天人是其

事也

講僧來叅師問蘊何事業對曰講華嚴師曰

有幾

種法界曰廣說則重重無盡畧說有四種師

豎起

拂子曰這個是第幾種講僧沉吟師曰思而

知慮

而解是鬼家活計目下孤燈果然失照後謚

悟空

禪師

黃檗

諱希運嗣法百丈嘗行脚至天台遇二僧與

俱行

阻大溪師跌坐水次二僧履水如陸以

手招

之曰渡來師叱之曰這自了漢吾早知當斫

汝脛

僧嘆曰真大乘法器吾所不及言訖不見宣

宗卽

位賜號斷際禪師後開法黃檗法席為天下

第一

定為濟宗之祖臨濟義元禪師其法嗣也

雪峯

名義存南安曾氏子嗣法德山嘗結廬鹽官

夜光

亘天因號光明禪院今雪峯并其手

也與

巖頭至澧州鰲山阻雪自言初到鹽官見上

堂聞

色空義得箇入處巖頭喝曰道從門入不是

家珍

他後若欲播揚大教一一從自己胸中流出

蓋天

蓋地去師大悟連聲叫曰師兄今日始得鰲

山成

道

鑒宗

湖之錢氏子任徑山咸通七年集衆說

法端

坐而逝乾化間賜謚無上禪師

楚南

福州張氏子叅黃檗得悟僧問如何是易曰

是難

曰微有念生便具五陰三界輪迴生死皆從

汝一

念生故諸菩薩云佛所護念師雖應機無倦

而常

寂然處定或逾月或浹旬文德六年遷化塔

于千

頃山院之西隅大順二年宣州孫儒寇錢塘

發塔

儼然如生毛

髮俱

長驚禮而去

道悟

受具竹林嗣國一居大梅山猿猱饋橡猛

虎斂

跡及居天皇法席之盛為海內冠



全宰

沈氏子從徑山法濟薙染得石霜禪師印證居天台三十餘年惡鳥革音山精絕窟出入

經行神鬼執役

五代文喜

嘉禾朱氏子嘗往五臺禮文殊後參仰山契悟命為典座一日見文殊跨獅子緣龕

側呵曰文殊自文殊文喜自文喜遂掌之文殊湧空曰吾修行三大劫顧為老僧嫌耶唐咸通中築

室千頃山居之光化三年移住無著院因號無著禪師瘞骨靈隱後韓侂胄取為墓地遂破其塔得舍利百餘

茶毘之

志逢

生而膚體香潔受具後夢陞須彌山觀三佛後閱藏與夢符嗣韶國師見神人膝席請勿

棄滌鉢水自此盡飲之吳越王尊禮焉每携大扇乞錢買肉飼虎虎迎載之還山

行修

號性真泉南陳氏子生而長耳垂肩異香滿室迨七歲猶不言或問曰汝非瘖乎忽應曰

不遇作家徒撞破烟樓耳比長至金陵瓦官寺祝髮受具叅雪峯存得心印梁開平間至四明山獨

棲松下說法天花紛雨跌坐龍尾巖百鳥啣花飛繞經歲為常後唐同光初至西湖南山法相院依

石為室禪定其中因乏水卓錫巖際清泉迸出或問師如何有是長耳師以手曳耳示之吳越王以

誕辰飯僧永明禪師曰長耳和尚乃定光佛應身也王輒駕叅禮師但云永明饒舌踟躕而化其狀

如生久之膚革津澤爪髮復長月必三爭寺僧以糝塗漆至今猶存宋咸寧三年賜號宗慧大師

永明壽

錢塘王氏子名延壽字智覺七歲誦法華五行俱下羣羊跪聽年二十八為華亭鎮

將官錢放生坐死錢文穆王釋之習定天柱峯下建隆元年錢忠懿王請重剎靈隱復請住淨慈寺

繼遷永明道場以心為宗以悟為則著宗鏡錄一百卷日行百八善弟子二千餘人名播海外高麗

國王遣使賫書敘弟子禮至今奉為初祖世號慈氏下生宋開寶八年入滅舍利五色鱗砌于地塔



于大慈山後遷  
淨寺追謚宗照

宋延沼

居傳法寺受戒于昭慶惠聞巖泉泠泠有悟  
在清涼影不出山凝塵蒲席古鼎銘謂達摩  
大道賴以不墜既  
逝而火天花滿空

宗印

字元實鹽官陳氏子深得教觀之旨針砭學  
者支離不根之病禪講並行法道益盛寧宗  
召對賜號慧行法師常謂講者須備三法肅威儀  
以臨大衆提大綱以盡文義具宗眼以示境觀趙  
彥肅稱為  
肉身大士

明瞻

於潛徐氏子幼而定慧喜跌坐莊嚴具大人  
相噉以腥肉唾不食出家西菩提寺後入龍  
唐憇小石龕內度宗后患乳癰詔師治之師以錢  
鑑臍洞知病源將玉盃盛水楊枝灑之立瘳封七  
祖大師帝問師何所願曰某世外人無願也但願  
得龍唐一架裝地以安禪衆詔許之遂還山師下

山前解袈裟向空遙擲如彩雲搖曳覆蓋四十五  
里隨豎旛焉咸淳八年錢塘江婆龍為崇度宗仰  
天祈禱忽祥雲四布見師從空下舉鉢盛龍而去  
害除加授廣應妙濟至仁大德祖師元末示寂塔  
于羅漢  
洞之右

義澄

富陽孫氏子投龍門僧德詮出家咸平中住  
信州玉山洞巖縣令章得象異之以聞真宗  
召至闕賜號明慧大師後還錢塘因微疾作偈曰  
本來無質豈有去在要識真歸南來北去遂端坐  
而逝時年百  
二十八歲矣

悟法師

居天竺每誦大悲咒身出舍利供像亦如  
之因晝夜不廢講誓焚身助王化遵式冥  
求既如願而  
焚薪盡不壞

晤恩

字修己常熟路氏子十三聞誦彌陀經遂求  
出家通法華光明經中夜視白光自井而出  
仙釋



乃絕粒禁言專功念佛為弟子說止觀指歸及觀心義西向坐逝聞空中絲竹嘹唳無鞀鼓而多鈴鐸漸遠西去茶毘日獲青白舍利無算

**贊寧** 德清高氏子出家靈隱習南山律宗武肅署為兩浙僧統時名律虎大祖徵入京賜號通

慧賜紫太祖行香相國寺問曰朕見佛拜是不拜是答曰見在佛不拜過去佛淳化三年兼翰林史

館編修博學強記辨說縱橫著通論有駁董仲舒

難王克斥顏師古證蔡邕等說王禹偁深服之識

海馬骨辨西牛尤稱宏覽年七十

**禹昌** 天台一宗五傳至荆溪荆溪以下枝分派別

高弟也天聖中開教監官慶善寺與首座居湛傳

持教觀三十餘年而宣教大師志言起而式廓焉

言公者明智之子慈雲之孫也二公皆演唱宗乘發明龍勝以來一心三觀之旨寧已稱台宗法

窟寔始于此

**智圓** 字無外錢塘徐氏子八歲出家傳天台三觀于奉光源清自號中庸子居孤山瑤瑤院有

高世之節王文穆罷相牧郡僧慈雲邀師在迎師

咲辭曰為我致意慈雲錢塘且駐卻一僧聞者嘆

服師杜門獨居惟與林逋友善以詩文自娛雜著

五十一卷題曰閒居編乾興元年二月十七日自

作祭文挽詞越二日示寂

**遵式** 姓葉字知白學行孤高博習教觀建下天竺

著淨土懺法金光明觀音諸本懺儀世號慈

雲懺王天聖中滅度其日見大星殞于靈鷲崇寧

二年賜號慧通紹興三十年賜謚曰懺主禪慧大

師法  
**法照** 受業水心寺不妄交游與林逋智圓為方外友咸平中撰律鈔義苑說七卷崇寧間賜號



法照  
禪師

契嵩

錫津李氏子得法于洞山聰嗣雲門一宗夜

能作原教論十餘萬言明儒釋一貫以抗排佛之

說讀者畏服後居靈隱著定祖圖傳法正宗輔教

編上進仁宗特賜入藏旌以明教之號歐陽修韓

琦皆尊禮之蔡襄為守延致佛日退老于永安精

舍示寂茶毘五根不壞頂出舍利紅白晶潔

如大菽者三有文集二十卷日錫津行于世

道潛 字參寥於潛何氏子幼不茹葷以童子誦法

喜為詩與秦少游蘇軾深相契蘇轍每稱其詩

無一點蔬筍氣非近世詩僧比有集行于世

佛印 浮梁林氏子二歲通論語五歲日誦詩三千

寺運巨木倚門中主僧阿之對日出家正求如此

蓋示以閑字也得旨于納公出游四方神宗遣使

撫問賜號佛印與東坡山谷時相辭侶辨才無碍

肆口而談無非般若聽客一語契心一咲軒渠而

焉 化

辨才 名元淨入慈雲法智室沈邁迎主天竺頓增

起處在在得舍利焉左肩現袈裟絲入十  
一如住世之數蘇軾為誌銘趙抃為之贊  
惠勤 餘杭人歐陽修稱其聰明才智尤  
長吟詠與蘇軾俱有贈勤上人詩  
紹巖 住西湖水心寺誦法華感陸地生  
蓮傾城往視巖輒攀去而蝶之  
慧才 入法智室持大悲呪恒百八徧夢觀音鮮袈  
像騰寶焰奪目有  
證戒光記米芾書  
維琳 武康人沈約之後也好學能詩熙寧五年蘇  
軾倅杭招住徑山後遷邑之銅山作庵號無



畏大士院有松合抱郡將治屋索材將往伐之琳  
預知之命削皮題詩其上云大夫去作棟梁材無  
復清陰護綠苔只恐夜深明月下悞他千里鶴飛  
來縣尉至讀其詩乃止政和七年琳既老朝廷崇  
右道教詔凡僧尼皆頂寇琳堅不受縣遣尉  
諭之琳即集徒衆為說正法訖跌坐而逝

道光

住華嚴寺學通毘尼為東南義虎持法華創  
塔廟將歿見彌陀相現天雨曼陀羅華克滿

其庭

慈元

錢塘楊村法輪寺僧也政和紹興間海患崩  
決禳之不支元誓捐身以救大衆行視海毀

甚處至蜀山海潮大作時六月五日元褰衣而前  
衆爭挽之不得乃請偈元高聲曰衆人須我作頌  
語言文字何用踰平苦海狂瀾看取真如作用頌  
畢投海衆謂堊魚腹矣移時風止元端坐海面順  
流抵岸衣不濡濕蓋數大魚昂首戴之耳  
自此海患頓息蜀山之民立庵以居之

範無準

蜀之雍氏子依破庵先得旨歷主各山山法  
席全盛仁宗嘗召對賜金爛僧伽黎賜號

佛鑑賜寺額曰萬年正續  
淳祐已酉示寂塔日照圓

大慧杲

宣城奚氏子夙有英氣年十二入鄉校曰  
大丈夫讀世間書曷若究出世法年十七

薙髮具毘尼登寶峯謁湛堂無準禪師一見異之  
孝宗為普安郡王遣內都監入山展禮及在建邸  
復遣內知客詣山供五百應真請說法親書妙喜  
庵三字并製贊賜之隆興改元一夕星殞于寺西  
流光赫然尋示微恙八月九日學徒問安勉以弘  
道且曰吾翌日西行矣至五鼓入寂有大慧語錄

世行

守璋

王氏子七歲以試經度為僧戒行精潔尤工  
于詩號文惠禪師所著有柿園集一刻松園

集行世



**德明** 鹽官顧氏子守璋弟子也紹興十八年入徑山禮真歇了禪師夜宿山下真歇夢雙月入寺詰朝白衆項之明至相與問答機鋒峻密因以杵通竹節有聲豁然開悟世號竹筒和尚有語錄若干

**惟尙** 鹽官曹氏子謂尊宿五六十人前後印正而心不自欺輒舍去最後叅普照英再叅黃龍

歷住壽聖薦福謝歸舊隱爐香瓶水泊如也紹興間示寂張子韶為撰碑銘

**正源** 歐陽文忠裔也得法于虛谷陵雄談慧辨方

而所居獨存後坐逝弟子分瘞爪髮皆叢生舍利

**思淨** 錢塘喻氏子好画阿彌陀佛臻其妙揚無為呼為喻彌陀棄家學佛飯僧二十年至三百

萬嘗造賊壘以一身願代一城之命賊為少戢紹興七年跌坐而逝

**重喜** 會稽人少捕魚不識字為僧錢塘忽通佛書作偈頌有云地爐無火一囊空雪似楊花落

歲窮乞得苧麻縫敗衲不知身在寂寥中

**頰庵** 名道樞吳興徐氏子初住何山次移華藏隆興初詔主靈隱已被召至內殿問禪道之要

對曰此事在陛下堂堂日用應機處本無知見起滅之勞聖凡迷悟之別第護正念則與道相應

情卻物則業不能繫上為之首肯後退居永安蘭若若有偈題壁曰雪裏梅花春信息池中月色夜精

神年來可是無佳趣莫把家風舉似人淳熙丙申八月示寂

**寶印** 號別峯嘉州李氏子幼通六經而厭塵俗依密印于中峯一日印舉僧問巖頭起滅不停

時如何巖此日是誰起滅印時啟悟紹熙元年十一月在見智策與之言別策問行日日水到渠成

歸索紙書十二月初七夜鷄鳴時九字如期而化



惠遠

號瞻堂眉山彭氏子參園悟悟舉龐居士問馬祖不與萬法為侶因緣忽頓悟什于眾中

良久日吾夢覺矣至夜悟小參師復出問當機不讓自此機鋒峻利日為鐵舌遠乾道中勅住靈隱

屢召對選德殿淳熙二年預示化期示寂後留七日顏色不變壽七十四

濟顛

名道濟台州李氏子初參瞻堂知非凡器飲酒食肉有若風狂監寺至不能容堂云法門

廣大豈不容一顛僧耶及遠公寂出居淨寺屢顯神通年七十三端坐而逝

道冲

號癡絕荀氏子淳祐間有旨移靈隱理宗取

廬山遣使留之不回乃賜古蕩千畝圩田若干畝與易後住徑山每日以一筐付侍者有求其語者

投之鍾定後侍者進筐秉燭隨紙多寡俱盡臨寂手書龕記且日無準忘在三月十八日吾十五日

即行不能辨香修供待僧請偈師曰末後一句無可商量只要箇人直下承當辭眾上堂至夜分而

逝茶毘得五色舍利無算

雪竇顯

名重顯雲門宗遂寧李氏子參北塔祚公得悟嘗遊靈隱浮沉眾中學士王魯嘗托

師附書珊公及曾奉使歸訪師靈隱于淨頭寮舍物色得之問向所附書師出袖中納之曰公意勤

勤然行脚非書郵也大奇之應翠峯之請于靈隱上堂提唱後住雪竇師學問淹博文辭煥爛著述

甚富至今叢林奉為鴻寶

慧開

與石霜同參自黃龍山挾龍來止無門洞龍每耽眠松上禱雨輒應事聞召問所以致雨

者日寂然不動感而遂通賜金紋伽黎其後身即中峯明本也

智標

朱氏子參賢首宗教嘗住常州華嚴院太守命祈雨杲日中祭龍而龍見甘雨隨注後以

寒食日集眾說偈而化建塔于審山



弘濟 住普福學博而律嚴定中恍見智者授以犀  
師力也

水盛

住妙果寺遇孤舟濟力叅求悟如敵萬人如  
始居南巢五陰讓宅座繞祥輝

近日練光縱橫分合彌亘山刹

松隱

餘杭劉氏子於書無所不窺一應舉即棄去  
以台觀不足學叅南院居風穴日乞村落夜

燃松脂單丁七年後  
徙汝州法窟冠天下

元斷崖

德安湯氏子幼不茹葷六歲始能言即從其  
母祖法華年十七有禪者過之誦高峯上堂

語曰欲尋千里日更上一層樓遂欣然行見高峯  
于獅子谷峯令持萬法歸一一歸何處話因名之

曰從一掃無前峯舉牛過窻櫺話即疑究不倦一日  
過鉢盂峯見松上雪墜有惺即詣峯呈頌曰不問

南北與西東大地山河一片雪峯痛棒之還至山  
之西禪菴誓曰七日不證則決去矣遂端坐堅壁  
忘廢寢食夜則攀樹露立達旦未至所期豁然大  
悟馳至死關呼曰老和尚今日謾我不得也呈頌  
曰大地山河一片雪太陽一照便無踪自此不疑  
諸佛祖更無南北與西東峯嘆其俊快改名了義  
師孤峭嚴峻發言如奔雷諸方宿衲莫不驚服公  
侯貴人望塵瞻禮元統元年除夕與禪者談至夜  
分乃曰老僧明日天台  
去也翌午果跏趺而化

中峯

名明本錢塘孫氏子生有異徵為兒嬉戲必  
為佛事稍長閱教燃指求佛甚切晝夜彌勵

困則以首觸柱期其必得後已及觀流泉乃大發  
明自是說法無人縱橫該貫如干江一源奔注放

溢莫之能禦累千百言應問無礙隨其根器廣  
為策勵世推以為大辨焉至治癸亥八月示寂

溫日觀

瑪瑙寺僧宋叀出家豪飲不羈善畫葡萄  
校蔓皆合草書法或寫詩文于上人爭寶



之楊璉真伽以名酒啗之終  
不濡唇見輒罵曰掘墳賊

**妙高**

長谿人見偃溪有悟出世南興大蘆朝命居  
蔣山後遷徑山至元間帝問師曰修寺建塔

有何功德曰福蔭大千由是建仁王寺會帝齋竟  
天雨金花又設資戒大會隨處放光帝以問師師

歷舉諸祖因緣正法眼藏涅槃妙心最上乘詞旨  
明顯餘二千言帝大悅陞辭南回徑山凡兩遭回

祿皆師竭力經營以次落成癸巳六月書偈而逝

**德珍**

虛舟嗣也慶元初賜佛光海印之號道價騰  
踔長椎諸方嘗有物出目中瑩潔如珠皆舍

利也

**守貴**

居天龍寺寒暑一衲見中峯斷崖得悟  
有積其齒者見五色舍利瑩然日增

**希齡**

號大辨契雪巖欽之旨所坐道場學者奔奏  
仰山二隆日往朝焉視黃白無殊五藥元四

帝皆賜號寵之  
虞集銘其塔

**明慧炬**

字照菴諸暨人深明教觀住崇壽院洪武初  
海潮衝隄師禱潮神說三皈戒淨水洒處即

止不崩吳越人  
稱炬菩薩云

**愚海**

名普智姓葉氏寧邑人崇先講師辟為侍者  
令讀華嚴頓明教觀入明住持崇惠有修蛇

現于庭師矚曰果是天龍呈象宐現大身須臾果  
現大身騰空而去洪武中詔入京師講華嚴勅住

安國寺入寂茶  
毘齒舌不壞

**克諧**

天台奚氏子幼端愿穎秀讀書過目輒成誦  
見南翁凱公詢咨道要于頓漸偏圓各相靡

不淹貫成祖居燕邸召問佛法大意  
南還宴坐面化闍維五色舍利甚夥

**懷潤**

字清遠南昌魏氏子張翥虞集與之游宋濂  
稱為僧中繡虎洪武初退居錢塘常引頸就



兵刃不憚陳氏婦夢遇神僧及見潤言下坐脫亦  
異事也後無疾而逝火化得不壞者三日齒牙日  
鉢塞莫日  
室利羅

懷信

嗣竺西坦公嘗曰後哉獅子兒也凡王大臣  
輒持鉢丐食僧衆避大兵信獨跌坐不顧皆  
投刃拜太祖亦入刹聽講逝日上夢

來復

字見心黃氏子歷住天寧靈隱洪武初徵至  
京師賜賚優渥嘗葺廣志宋濂比其文如木  
難珊瑚當今方袍縫掖鮮過之者

道衍

即姚廣孝長州之相城里人本鑿家子元至  
正間削髮居妙智菴有道士齋應真者通兵  
家言尤深于機事衍師事之盡得其學袁珙見而  
異之曰劉秉忠之流也嘗為詩曰蕭梁事業今何  
在北顧青青眼倦看同學譏之曰此豈道人語耶  
燕兵起贊助秘密特授少師命蓄髮終不從因賑

濟歸吳候其姊姊曰焉有為僧不終者莫得好人  
拒之不見回朝居慶壽寺疾卒吳人刻其詩曰逃  
虛子集衍常主淨慈寺雲棲宏大師稱其貴極人  
臣而不改僧相功成退隱而明哲保身讚嘆佛乘  
而具正知見功  
過可相準矣

道聯

師六坐道場兩被徵召纂修大典游戲翰墨  
緇曰咸重之後坐逝英宗悼之勅葺于藕花  
傍

與古道

師為大會首座一日病歸聞雷立化時又  
有棲雲菴空江者念佛旋繞亦倚杖立化

圓會

居天聖廢寺勤課誦不踰闕飯僧幾數十萬  
持戒精嚴及逝暑月不潰法弟本能呪飛鳥  
下集飯  
之如僧

立中成

孫氏子十三出家受具謁淨慈祖芳聯公  
聞六月火燒山之語遂悟八十一上堂說



偈有今年計着後年事云云至八十三焚沐坐化  
月日無爽停龕九日顏色不變茶毘得五色舍利

泗洲菴僧

不知何許人嘉隆間住泗洲菴戒行嚴  
謹機鋒不露遇歲饑煮菜葉及草卉食

之無瘠容年七十餘忽自往市大缸二置菴後穿  
土先瘞一缸以一缸寘其側一日囑其徒曰某日

當西行三日後昇余坐缸中以外缸覆之即覆以  
土毋效俗僧多事至期跌坐而逝知為有道僧也

真可

字達觀世居吳江太湖之濱姓沈氏五歲不  
語有異僧摩其頂曰人天師也言訖不見遂

能言二十受具戒叅張拙秀才傷頭面俱腫一夕  
悟腫處頓消自是凌轢諸方相好端嚴接引為入

心愈慈手愈毒入其室者伐毛換骨果為人天師  
也後聞憨山遠戍雷陽又南康太守吳寶秀以礦

稅被逮乃決策入都曰海印不歸我為法一大負  
礦稅不止我放世一大負傳燈錄不續我慧命一

大負會妖書獄起執政欲牽連殺之師被笞血肉  
狼藉談咲自若既而曰久住何為索浴說偈端坐

而逝葬于徑山茶毘之  
日肉身儼然舍利無算

株宏

字佛慧號蓮池仁和沈氏子年十七為諸生  
三十二歲辭家祝髮徧叅諸方見雲棲山水

幽寂遂有終焉之志結茆三楹絕糧七日倚壁危  
坐而已環山多虎患自師至虎皆馴擾歲大旱擊

木魚循田念佛雨隨足跡而注居民德之遂成蘭  
若首倡毗尼以立根本單提念佛以攝禪靜人稱

雲棲菩薩精嚴傑出諸方念佛耑勤遠追蓮社不  
知其礎狂禪砥末法深心密慮人固未易測也住

山三十餘年乙卯七月別衆示寂臨行張目云老  
實念佛勿捏怪勿壞我規矩向西念佛而逝塔于

五雲山麓世壽八十有一憨山清銘其塔且曰先  
儒稱寂音為僧中班馬予謂師為法門周孔也師

初出家時語繼室湯曰生死事大汝其勉之時湯  
年十九灑然省悟亦出家孝義菴法名株錦師稱

其戒行潔白因果明慎亦人傑也株後廣  
承大真明源智鈔代嗣法席並為人天師



廻泉

名真中寧邑孫氏子年十七投安國寺受具自以根鈍不能憶持伽陀六時虔禮大士以

祈淨慈一夕仆地若人以凉水灑面遂有省與藏主誣春緝閱經律往復圓辨叅東禪深研止觀後

歸安國禁足立死限既老逢法器得受法曰吾受誣師囑累今付得人吾願已畢抵雲岫數日端坐

唱佛而化師一衲四十年垂老猶親幹濯受檀施輒推以與衆示入直捷愷至每為人敷法華觀經

及孝衡鈔至佛憫念衆生受諸苦惱處必痛聲流涕聞者感泣

湛然

名圓澄曹洞正宗三十二世會稽夏氏子得法于清涼大覺禪師住雲門顯聖陶石篁周

海門皆與之游萬曆間往徑山法衆萬人嘗至京師達觀月州諸老互相酬唱所著有宗門或問慨

古錄思益簡註楞嚴臆說法華意語涅槃疏金剛三昧及語錄若干卷行世天啟丙寅十二月四日

示寂塔于顯聖寺之陰

覺浪

名道盛浦城非吸氏子因大父死遂疑死從何處去聞猫叫有省投夢筆山出家得法于東

苑晦臺禪師後開堂金陵天界及杭崇先徑山虎跑等五十三處道場禪律精嚴儒釋淹貫嘗示衆

云有血性漢被世界磨成無血性漢被世界磨滅臨入滅上堂僧歷問五位正偏至主中主師援筆

頌曰萬象指頭明卓異縱橫不換機何利無端接斷破蒲鞋直入千峯萬峯去遂擲筆而逝塔于棲

霞山有學庸宗旨莊子提正儒宗三寶及語錄百餘卷行世

康齋

不知其名字四川人崇禎年嘗至富陽栗塢山枯坐石洞中飯糠茹菜戒業清苦夜有猛

虎巨蛇護其洞口一日忽語里人曰貧僧欲去願丐薪若干屆期厝薪于空地跌坐其上以油布帽

覆首吐三昧自焚觀者如堵火已發忽自舉帽向人呼曰大衆信女中有生氣相冲火不得化請各

退避衆詢之果有孕婦輒命去復以帽自覆火遂大舉須臾而盡其徒收骨藏洞中名曰康齋菴



皇清明方

字石雨武塘陳氏子投法相薙染閱楞嚴

澄得印授以斷拂子一柄遂號為斷拂子主寶慶

過龍門戊子春示寂弟子奉其龕夫室中未幾山

寇突至欲燬龍門見師龕儼然不忍俱燼并出之

竭百夫力莫能舉驚以為神捨去寺賴以存後閣

維牙齒數珠不壞

頂糝五色舍利

西蜀人年十六出家得戒天童審和尚隨侍

圓融

天台參報恩游大雄次至金剛菴壬寅七月

忽語衆曰吾初六日歸去至日從容禮佛辭衆入

龕昇至塘南村院融坐龕中自開兩門取香三枝

說偈曰通身是福身是法界衆生同圓智仍自掩

龕疾時祥烟西颺凝然而化僧俗千餘頂禮讚嘆

正崑 字豁堂金陵郭氏子明初其祖以軍功授杭

州衛指揮遂家焉七齡即絕葷十歲喪父依

靈隱薙染禮補陀作偈有善財參後無童子更二

十年我一人之句參淨慈三峯漢和尚聞靜板聲

悟後嗣橫山一默禪師駐足南屏預言逝期至

沐浴更衣命侍者出視日晷云正午遂跏趺書偈

擲筆而逝弟子華庵恒觀等為建塔于永明壽塔

之右師性穎敏兼通儒釋所著詩文偈頌語錄若

干卷 行世

方安

字夢曙茗人出家法相寺左筆善書有詩名

雲棲放生之會不替者三十年闢叢席于上鄉之

淳橋康熙改元仲冬二十五日徧禮佛像集徒講

演金剛經一卷次日至大江之濱

卓杖大聲曰好江水遂泊然立化

德修 錢塘人寓方家峪茶亭先是薙髮後習靜北

山窮谷中與猛獸雜處面壁二十年不知其

象尋何自後住茶亭康熙七年元宵日忽出衣單

分給人云當別去及早自炊水沐浴召鄰人為封

龕說偈曰無拘無束不與形役逍遙自在正月十



出風熾烟疾  
頃刻而化

### 嘉興府

#### 晉世道人

不知其姓名嘗齋一杖一箱自隨忽詣海  
道人相見欣然共語以一甌食與小兒狀如熟艾  
食之飢止向真道人欲還山中人作書付道人云  
寄庫陵白土埭上史宗還至縣令呼小兒悉道人  
先所經并所寄書令開看多不解乃令人將此小  
兒至白土埭訪史宗送之宗開書大驚曰汝那得  
蓬萊道人書耶宗著麻衣身多瘡疥在白土埭凭  
埭謳唱引絳得直隨以布施人棲憇無定時  
或隱或顯後遊吳會止上虞龍山不知所之  
徐鸞海鹽人少有道術能收伏邪精錢塘杜氏女  
患邪鸞為作術召魅見丈夫著白袂葛傘衣  
入門鸞一叱之即成白龜一旦與羣從兄弟數人  
登石嶠山斫春柴日暮鸞獨不返明旦尋覓見鸞

在山上腋挾鎌倚樹而不動或向前  
抱惟有空殼今天仙湖即鸞故宅也

#### 梁陸逸冲

字敬遊陶隱居弟子誠慤恬淡志遠棲逸  
立華陽館七年成逸冲之力也隱居嘉其勤勤名  
為棲靜處士作十齋文策之而許長史碑陰手書  
上清衆館子弟亦  
以逸冲稱首焉

#### 宋李道士

紹聖初嘗過劉延仲門或從求藥則以鼻  
涕延仲延之坐日今日適無酒為禮道人唉曰床頭  
珍珠泉一尊何不出以待客劉大慚呼童取尊道  
人曰不必取但將空尊來尊至索紙覆之少焉香  
溢于外成美酒矣坐者皆醉明日劉有他客出尊  
中無涓滴矣一日詣劉別云後二十

#### 湯道亨

自號赤脚道人宋季引一獐自金陵來獐  
大如人能主給使亨夜坐時舒光邦人推



異爭飯之豐薄不謝第言分定云施與日多因構菴以居名曰太古以延竚四方雲水之客久之有軍士戲烹其豚食之亨即齋咨與所親訣別手偈云八十年饒舌終日化緣不歇重陽時節歸家一路清風明月遂端居而化

元張與材

龍虎山正一天師三十八代孫貞元中潮

術治水一夕大雷震電明日見有白魚首龜形磔于水裔潮患遂息

明沈真人

名道寧號野雲初居鬱秀院躡屐不檢頭

得道時大旱爛頭曰我來便有雨人怪之令登壇果大雨永樂初遜國諸臣株連詔獄者數萬道人在都下稱設牢飯詣諸王府化饅頭有施一萬者徐納袖中未嘗滿使人覘其所為則出郵街愁睡道側守者慮有變繫之獄忽不見乃攝觀主至而獄中所繫依然于是都人競往謁詢禍福皆中成

祖北狩仁宗監國問事多奇驗一日忽大笑則成祖師勝賜從臣飲之時也忽大哭則榆林川晏駕

時也仁宗帝嘗御製道人傳登極封至道高士禮送還山誥軸藏道院

金宗周

字歸儒正德間為玉樞道院道士徧遊名山訪道歸即樓居日坐榻上寒暑一裘不

事櫛沐嘗有鼻筋下垂須臾復上遇大雪時跌坐庭中纖毫不染人皆奇之呼為金仙凡里人叩休咎悉中唐中丞順之微服叩問待坐七日贈以詩文而別及倭寇侵城閭閻逃避惟仙獨坐羣寇持刀立視良久相顧錯愕而去一日謂弟子曰來月二日吾別去矣至期沐浴更衣端坐朗吟云元鶴當頭唳塵寰七十年白雲歸去好明月在中天吟畢即化時嘉靖乙丑臘月二日也

沈嵩高

秀州象賢鄉人幼從蔣大方學五雷法居

嵩高用虎骨攬龍潭不旋踵大雷電雨雷足霖喜以詩謝之又范教授官舍晨夕空中拋擲瓦礫嵩



高云此土怪也書二符與之即止其他治病伏邪在在多驗御史姚綬有傳

魯質楊 淮村民每食餅輒碎以飼蟻千家窠多蚊質住居三年夜不設帷裸以受曝蚊害

頓減一日詣所親客至乏魚質探袖中出魚既而語人曰鶴來我即往矣一日俄有鶴翔其上火從

口出自焚

吳會本 康居人赤烏中為吳大帝祈獲如來舍利由是佛教始行江南會尸解後真身一現永欣

再現金粟奇骨瘦露舉手如揖足跨如欲行眉間時放光明顯靈異之蹟明洪武二十年詔移歸金

陵天禧 供養

五代文偃 姓張氏初黎睦州陳尊宿以秦時輟轍鑽

韶陽宗風大振遂為雲門宗逝後瘞塔于韶陽宋乾德三年示夢于節度使欲暫開塔奏聞開之而

色如生髭髮皆長廣主迎信與身赴闕供養踰月送歸謚大慈匡真宏明禪師法嗣甚衆

宋智訥 性穎悟佛書一覽輒遍尤工書住持徑山規律甚嚴嘗執鼓槌以警衆人稱訥鼓槌一日

正升座答問間有僧舉普化和尚話且曰能作如此去否曰如何去不得即于座上合掌端坐而逝

崇福寺僧 能談未來事忽指塔語近寺王生日煩為守此王晒曰恐有力者負之而趨耶

越兩日塔自摧壞同時有夏和者亦在寺容服垢賦每買螺螄食夜宿楮爐灰中或博塔中嘗瞋目

坐不動人或見和在數十里之外長老與和獨厚見輒握手笑談和後坐亾于塔

長水 名子璿秀州人有道行註華嚴經八十一卷過精嚴寺講楞嚴經自作疏疏未作時夢文

殊入口既畢夢出于口疏成紙為之貴夏竦奏賜號楞嚴大師後跏趺而寂以兩甕合之墓真如寺

寶安 蘇州人深明宗旨親運土石于精嚴寺作五臺山立五臺院時僧臘八十餘歲不衣絲縷



卧亂草中化後肉身不壞閣維  
時空中忽現祥雲有白鶴飛舞

元德昂

別號伏菴父母避地石門元季苗兵亂母再  
氏投河死莖鎮側尋父亦死于兵德昂無依

去金華山中為義烏廣愛寺僧後渡錢塘省墓宋  
學士濂序以送之稱其至孝有儒行會修元史德

昂入京以母死事告於史氏遂得列傳歸治  
母墓榜其居曰白雲先隴鎮人表為貞母阡

明白菴

字西白吳郡人嘉興天寧寺災白重建之洪  
武初為淨慈主席四年春詔集三宗名僧十

人及徒二十建廣薦法會于鍾山命白總持齋事  
五年冬詔復建會大駕臨幸詔白闡揚第一義諦

自公侯以下庶僚環而聽之靡不悅服  
塔在嘉興城西環翠蘭若宋濂作碑銘

普明

字寂照初投妙常菴薙髮受具日誦法華經  
不輟後居古杭山中每靜坐蛇鼠鳥雀皆嬉

遊于前客至叩門飛走不及輒納諸懷以衣覆之  
客去則復出有一病者請之摩其頂風患頓除遂

委身為弟子一日語之曰我將于某日逝矣遂歸  
嘉善屆期弟子來送明方掃地語之曰汝不來吾

幾忘矣遂鳴鐘集眾作偈端坐而化舉龕荼毘  
舌根不壞扣之有聲過旬日人猶見之古杭

蘊空

字寂曉姓沈其先嘉定人祖練為沂水令曉  
幼業儒十九始祝髮苦修梵行諷覽經文鈞

深扶輿會極旨歸嘗謂南北藏典部分重尊日就  
譌舛於是著法藏司南四十五卷又謂大般若經

有二十萬頌世謂惟金剛般若一卷餘皆久晦藏  
函更參酌晉唐著箋注五十五卷嘗兩涉天台一

詣徑山恒居裏足杜門未嘗踰戶限也一日病篤  
法輩問師病體何如答曰薪盡火滅不知所苦遂

合掌

瞑逝

三昧

律師也明季賜紫于金陵來住三塔講護  
國仁王經傾城向慕其弟子見月住華山

古菴

名寂然薙染于錢塘老僧月江密雲主育王  
天童追隨杖履多所印可然意勇好藏不見



聲彩于奇王掌樵費于天童理畚鍤即同參莫測  
所為也晚卓錫青芝塢結茅種松自號古菴所著  
隱菴集選燔剩集及散語行世法嗣昭德字不孤  
性狷介建默菴閉關三十年不出有水邊居詩稿  
復居山有

山中草  
心傳受囑 濮鎮董氏子創建碧光菴 鼎革時有  
鎮將服其高潔難民數百人賴以保全

後住持 楞嚴寺

明孟 仁和丁氏子得法于湛然澄梵受菴初建安  
開法席弟子匡雪淨泐俱亭淨挺相繼住梵

受菴皆 有聲

雪空 初為行脚萬曆己未正月至第民夏姓家留  
齋空言今日汝家當有難可至移夏從之傍

晚火焚其廬空因流寓行與術為主人擇地居  
半年一夕忽日吾去矣夏衣沐浴而逝逾時復醒

日我誤矣不宜死于汝家即起大步走至聖堂從  
容謂衆曰我今的去矣即墓我堂後言畢果死衆  
具龕殮舉燭者誤以燭油一點漬空股上空忽作  
聲曰不小心衆驚肅各面相覷急閉龕至今在聖  
堂田 中

皇清通容

字費隱年十七參湛然和尚于華林寺繼  
往廬山謁憨大師及復縱辨震威大喝作

偈云吾年二十五氣字吞佛祖不過古人關豈蹈  
今時路參天童悟和尚于吼山問覲面相提事凡  
七打所有知見渙然冰釋四十二繼席黃檗住金  
粟移天童主徑山順治丁酉住福巖凡五載殿堂  
寮舍百廢俱興辛丑示寂微笑而逝  
所著有法語十四卷及五燈巖統

湖州府

皇清國師玉林琇

禪師即石磬山天隱修禪師法嗣  
也結茅徑山凌霄峯邑中紳士恭



請復歸報恩遂奉母子草菴而身堅守夫師塔順治戊戌

世祖章皇帝遣司吏院掌印官張嘉謨召師入見

勅封大覺禪師屢請還山仍遣司吏院護送所賜

御札至多  
庚子春

世祖復念師道高德重又遣宣徽院掌印官雷先聲再頒紫衣金印加封大覺普濟禪師本年八月又遣尚寶院掌印官劉之武再召至京演法傳戒重封大覺普濟能仁國師師又請還山既歸之後復結茅于天日絕頂遂示寂焉

### 寧波府

### 周鬼谷子王詡

西周人受道于老君居清溪之鬼谷因以為號郵太白山南滄畧水簾洞

有洞幽深闐寂人跡罕至晉郭璞詩云清溪千仞何中有一道上雲生梁棟間風吹牕牖裏借問此

阿誰云是  
鬼谷子

### 吳劉綱

字伯經下邳人初居四明山後為上虞令師事白君歷年道成會親故飲食畢登大皂莖木上去地十餘丈舉手而別飛入雲中妻樊夫人亦有道術俱昇天今白水觀乃其遺跡云

### 晉鮑蓋

鄒人其母晝寢夢吞日而孕凡三歲當晉武帝太始三年九月十五日乃生愍帝建興四年七月十五日醉逝後三十年夢告其子曰我當再生其啟我棺子以告母次夕方氏夢亦如之乃謀諸故老遂啟視之顏色如生已而祥雲下迎乘之上昇塚間得寶非金非石上有篆文曰東海之寶永和帝遣使求之將納內藏褚太后曰此神物也遂封還唐聖曆中立廟于城中今靈應廟是也胡濙為之碑



唐葉靜能

有道術嘗講經虛白觀忽南海龍化一髯  
甚哀切靜能乃書朱墨符遣門人持往海上救之  
龍獲無恙初觀在原上無井汲引遠甚一夕龍于  
觀左穿一渠  
泉流不絕

元陳可復

號雷谷定海人越有林生善役雷恣酒自  
其術至元中大旱禱禳莫應可復以法與雲須臾  
大雨嘗主教鄞之元妙觀中秋有方士寓觀賞月  
可復不與因以墨水與符須臾烏雲掩月天雨黑  
雨衆知其所為延之入席雲開月朗京師聞之名  
為承應法師世祖命治足疾可復曰疾深不可除  
臣有禁架術願試之試戶愈復命止風風返却祈  
雪雪立至從上  
巡幸幾十年卒

五代布袋和尚

名契此以杖荷一布袋雪中體不濡  
示人禍福輒應梁貞明三年于岳林

寺東廊石上端坐而逝後有一僧至寺云從天台  
見之發塚視之乃空龕也縣令王仁信先遇于江  
南天興寺後于福州官舍復見之懷中出一圓封  
授王曰七日不至則開踰期發之乃偈也王令記  
其事崇寧中賜  
號定應大師

宋啞女

不知何許人熙寧中見于鄞之戒香寺婉婁  
艸角瘖不能言惟日持帚垂臂跣足人以爲  
顛蹶屢至里士周鏐家一日歸寺長吁坐逝鏐爲  
具棺襯瘞之柳亭衛開客洛陽遇李士寧曰公鄉  
里啞女者過去維衛佛也子何不歸禮之比歸已  
化明年遊錢塘見羣兒數十執幡蓋擁一尼童入  
門諱傳曰啞啞啞啞開驚顧女索紙筆書偈擲筆竟  
去開復追問小兒啞女何人曰維衛佛也又問兒  
等何人曰問取  
啞女忽俱不見

正覺

姓李氏隰州人建炎間主天童金人犯明州  
燬諸寺覺獨危坐不去掠騎至塔嶺遂還歲



大饑為食貧民鑿萬工池有蜀僧叩覺曰工徒甚繁願以乾禾相資覺曰吾亦能之遂以禾納口端坐逾時出之亦銀也時宗果主奇王覺語果曰明年當逝矣至期覺屏絕人事者三月跌坐端逝

**明本** 號中峯杭州李氏子出家海會禪寺與攸州馮海粟相善海粟作梅花詩一百二十首相

授僧不展嗅而焚之海粟有慍色僧曰公弗真當還公原詩即授筆而揮一寫一和止和八十首海粟曰餘詩四十首不錄不和何也僧曰此令愛所作故不敢和海粟大駭食鉢可容三斗凡食物必盡一鉢或數日

不食後歸天童

**明圓悟** 號密雲宜興蔣氏子也凡六坐道場法席最盛臨濟之傳稱中興焉營構天童復宏智之

舊觀崇禎辛巳賜師紫衣命為大報恩寺住持師以老病固辭踰年示寂于天台通元寺返葬天童十七年

**圓信** 號雪嶠鄞朱姓結菴于武康雙髻峯壁立萬山中虎不為害南岳開光徑山雲門皆其卓

錫處年八十餘卒 皇清順治十七年賜幣金五百兩命弘覺禪師道忞重修雲門塔院

**皇清法幢** 名行幟即温州瑞安林增志也崇禎時由進士官右春坊中允後薙髮為僧居呂峯

山後徙密印壬辰曳屨過四明登雪竇拜石奇僧嗣其法乙未入大梅山訪梅子真古蹟披茸剪荆新唐僧法常舊觀值歲饑食蒿餌然松膏怡然

自樂凡六載丁未復還東甌示寂于密印焉

**弘覺** 字木陳湖陽林氏子南冠棄弟子員為天童密雲悟和尚嗣悟示寂遂繼席天童順治己

亥

世祖章皇帝嚮師名遣官徵至京前席問道留住齋宮萬善殿結冬開堂封弘覺禪師號賜以勅印并

賜弘法禪寺寺額

上與師語及密雲禪師有生不同時之嘆因進處士

曾鯨所繪道影喜動



天顏遂命供奉王國材臨摹二幅其一沉香龍座備極莊嚴

上親送至萬善方丈指所画衣摺曰此皆朕手自着累也即賜藏天童原像留中供養又賜悟和尚語錄入藏流通賜關帝及左右二將軍像共三軀為山中護法

上賜師服玩之外凡頒三衣前後共十一領御書匾額詩画手卷及存問

上南還  
上命中官留師衣拂杖笠  
蒲團念珠之類九事

### 紹興府

漢魏伯陽 字雲牙上虞人 作參同契三卷

劉晨 阮肇 剡人永平十五年入天台山採藥見 有一杯流下中盛胡麻飯二人知去

人不遠渡水有二女迎之容顏妙鹿暮因止宿留 半年聞鳥鳴悲慘求歸甚切女喚諸仙女歌吹送 之至家鄉邑零落已 歷七代後不知所終

吳介象 字元則會稽人得度世禁氣之術能隱形變 化入山谷見一美女曰汝食氣未盡可斷穀

三年來象如期而往乃授以還丹術吳大帝聞之 使象作變化試種瓜菜百果皆立生可食大帝與 論鱸魚何者最美象曰鱸魚為上大帝曰此出海 中安可得象乃作方指汲水蒲之垂綸得鱸魚大 帝曰恨無蜀薑作葢象書一符著青竹杖中使 人閉目騎杖至成都買薑薑到厨切鱸適了

虞翁生 會稽人大帝時隱狼五山中 精思積久形體更少如童子

嚴青 會稽人遇神人授素書一卷青言我不識書 當奈何神人曰不須讀也但以潔器盛之置

高處耳青飲壺盛所授書即見左右常有數十 人侍之治病救患但以所授書到其家即愈



齊顧歡

隱剡山每旦出山鳥集其掌取食弟子鮑靈綬門前有樹六十圍上有精魅歡印樹樹即枯死山陰白石村多邪病村人告訴求哀歡為之講老子皆愈齊高帝徵揚州主簿卒于剡山中

謝元卿

會稽人好呼吸延年之術常作東郭先生導引法服仙人五明散年近百歲精力不衰後入五

洩山遇仙

孫韶

剡人入山師潘四明參受真法

魏道微

上虞人好道相傳謂仙去

唐苗龍

不知何許人居會稽失其名能画龍人以苗龍呼之貞觀中得道仙去

孔莊葉三女

上虞人天寶間棲天柱峯下遇太姥元君授以丹訣令往東南尋雲虛洞

煉之宋治平間有江公者至山中得一小徑忽有洞題曰雲虛之洞三仙女在焉仙童引入見

款以胡麻飯江辭歸至家已三載

宋陳明

會稽攢陵舖兵也人呼為陳院長年三十有

行歌無定止頗能知未來事雪中不施一縷卧野

橋氣騰如蒸眼色正碧好以白堊書地且讀且歌字畫類五銖錢文觀者莫識有蜀客來見之焚香

其為異人

聖道者

不知何許人紹興初居蕭山淨土寺日乞食于市口吐一珠如彈丸光奪琥珀出玩

掌中人欲撲取則復吞之一日至山下指田中穴謂從遊者曰此有酒可飲其人飲之甚甘後往取

之皆水耳

武元照

蕭山女子也方孩時母或食肉即終日不乳菜食乃乳長議適人女不從夜夢神人



命絕食及覺遂欲不食母強食之則夢神怒曰何違吾戒也剖腹滌之因授靈寶法自是不復食以符水療人疾

**呂處仁** 餘姚人嘉定間隱居四明山得異術祈禱甚驗尊為演教真人及卒以劍授于後橫

潭每風月清朗之夕其劍常飛出

**蔡華甫** 新昌人為縣從事嘗遇道人授以道術遂能驅使鬼神其婿嘗過華甫見園中有二

虎倉皇驚走華甫曰無懼我當呼來即馴伏于地暮年丹成夜登臺駝山望烟色卓起即歸取服之

謂諸子曰我將遠遊矣遂尸解

**明金丸先生** 會稽人弘治間住方泉橋人呼為金蓬女織其中與金

廣和已勿不見

**道猷** 永和山居沃洲山又嘗居若耶山性率素好丘壑一吟一咏有濠上之風

**竺潛** 字法深隱剡山哀帝兩遣使招之至建業簡文尤師禮之劉惔于簡文坐中嘲曰道人亦

遊朱門乎潛曰君自見朱門耳貧道以為與蓬戶無異

**支遁** 字道林與王羲之論莊子作數千言才藻新奇三乘滯義分判炳然蓋餘姚塢中

**竺法崇** 有律學精于法華經居剡之葛硯山茅茨澗飲孔淳之訪之信宿不去神思傾豁

**竺法曠** 晉興寧中東遊禹穴放情山水至若耶愛孤潭欲就巖為廬寺武帝欽其為人迎至

京師止長干寺以師事之

**曇翼** 號飛雲有卓行義熙中誦法華于秦望西北峯澗飲三十年內史孟覲請于朝置法華寺

**弘明** 山陰人止雲門寺誦法華經瓶水自滿有童子白天而下供使令嘗有一小兒來聽經明



為說法俄不見又有山精來指笑明捉得以帶繫之久而不得脫日放我我不敢復來于是釋之

宋道慧

餘姚人遊廬山卜居西林三年王式辨三相義慧託難之詢句煥顯又就學猛公猛講成

實為張融所難使慧當之挫其風氣

慧基

自錢塘渡江棲山陰法華寺學者千餘人高士周顒劉瓛張融並袒衣問道

曇斐

剡人少棄家事慧基善莊老儒墨之書游方攷究經典疑義還鄉居法華臺寺學徒甚盛

衡陽孝王元簡廬

江何引皆師守之

法慧

若律甚嚴隱再穴天柱峯誦法華經足不履人間者三十年為周顒所師禮

齊仙

剡人住石城山隱岳寺寺北有青壁千餘丈願就青壁鑿十丈佛像以齊建武中用工經年纔成而象臨終誓曰再生當就吾志至梁已有僧誌

成之

惠舉

隱法華山武帝徵之不至昭明太子以金縷木蘭架裝遺之天衣寺名由此

陳定光

大建中居寶林寺耳過其項夜擊銀像長立不卧

唐寶掌

當魏晉時自西域來中土居常不食唯服鉢永而已住世千歲諸暨有寶掌巖會稽刺浮

山明覺寺有千歲和尚埭又有千歲洗骨池

慧忠

諸暨人受六祖心印肅宗徵赴京

慧海

姓朱氏依越州大雲寺道智受業至江西叅馬祖馬祖嘉其頓悟嘗告衆云越有大珠圓

明光透無遮障處指海也

元儼

諸暨人著輔篇記荆磨述金剛義疏



乾峯

越州人嘗與雲門相難

靈一

居雲門寺能詩劉長卿嚴維郎士元皇甫冉皆以詩往來

靈澈

字源澄會稽湯氏子出家為釋從嚴維學詩有詩二十卷劉禹錫為序

良价

會稽人叅雲岩問貌得真話過水觀影大悟前旨

澄觀

山陰人姓夏侯氏住寶林寺撰華嚴義疏二十卷為疏時堂前池中合歡蓮花五枝一花

皆有三節德宗召至京師命譯烏茶所進華嚴經賜號清涼國師

宋從朗

居蕭山祇園寺年踰百歲門常晝掩每誦蓮經衆鳥啣花匝座潘闋嘗謂之閉門不納

梵卿

早入台之東掖山謁法真聽天台教法真嘆日子得元妙于性相之外于照覺總得心印

晚住上虞之象田

端裕

蕭山人得法于圓悟勤勤住京師天寧萬壽寺諸方謹言會下有師子兒他日為叢林標

準者指裕也

仲皎

字如晦居剡明心寺宣和間與汝陰王銍以詩詞相酬答

志遠

姓呂氏餘姚人李光陳橐皆愛重之

淨全

諸暨人叅大慧杲杲曰汝有何能答曰能打坐日打坐何為全曰直是無下口處杲甚器

之全樸野不知書一日隨衆采椒同輩戲云試作椒頰全卽應云含糊帶露已經秋顆顆通紅氣味

幽突出眼睛開口笑這回不戀舊枝頭衆皆嘆異

宏濟

餘姚姚氏子楊維禎亟稱其詩

與叅

餘姚人通經典工詩



懷則 上虞人有天台四教儀要正行于世

時習 山陰人延祐中以高麗王薦名至京令說法于南城寺頂門忽現異光縈結如蓋

元長 蕭山人姓董氏所謂千巖者也嘗往烏傷伏龍山見龍壽寺故址樂之手植一松誓曰此地般若復興吾松當茂後為伽藍松亦漸長折為二幹詰曲如虬龍至正十七年南枝忽瘁已而長卒因號般若松

宋學士濂為贊

明自悅 餘姚人通儒書陶安每與譚易洪武初被徵

如阜 餘姚人以高僧徵

皇清弘禮 字具德會稽人出家餘姚化安山中與靈隱為武林僧利之冠

台州府

周王喬

字子晉靈王太子好吹簫作鳳鳴浮丘公接良日告我家人七月七日待我于緱氏山至時果見喬乘白鶴而去道家稱為右弼真人治桐栢山掌吳越水旱五代時封元弼真人宋政和三年封元應真人紹興庚申加號善利廣濟真人台之寺院奉為伽藍

漢茅盈 咸陽人字叔申于龍顧山駕鶴上昇按茅山記云盈漢景帝時人其高祖濛字初成秦時至華山飛昇先是有童謠曰神仙得道茅初成駕龍上昇入太清時下元州戲赤城繼世而往在我盈帝若學之臘嘉平盈年十八委家學道詣南嶽上真西城王君受道道成命為太元真人領東嶽上真卿司命真君至漢哀帝元壽元年乘雲駕龍至大霍赤城玉洞之府

徐來勤 字元和昔在赤明劫一百八身為道士濟生度死其後白晝乘火上昇至東漢時為

浙江通志

卷之四十三

仙釋

三



大極法師

王遠 東海人字方平舉孝廉官至中散大夫明天

後強起終不言但題數百字于宮扇上其語皆驗

留太尉陳耽家三十年忽自言當死既死殮三日失其所在後至括

蒼山與蔡經會焉 劉根 字君安長安人隱永嘉飛霞洞常至天台赤城訪紫極君

王思真 位為太上侍經仙郎漢靈帝光和二年己未正月一日太上老君降于天台山命思

真披九光之韞書立太洞等經三十六卷以授太極左仙公葛元

張皓 字文明汝南人漢安帝永初中遇封衡授以青要紫書金根上經及神丹半兩從而戒之

日勤則得之替則失之皓俯伏受命入赤城出服丹行道久之耳能洞聽目能徹視常有學者迫來

訪之則或為白鶴或為飛雲搏空遊 虛隱未莫見至魏明帝太和初登真

陰長生 受太上之命往赤城

晉袁根 栢碩 皆剡縣人因驅羊度赤城山忽有石門豁然見二女方笄遂為室家後謝

歸女以香囊遺之根 後羽化碩年九十餘

白雲先生 洞天福地記靈墟乃白雲先生隱處世說載王右軍得筆法于白雲先生又按

野史辨才云右軍作蘭亭記三百七十五字始夢天台了貞傳受筆訣以永字為法云其後司馬子

微亦號 白雲子

班孟 不知何許人能飛行或終日坐空中與人語或入地中或含墨噴紙成字各有意義飲酒

酣丹年四百餘歲童顏鶴髮後入天台不知其終



魏華存

字賢安司徒文康公之女幼而好道志慕神仙年八十三托劍化形而去後太微黃

老君授以玉劄金文位為紫虛元使治天台

夏馥

字子治陳晉人入桐栢山遇王真人授以黃水雲漿之法今在洞中為明晨侍郎

王元甫

沛人也同吳人鄧伯元學道于赤城受服青精飲吞日精丹景之法積三十四年乃

內見五臟冥夜中能書穆帝永和元年正月十五日天帝遣羽車迎之與鄧伯元垂雲駕龍白日昇

天為中嶽真人

褚伯玉

錢塘人年十六家為娶婦乘車而入先生踰垣而出隱于天台中峯二十年樵人見

之在重岩之下顏色怡怡齊高帝徵之不起乃移居大霍山仙去

王遠知

天台人其母夢靈鳳而有娠符寶誌曰生子當為神仙年七歲日覽萬言十五入華

陽事陶貞白遠知善易知人死生禍福作易總十五卷一日雷雨雲霧中老人叱之曰汝所著書何

在上帝命吾攝六丁雷電追取遠知方懼傍有着青衣人已捧書立矣老人責曰上方禁文自有飛

天保衛汝何敢輒藏遠知對曰青丘之老傳授老人曰汝仙品已及受度期展四年之紀數也又以

小時誤傷一童子唇不得白日昇天署少室仙伯將行沐浴焚香而化年一百二十六歲後于東海

借迅風與人飛渡至登州

唐司馬承禎

字子微洛州温人事潘師正傳辟穀導引術遍遊名山唐武后常召之未幾去

與陳子昂王維李白孟浩然賀知章盧藏遠宋之問王適畢構為仙宗十友睿宗復迎至京師訪以

治道辭歸天台盧藏遠指終南山曰此中大佳處何必天台對日以僕觀之乃仕宦之捷徑耳盧

初隱終南後登朝聞言殊有慚色



陳世安

京兆人好道遇仙白日昇天治小台山

謝自然

華陽女冠幼而入道慕南岳魏夫人之操至天台從司馬子微學道後白日仙去

汪子華

字時美三舉不第遂與顏真卿同事張約再師司馬承禎後丹成道備白日昇天

李元

開元間嘗遊華山採藥忽一日騎白鹿謂山下人曰我今遊天台有三老人遮道留之不可見王簡

疑仙傳

甘泉先生

隱華頂峯頻詔不起開元十八年元宗特于王屋山置臺觀以居之

田虛應

字良逸薛季昌以上清太洞法授之潭州早虛應蓬髮至無言而雨降久雨不止默

然岸憤而坐即霽元和入天台不復出憲宗詔不赴神人持金爐降詔因羽化

馮惟良

字雲翼師田虛應元和中入天台元稹聞其風而悅之桐栢觀正一先生完葺以來

湮廢已久惟良乃再締構作上清室降真堂白雲亭備閑亭遠復正一先生之迹以三洞之道行于

江表憲宗詔不起一日沐浴冠簪降庭若有所召對須臾陞堦遂化

夏侯隱

大中末遊天台獨止一室或露宿草木間每登山渡水則閉日而睡比至則覺人呼

睡仙

應彝節

字適中汝南人也開元中高士應凝之曾孫七歲請蘭谿靈瑞觀出家年十三與道

士籍會昌中就天台桐栢觀之西南別建爭壇以居觀察使李褒間來問道奏請院額詔賜服號固辭回乾寧中忽一日沐浴入靜窻神如有所待至翌日昧爽解化及遷神就窻但空棺而已

王可交

蘇州人嘗棹舟入松江中流見畫舫有道士七人皆玉冠霞帔一人呼可交與二栗

命黃衣送上岸且命合眼泊開眼已失黃衣但見峯巒中松栢叅天問之乃天台瀑布寺前也自



是不食後孳妻子入四明山不復出

許碯 少為進士晚學道常歷天台于懸崖人不及處題曰許碯自峩崩山尋偃月子至此後插

花滿頭醉歌昇雲而去

陳惠虛 河東人為僧居國清寺嘗與同侶遊石橋遇異人自此慕道晚歸終南山有老叟遺

以大丹服之昇天而去見仙傳拾遺并靈異考

杜光庭

字聖賓號東瀛子或云括蒼人為時巨儒唐懿宗朝與鄭雲叟賦萬言不遂入道事

天台山應靈節嘗謂道法科教自漢天師暨陸修靜撰集以來歲月綿邈幾將廢墜遂考真誥條例

始末故天下羽流永遠受其賜鄭畋薦其文于朝僖宗召見賜以紫服象簡克麟德殿文章應制為

道門領袖當時推服遊成都喜青城山日雲溪氣象盤礴遂結茅居之溪蓋薛昌真人飛昇之地也

一日忽謂門人曰吾昨夢朝上帝以吾作岷峨主

司恐不久于世時後唐莊宗長興四年年八十四歲一日披法服作禮辭天陞堂跌坐而化蜀主王建封蔡國公進號廣成先生

金柔

天台道士與刺史鄭冊為方外之友冊見女仙三百餘人來迎與柔共入靜室禮拜已揖

柔少時而逝顏色不變後柔亦得道

張雨

字伯雨年二十棄家遊天台請山吳人周大靜為許宗師弟子雨師事之遂傳正一之法

授七十二家符篆下虞集嘗作台仙閣記與薛元卿章心遠毛伯元相友善年七十六化後百餘

年而所手營墓為居人所發鋤擊陶器裂其腦容色如生面貯法書二帙發塚者取一帙示鄭太史

環太史欲併得全帙令其人且攜書歸置市肆橫閣扇側雷擊一聲失其書歸視腦亦完好書二帙仍

在其前為掩之



朱霄外

郡人居天台崇道觀有題梁云吳越兩街

先生正一天師特進檢校大傅守太保上柱國

厲歸真

天台县人天性嗜酒冬夏常衣單衣妙于水

天祐三年十一月于河中府中條山白日冲天告

時人口吾本台州府唐興縣人有弟在彼脫下破

雲中寥寥有蕭索之聲

朱張無夢 台久之遊天台登赤城廬于瓊臺觀行赤

松導引安期還丹之法真宗召講還元篇曰國猶

身也心無為則氣和氣和則萬寶結矣心有遺則

氣亂氣亂則英華散矣此還元之大旨也帝以歌

一闕賜之還山令台州給詩作郎俸以養老後到

金陵九十九歲終經三日頂中有白氣

劫劫然出高三尺有瓊臺詩集行于世

曹法師

居天台溪南大路旁曰大路曹氏壯年為

乃往謁張真人盡通其法回至杭適大旱禱雨無

應法師書片紙粘背上云大雨出賣官聞之命往

吳山行事用一大甕盛水燒磚投其中青天轟雷

一聲四神將立左右曰上蒼主旱雨不可求法師

日權借太湖三尺水須臾陰雲四合黑霧漫空大

雨如注平地尺餘頃之開霽視簷下水悉有鮮魚

蓋草太湖果乾三尺諸司厚貺皆不受居家除淫

祠伐妖樹滅邪魔救疾苦禱雨祈晴厥應如響年

七十餘終今有

法劍藥磨存

張用誠

臨海人原名伯端字平叔為吏在府辦事

家送膳至衆以其所食魚戲匿之梁間平



名百世德紫綬金章今已矣芒鞋竹杖任悠然有人問我蓬萊路雲在青山月在天賦畢縱火將所署案卷悉焚之因按火燒文書律遣戍先是郡城有鹽竈每食鹽數十觔平叔奉之最謹臨別囑曰若遇難但呼祖師三聲即解汝厄後械三百步溪天炎浴溪中遂仙去至淳熙中其家早起忽有一道人進門坐中堂叩其家事歷歷隨出門去人以平叔歸云

彭文昌

仙居人有道行政和六年令晁昌之女惑崇昌以市之淫祠為妖遂焚之聞鬼神哭

聲崇遂絕

王茂端

行上清太洞法通真達靈事驗甚著嘗至百歲自年九十八清健不衰人呼為靈寶其弟契真亦行大洞法號小靈寶

王溫

字如玉善造夾紵像世好善有二癩者踵門溫惻然問可以愈癩者曰釀酒浸之則可

無由得耳溫家釀適熟許之越三日癩者出皆美少也謝而去溫飲酒香甚舉家飲之忽拔宅上昇

鷄犬亦仙去郡上聞遂改邑名西郭社稷壇其遺址也

姜仙翁

牧牛山谷中夏熱招雲覆之旱則呼雨多著神異後坐化人以其真骨塑像見存豐

饒坑廟旱潦有禱必應

沈仙翁

歡畧人曠蕩戲嬉問其世事咲而不答常頂一冠穿一青衫一日到縣值天旱祈雨

急仙翁日求神不若求我衆以為狂翁遂執一淨甌睡于太平鄉支巖殿戒之曰若不喚我不回須臾空中雲生大雨如注人遙望仙翁在雲端倒領淨甌為雨人欲雨過夜分方喚翁已氣絕時年七十餘

矣

晉曇猷

燉煌人興寧中至天台山舊傳赤城有五百大神居之言輒降禍猷至遇一姬問途忽有



負而投諸淵者猷飛錫救之水立涸今即乾溪是也住石室中坐禪見猛虎數十在前猷誦經如故一虎獨睡猷以如意扣虎頭問何不聽經俄而羣虎皆去後一日有神現形詣猷曰法師威德既重來止此山弟子輒推室以相奉臨別執手贈猷香三奩於是鳴鞞吹角凌雲而去天台懸崖峻石峯嶺切天古老相傳云上有佳精舍得道者居之雖有石橋跨澗而橫石斷人且莓苔青滑終古已來無得至者猷行至石橋聞空中語聲曰知君誠篤今未得度卻後十年自當來也猷心悵然乃退道經一石室于中憇息俄而雲霧晦合室中盡鳴明且見人阜衣曠來曰此僕之所居昨行不在家中遂致騷動大深愧作猷曰若是君家請以相還神日僕家室已移請留無辭于武帝太元八年入寂于山室屍猶平生而舉體皆軟義熙末隱士褚世標入山登巖見師不朽其後欲觀者輒為雲霧所蔽無得窺也

曇蘭

青州人支姓日誦經三十萬言太元中憇赤城一日有神長數丈屈膝自言願推室相奉

世傳常鄉

山神云

懷玉

臨海人高姓今棲石村其所居也號高玉禪師初居方山後飛錫天柱峯下運水遠谿忽

見一老父日菴前石下有泉師舉錫遙湧盈尺即今湧泉延恩寺涅槃後塑像在寺其真骨也又接天台山志作唐時丹丘人觀想淨土將四十年一日見西方聖眾有擎銀臺而至師日如我本望必得金臺言發而臺隱師彌加精苦三七日後向人復來日法師已得上品生忽異光照室弟子見佛菩薩共御金臺西下迎玉而去

梁定光

青州人許姓字靜照太同初隱佛隴三十年

汝當住此汝當終此及顛過佛隴光日憶昔往時招手否顛即悟光日金地吾已居之銀峯爾安往



今修禪寺是也陳  
大建十三年坐滅

陳智顛

即智者大師字德安姓陳氏潁川人也師年  
十五于長沙像前發願作沙門荷真正法夢

見山頂有一老僧招手喚上以筭接引登山見所  
造像在彼殿內伸臂僧舉手指像而語之曰汝當  
居此汝當終此年十八投沙門法緒出家從慧曠  
師學律初入天台歷遊山水度石梁陳主凡三遣  
使後更勅州敦請乃赴立禪衆于靈隱開釋論于  
太極又講仁王般若入隋開皇十三年旋鄉說法  
十七年晉王敦請出至石城謂徒衆曰大王欲使  
吾來吾知命在此故不前進命洒掃竟跣跌唱三  
寶名而入三昧錢忠懿王申請于廟追謚法空寶  
覺尊者宋寧宗慶元三年以荆門請加謚靈慧大  
師

灌頂

姓吳氏臨海章安人始生三月能隨母稱三  
寶名有僧過門謂其母曰此子非凡因以灌

頂爲名陳至德初謁智者于修禪寺稟受觀法研  
釋既久頓蒙印可因爲侍者隨所住處所說法門  
悉能領解著涅槃元義二卷疏二十卷唐貞觀六  
年終于國禱寺先是貞觀元年同學智晞臨終曰  
吾生兜率見先師智者賢座行列皆悉有人唯一  
座空天人日後六年灌頂來昇此座計歲論期此  
當是矣吳越王請  
謚爲總持尊者

慧命

天台仙城人參南嶽思大禪師聞說三觀深  
悟元旨得無礙辨說法如瀉將終誠門人精

進淨行衆忽見阿彌陀佛與大  
士來迎即隨佛向西升空而去

隋志越

南陽人出家遊方至金陵遇智者北面受業  
五門六妙莫不深通智者晚歸台嶺付以四

衆二十年間循循善誘德量寬曠學者歸心所居  
之處瓶水自滿大業十二年示寂風樓雲慘天雨  
異化一  
境冥晦



智瓌

臨海人張氏初投安靜寺出家聞智者為世

龍從地而起上昇虚空智者釋曰此表九道衆生

鬼不懼食毒不傷大業元年場帝巡幸揚州命至

觀十二年無疾正

智端

穎川人陳氏子年二十投智者剃度稟受禪

止之日汝道力微弱山神剛猛不容往雲不從甫

留一夕神現形驅令還初智者勸沿江居民篋梁

救忽然不見悟遂停採東山銅鐘忽響震山谷師

泣復啟目識之曰有生必滅寧足為悲忽聞絃管

之聲即跌坐而化

法彥

清河張氏陳大建七年侍智者于天台授禪

起智者證之曰如汝所說是背捨觀中第二觀相

大業七年

等觀

富陽縣人受心觀于智者居天台常誦法華

旦有王服者至稱臯亭廟神來謁師曰禪師昨過

師即索爐燃香遂授菩薩大戒禮謝而退

普明

會稽朱氏少有異志陳大建十四年來天台

復相遇于是服勤左右專習禪法隨智者至廬山



是也嘗鑄丈六盧舍那像威異人施金為助國清講堂狹小師欲廣之俄而括州都督周季節施杉柱泛海而至創堂之日山神隱現勢若雷震摧樹折枝濶一步許建堂既畢忽着破衣與眾言別奄然坐逝信宿屈左三指表證三果云

唐智威

號法華尊者姓蔣氏括之縉雲人年十八父母令歸納婦路逢梵僧謂之曰少年欲違昔誓耶因示其五願一願臨終正念二願不墮三途三願人中託生四願童真出家五願不為流俗之僧蓋前身為徐陵聽智者講經親立此願師聞願已即往國清投章安為師唐上元元年欲卜勝地說法度人執錫而誓曰錫止之處即吾住所其錫自國清飛至軒轅煉丹山名其地曰法華學者甚眾師身長七尺骨法古秀每登座有紫雲覆頂狀如寶蓋鳥雀旁止法華至仙居上阪約八十里師每日往返齋粥禪講未嘗少違咸謂神足永慶元年示寂

一行

俗姓張氏鉅鹿人早歲不羣師事普寂禪師因求訪師資至國清聞僧于院中布算法聲菽菽既而謂其徒曰今日當有弟子求吾算法已合到門豈無人導達耶即除一算又謂曰門前水西流弟子當至一行承言而入稽首請法盡授其術尤精天文元宗詔對無恒占其災福若指于掌滅時春秋四十有五帝哭之哀甚輟朝三日停龕三日容貌如生謚曰大慧禪師

湛然

號荆溪尊者姓戚氏世居晉陵門人含光白師曰頃從不空遊歷天竺見梵僧云聞大唐有天台教迹可以識偏圓簡邪正明止觀師聞之歎曰可謂中國失法求之四維晚居台嶺大布而衣一牀而居以身誨人耆年不倦大兵大飢之際學徒愈繁瞻望堂室以為依怙建中二年示寂隱化

行滿

萬州南浦人住天台聽荆溪說止觀頓悟妙旨因棲止華頂峯下智者院克茶頭夜坐士



牀燒糞掃以煖其下脫衣就牀蚤虱羣咬何其飽足又復整衣而坐所居檻外大松上有寄生小樹遇師出坐必嫋嫋俯仰時謂此樹為茶頭作禮師于四十年間未嘗便溺或謂大士現身受食而實不食故致此也開寶中預告門人曰我且行矣卽請衆誦文殊號泊然而化年八十八

明淨

高密人少出家後南遊東越天台諸山衣服襤褸日至村中乞食值羣虎皆張目閉目若有飢相淨以飯內其口餘者對而噉盡明日乞食

致淨

日可罷諸邪禱吾獨能降遂結齋靜室七日平旦雲布雨施高下滂注

豐干

不知何許人居天台或云豐尚書子形貌寢惡被髮布裘或時唱歌人問之第云隨我騎

虎遊松門與寒山拾得相親長吟大笑人莫測也正觀中間丘太守遇師于京邸問天台有何賢可親答曰國清寺有寒山文殊拾得普賢狀貌風狂歌笑不嘗問丘至則二人方據火談笑乃遽作禮

二人拍手笑云豐干饒舌也遂馳走而去後竟不還豐干後復天台示寂

寒山子

不言氏族以其寒石山中居止得名容貌枯悴布襦零落以楸皮為冠曳大木屐時

來國清寺就拾得取衆僧殘食菜滓食之或廊下徐行或時叫噪望空謾罵寺僧以杖逼逐翻身撫掌大笑雖出言如狂而有意趣因衆僧炙茄次將茄向一僧背上打一下僧回頭山呈起茄串曰是甚麼僧曰是風顛漢山向傍僧曰你道這僧費却多少鹽醬因趙州遊天台路次相逢山見牛跡問州曰上座還識牛麼州曰不識山指牛跡曰此是五百羅漢遊山州曰既是羅漢為甚麼作牛去山曰蒼天蒼天州呵呵大笑山曰作甚麼州曰蒼天蒼天山曰這廝兒有大人之作

拾得子

不知名氏因豐干山中經行至赤城道側聞兒啼聲遂尋見一子可數歲因名拾得

在國清厨內滌器常日齋畢澄濾食滓以筒盛之寒山來卽負之去一日掃地寺主問汝名拾得因



豐于拾得汝歸汝畢竟姓箇恁麼拾得放下掃帚  
叉手而立主再問拾得拈掃帚掃地而去寒山搥  
胸曰蒼天蒼天拾得曰作甚麼山曰不見道東家  
人死西家人助哀二人作舞笑哭而去國清半月  
誦戒衆集拾得拍手曰聚頭作相那事如何維那  
叱之得曰大德且住無嗔卽是戒心淨卽出家我  
性與你合一  
切法無差

**代病**

天台人姓陳氏于國清寺出家次于河陽旱

里告足自此歸心者衆先是三城間多暴風雷動  
傷苗稼號稱毒龍爲害代病爲謂密語後經歲序  
都無是患大曆元年登太行游霍山深入幽邃結  
茅而居有盜其盂食俄見二虎據路盜卽頭曰悔  
慰諭畢因摩挲虎頭而去山神廟在晉絳之間享  
祀甚盛代病入廟勸其受戒其神石像屢屢隨勸  
領首聽命有寘毒于酒者賄貧女往施之代病已  
知貧女給代病曰汝亦是佛然貧女懼反飲其

情告代病執杯啜之俄酒氣及兩脛足地爲之僨  
裂聞者驚怪以酒供養自茲始也汾隰西河人有  
疾只給與淨水飲之必瘳

貞元中奄然跣趺示寂

**靈默**

俗姓宣氏毘陵人初參豫章馬大師因住白  
沙道場經十二載猛虎來馴又住東道場地

僻人稀山神一夜震雷暴雨懸崖委墜黎明大樹  
倒欹菴側樹枝交絡茅苫畧無少損後遊東白山  
俄然中毒而不求醫閉關宴坐未幾毒化元和初  
久旱沿澗青蛇夭矯瞪目如視默咄之曰百姓枯  
渴苗死汝胡不施雨救民耶至夜果大雨  
厥後澡沐焚香端坐繩床而卒壽七十二

**道奇**

新羅國人自唐景福壬子來遊天台慈愛接  
物恒持一鉢受食食訖而坐脇不著席日中

灑掃殿廊料理常住得殘羹之食雖色惡氣變收  
貯于罍齋時自食與僧供滷浴煎茶所服大布衲  
其重難荷每至夏首秋末乃裸露胸背云飼蚊蚋  
螫齧至于血流行之四十餘載未嘗少廢身出紺



赤色舍利有如珠顆人或求之  
隨意皆獲晉天福三年示寂

### 五代德韶

處州龍泉陳氏子年十五出家後於法眼  
縱有若舊居師復與智者同姓時謂智者大師遺  
寶四年華頂峯忽搖聲震一山師曰吾非久矣明  
年六月大星隕于峯頂林木變白  
師乃示寂集衆言別踟躕而逝

### 淨光

名義寂字常照永嘉胡氏子幼出家誦法華  
期月而徹年十九乃造天台學止觀于竦法  
師吳越忠懿王因覽永嘉集有同除四住此處爲  
齊若伏無明三藏則劣之語以問韶國師韶曰此  
是教義可問天台寂師王即召師出金門建講以  
問前義師曰此出智者妙元自唐末喪亂教籍散  
毀故此諸文多在海外于是王遣十使往日本國  
求取教典即回王爲建寺螺溪扁曰足慧賜號淨  
光法師及請謚天台諸祖一家教學鬱而復興師  
之力也雍熙四年寢疾囑門人不許哭泣祭奠言

己卽瞑目

壽六十九

### 寶雲

名義通字惟遠高麗國人族姓尹氏梵相異  
常頂有肉髻眉毛宛轉伸長五六寸幼從龜  
院釋宗爲師受具之後學華嚴起信爲國宗仰晉  
天福時來遊中國至天台雲居韶國師輪下忽有  
契悟及謁螺溪聞一心三觀之旨乃嘆曰圓頓之  
學畢茲輒矣遂留受業久之欲東歸假道四明郡  
守太師錢惟治咨問心要請受菩薩戒因止其行  
常呼人爲鄉人有問其故曰吾以淨土爲故鄉諸  
人皆當往生皆  
吾鄉之人也

### 宋戒闍黎

臨海三江婁氏子也母夢月光入懷覺而  
有孕生而能言一日忽謂父母曰可備齋  
七位母問其故兒曰我同衣來相見父母恠之卽  
爲營齋俟之日哺果有僧七人行至其家日聞君  
有奇子特來相賀母抱兒出見兒乃撫掌而笑僧  
遂謝去兒謂父母曰向者七人皆佛菩薩示現耳



五歲自稱六和大師十五出家至杭見天醫波利  
多乃為薙髮受具足戒故名善戒其神變事跡至  
多具見閣黎示現錄將滅之日于台州堯率寺擊  
鼓集眾為說觀音圓通法門乃下座出殿前湧身  
虛空現諸神變還入殿內復昇法座連叫大眾看  
看先于左手現日右手現月放百寶光明次于口  
中現蓮華十二朶花放寶光十二色又于頂上放  
無數光師曰老僧有如是妙用以彰釋迦如來正  
法世緣已畢與汝作別言訖合掌端坐  
而逝謚曰廣惠慈濟寧化仁德大師

### 周七娘

臨海紫巖人諱七娘行乞于市逍遙度日  
夜卧普濟橋下每與戒公同遊時人莫測

其凡聖皆掩口而笑曰風僧風婆吃酒蹉跎一日  
聞戒師化去亦于普濟橋下瞥然而化口中左右  
皆生蓮花越七日有異僧眉髮皓白跣足百衲攜  
錫持鉢歌曰戒師文殊周婆普賢隨肩搭背萬世  
應傳言  
訖不見

### 道榮

淳化中居長隴院卽今廣巖寺習禪定靈異  
頗多人以羅漢目之既入滅人有見于壽昌

五百應真位者今肉身尚存宋元符間縣令太史  
章以久旱他求無驗躬往祈請迎至縣雨卽克洽

### 法智

名知禮字約言四明金氏太平興國四年從  
寶雲學教觀始三日首座謂之曰法戒次第

汝當奉持師曰何謂法戒座曰大總持法門圓融  
無礙者是也師曰既圓融無礙何有次第座無對  
真宗皇帝遣中貴人至其居命修懺法輪林學士  
楊億附馬都尉李遵勗白丞相寇準奏紫服及法  
智大師號門人本如上堂請益經王之旨師曰汝  
為我作三年監院來如依言三年辦事竟特上堂  
詰問師乃大喝一聲如豁然開悟乃呈頌曰處處  
逢歸路時時復故鄉本來成現事何必待思量後  
結跏趺  
坐而逝

### 處咸

天台王氏子母夢白雲入室化為白馬因而  
有娠七歲入國清出家十四入天台閱藏經



三年而畢初住赤城崇善姑蘇李庭芝將守台夢  
神人曰公天台五祖臺下有龍頭九九和尚安就  
見之至郡諮詢莫知其說聞土陳白曰天台五祖  
居赤城今咸師住此生于丙辰九月九日其龍頭  
九九之謂乎庭芝大愕即往謁見為深談出世芝  
有契會以寺宇隘陋首捐金十就東南地開基之  
日獲銅磬于土中元祐元年正月法鼓擊之不鳴  
者七日至七月告衆曰二十三日吾將行矣徐起  
跌坐寂然而化

子然 姓薛臨海人號智湧法師初母胡無子禱一  
石觀音像夢一老僧手持蓮花語曰食是當

疾然非女子也生而超異住白蓮寺寺後有龍湫  
師呪之使遷一夕大風雨遂徙去寧海建法會請

土法席竊中見有持糜來者曰兜率天請說法又  
渡一壑化為神告師曰七月當歸矣既寤而化

照伯 不知何許人居崇教寺塙下夏坐則向日冬  
或引紙縱筆濃淡橫斜初若在言

終無不驗宣和己亥正旦忽持巨軸與一士人往

還緘勝甚密己乃行哭于市其中所言自方寇猖

獮次及遼山迄宋中興日時不易一日忽辭寺僧

去數日跌坐塙下視之死矣衆欲昇入寺忽躍起

狂走從寺後登山緣高如猿猱衆隨

即之望木杪騰踴者數十不知所終

法濟 臨海人師黃巖浩先罕卧食冬夏不爐扇建

華至藥王品輒太息曰身如垂疣附贅虛生浪死

何益遂採薪自焚是夕星月皓然忽天雨白花大

如朔雪清旦拾遺骨得舍利焉

澤龕 寧海人葉姓建梁王寺塙塙成或請記歲月

之絕頂曰此塙記也乾道中通守趙師夔侍母陳

經行見塙壞欲新之夜感于夢且問始末使下鐸  
書以觀則曰二十世十八姓之僧造塔遇走小月  
東一邑之氏修治趙母子駭異施緡錢百萬且繪



像于塔

下焉

元元叟

各行端臨海儒族何氏子六歲通論孟及經

元成宗大德庚子住湖州翔鳳甲辰詔至中天竺

仁宗皇慶壬子遷靈隱詔主無遮大會于金山退

居西庵忽有梵僧杖錫來徵端示以獅王奮迅三

昧其僧稽首蹈空而去英宗至治壬戌起主徑山

前後開化四十二年三受金襴秘不披搭所賜金

帛悉以濟貧順帝至正壬午秋忽以密諦示侍僧

僧不解端曰後五日看至期更衣跌坐日本無生

滅焉有去來冰河發燄鐵樹花開垂一足而化

明裘聖僧

邑人幼歲出家住國清寺後又遊外二十

抱之以手執其頸類解縛狀婢驚怒告其主師曰

七日後當自知之主訝其語至日置婢于室以人

守之夜分守者少睡醒視婢已經死矣問師師曰

昔見鬼以十索繫其頸吾斷之恨尚留其一耳華

頂寺僧請師預道場師曰明日有火殃到寺必有

火我不預也明午一婦人從轎馬婢僕投寺中施

齋至晚寺中人問曰火殃何在師曰施齋婦人非

火殃耶忽火從中起一寺為墟人皆嘆其神異焉

性原

名慧明黃巖人居家不治生業向親戚乞斗

食明以碗羹施之復乞明曰奈我無有何病僧指

明厨曰那是什麼明回視失僧明大驚即走樂清

依寶冠沙門剃度出主寧波五峯寺洪武間主鍾

山法會內翰宋危諸君與往來一日商國事明云

敬天懼人思危防安天下平矣明太祖聞之謂有

王佐才欲留居都中明固辭宋景濂疏明住靈隱

亦不允遂還山蕭然布衲藤杖或問大內隆遇典

故明緘口不言適靈隱天鏡被流言流徙陝西道

死明應主靈隱亦被議逮捕或勸明引去明怒曰

潛形苟免豈道人所為乎正值浴佛日明上堂說

法訖下座直詣法司跣跌廡下為衆說偈忽入滅

天立變驟風雨暴怒拔木飄瓦吏司懼而釋之時



洪武十九年也踰年坐化臨去時偈曰祖師門下客開口說無生老我百不會日午打三更云

**恕中** 名無愠台州人姓陳氏棄世學道歷走叢林居明州靈巖三載遷居瑞巖洪武七年日本

聞禪師說法瑞巖疏朝廷迎愠化其國愠至京固辭帝喜留主天界是冬辭還山洪武十九年忽說偈曰七十八年無法可說末後

一句露柱饒舌咄端坐而化

**慧曇** 天台楊氏少得度于紹興法果寺具足律儀未幾開法牛首次還清涼明初改金陵龍翔

寺為天界采有德禪宿主之畫院因圖諸山禪師頂相進呈帝獨喜曇相曰太平隆運沙門也遂主

天界見曇踟躕丈室儼然在定帝嘆美而去故賜號演梵善逝利國崇教大禪師洪武三年帝擇有

志沙門通誠佛國曇應詔夏六月御餞都門從行者二十餘人道經高昌素葉諸國俱尊禮之以象

馬傳送達僧伽羅國國王併羣臣迎入佛山精舍師事之膝行求法曇示微疾乃呼左右曰吾不復

進矣遂趺坐向西而寂時洪武四年九月也明年尚書回奏太祖覽遺表而嘉嘆曰中國有僧萬國

之光敕建浮屠于花雨臺左瘞其所遺衣履焉

**宗泐** 號季潭臨海周氏八歲趨天寧寺求佛為師時笑隱訴公方說法試泐心經脫口成誦及

訴公歿泐乃還台寓雲峯隱紫釋領天寧俱以誠懇化諸有情元未生中天竺明初詔主天界太祖

以慧曇西往之迹未終欲修之難其人泐應旨于洪武丁巳西行壬戌還朝涉流沙度葱嶺徧遊西

天通誠佛域往返十有四萬餘程皓首東歸至江浦石佛寺中示疾入滅年七十有四

**皇清靈膚** 號攝菴姓鍾太平人在襁褓即手不觸穢先已聘某氏女定情之夕忽棄去出門悵

悵罔所之有同行人指往大慈寺及門倏不見心怪之是日即薙髮時有門大師講台宗遂秉其戒

私衷謂妙義當不止此冥搜廣討始有心得遠近道俗宗師之越二十年始主講席發明台教宗旨



契理文符了無礙滯時與儒者談道析義下筆數千言弟子從者日衆言及二親往往泣下數行晚年鍵戶不出朔度親菴于北固山麓終孺慕之志卒年八十一

### 金華府

#### 三皇時仙姑

相傳為軒轅黃帝少女于浦江仙華山修真上升故山與廟並以仙姑名有聲舊在山巔禱祈輒應民病陟降改築山麓宋嘉泰元年夏旱吏民相與禱之雨乃時降歲以有秋事聞于朝勅賜額曰昭靈

#### 漢梅真人

梁蕭侍郎仙鑑云二人皆隱玉笥山時人多見之梅即南昌尉梅福蕭即梁公子子雲也自東陽太守避侯景之亂全家入山二人俱得道于此

#### 晉黃初平

蘭谿人牧羊遇道士將至金華山石室中兄初起尋之四十餘年一日逢道士引入山相見問羊安在初平曰在山之東初起視之但見白石初平叱之石皆成羊初起遂絕粒服松栢茯苓亦得仙後還鄉其族盡亡乃復去初平別號赤松子云

徐公 其名金華人嘗登長山頂有湖其水湛然遇二人奕棋自稱赤松子安期生酌湖水飲徐公醉至醒二人不見徐後亦得仙故號其處為徐公湖

齊孫遊岳 宇穎連東陽人喜道家學嘗步赤松澗縉雲堂上終焉師事簡寂先生于廬岳遂授三洞經法及楊許二真人墨跡後茹芝卻粒又專服穀實凡六十七年顏采不替及簡寂羽化即還

舊 隱

梁傳大士 名翁字元風義烏人因取魚會嵩頭陀曰試自照水乃見圓光寶蓋即悟前因因問

修道之地頭陀指山下雙檮木曰此可矣因結菴苦行七年忽三佛來自東方有金色自天而下集

齊 隱

梁傳大士

名翁字元風義烏人因取魚會嵩頭陀曰試自照水乃見圓光寶蓋即悟前因因問

修道之地頭陀指山下雙檮木曰此可矣因結菴苦行七年忽三佛來自東方有金色自天而下集



于其身從是身常出妙香聞空中聲偈武帝詔  
赴闕入重雲殿不拜登寶榻與帝問答詔還山

**嵩頭陀** 名達摩梁天監中來居香山岩谷叢林間  
以四木作桌釘地曰此可竄寺後遊峭山

遇侍郎樓偃期來歲八月會至期勸偃建香山寺  
造小舍容一斛狀甚樸拙糴米入之米盡隨來號

常盈倉人多捨田以給之普通中建  
來山寺留鐵魚磬而西至龍丘入滅

**惠約** 俗姓樓氏義烏人母夢吞金像而生約膚體  
璨然因名靈璨梁天監十八年武帝延約于

等覺殿受菩薩戒頂禮而請曰弟子頂禮勿使外  
人知之約遂合掌入澡瓶中結跏趺坐見五色雲

臺頃出謂帝曰貧道化身入瓶中陛下亦無令外  
人知之帝遂北面受戒親執弟子之禮稱曰智者

國師普通七年奏以金華故菴建智者寺大同  
元年九月十六日示寂年八十四詔葬獨龍山

**唐馬自然** 名連建中元年八月十五日南自霍桐山  
回至永康延真觀前指庭松曰此松已三

千年矣當化為石既而果然忽大風雷震石作數

段刺史楊發昇其兩石入郡齋又以其一一置之龍

興寺九松院松皮鱗皴各高六七尺深三尺故根

至今尚存為人若風狂能與人治疾不用藥但以

竹杖擊病處或以杖指之吹杖頭如雷

鳴其疾即愈遊宮觀岩洞多留題賦

**貫休** 姓姜氏蘭谿人唐天復間入蜀蜀主賜號禪  
月大師苦節峻行善草書工詩著西岳集

二十餘卷錢鏐稱國貫休以詩投之云蒲堂花醉  
三千客一劍霜寒十四州鏐欲改為四十州師不

可次日  
遂遁去

**千歲和尚** 寶掌禪師生周末晉魏時自西域來居  
常不食一日示眾曰吾欲住世千歲今  
六百七十三歲矣時號千歲和尚唐貞觀中遇遊  
兩浙至金華山下遇一老人問欲何之師曰訪地  
修行吾將老焉老人曰此山峯巒奇聳中有石窟  
如方丈號浦岩盍往居之值中秋師抵岩下見其



山秀泉潔月白風清有行盡支那四百州此中偏  
稱道人遊之句遂結茅為菴名岩曰寶掌忽一女  
雷奔電掣巨石突出菴前因號為飛來峯師晏坐  
凡十七年一日屈指一千七十三歲矣龍虎皆伏  
號伏虎  
禪師

宋妙靜鍊師

陳氏女瓊玉義烏人年十九與姊浣于  
澗中得桃實大如拳食之從此不火食  
性飲酒啖生菓初不識字忽能詩辭為人言禍福  
悉驗一日邀其兄遊四明海兄乘舟而巳行水上  
閱數日衣不濡曰我知來事恐世天機姑以風花  
雪月為咏而寓意焉政和七年召見賜號妙靜鍊  
師乞還山壽九十  
十端立而化

季隱子

名道華真定人晚遊義烏青巾褐裘與陳  
炳交而以棋自晦隱居不食能飲酒嗜紙  
得紙即撚為枚以齒鍊之無紙與酒則默坐竟日  
或即坭垣之顛踞坐下視大笑雖大雪臥積冰無

凍色

一日語其徒曰吾飲止今日耳幸埋焉及期  
跌逝眾埋之明年金華呂道士元素過小茅山遇  
之語呂曰為我謝宛

陵陳主簿蓋陳炳也

明陸瓚

蘭谿人少有仙風道骨碧眼蒼髯長九尺餘  
潤步紆徐頃刻數十里性格不凡耽于修真  
斷緣息念每閉日冥坐旬月不食人莫窺其際三  
十後徧遊京師及諸遠方人稱為陸長仙云間一  
歸家絕口不問家事坐卧一  
小樓旬日復去竟不知所終

衢州府

晉王質

詳爛  
柯山

徐侍郎

諱安貞嘗修真于西安縣九仙巖巖  
際無木安身飛騰日數四上下以汲

宋慧通

姓徐法名志西安蒙葵人也好衣錦繡往來  
闕闕間丐錢市猪首克饌因名猪頭和尚言



災福皆驗景德三年秋忽抵衢之吉祥院澡浣作  
偈曰古貌昂藏法中之王猪頭千箇不把片嘗陶  
其真性吾是定光端坐而逝越七日異香滿  
室後寺罹火真體巋然獨存趙清獻公有贊

**開明** 姓許西安雲川人至三衢趺坐祠旁叢棘間  
十旬鵲巢于頂敗葉沒膝適郡守至為立祠

時師年五十三始祝髮卓菴江郎山不  
出戶庭三十有八年有虎跑泉供飲

**繆道者** 西安人原口山險阻多猛獸往來者沿崖  
攀木側身以行春夏水溢則病涉道者來

居其泉寺鑿山開道遇虎狼則手  
撫去熙寧間以火化號金川聖者

**劉鐵磨** 西安人比丘尼也叅于湖師曰汝莫是劉  
鐵磨否乎尼曰不敢師曰左轉右轉

和尚莫顛倒師  
便打後倒化

**老誓** 開化人住太平院有戒行人所敬  
仰睦寇知其名不敢焚掠而去

**王自然** 字復初開化人延祐間修煉于天童山有  
道行初王雷宮前有蛙譙樓多蚊以塵驅

之遂絕王文  
獻公題有詩

**元緣督先生** 名友欽鄱陽人蓋宗室也凡遁甲韜鈴  
天文曆算之學靡不精究一日遊芝山

酒肆中遇丈人方瞳綠髮與飲酒盡出懷中丹書  
授之遂隱處海濱二十年註易數萬言嘗乘青驪

從一老蒼頭往來衢婺山水間客中無所資而用  
未嘗乏宋公濂劉公基皆從先生遊華川王公禱

手校其  
書以傳

**南臺和尚** 江山人持戒悟道偈曰南臺靜坐一爐  
香境界蕭然萬慮忘不是有心除妄想

都緣無事可思量後端坐而  
化南安詩僧斷崖其徒孫也

**女冠周德清** 常山人遇異人啖以蘿蔔遂不食烟  
火夜不假寢垂七十後尸解至正間



賜號靖  
應散人

鄧去奢

崇仙宮道士列傳曰衢州龍丘人家于九

松陽之茅山漢張天師葉淨能修道處結菴絕頂

朝夕焚修山有方石濶二丈餘平若砥去奢坐其

上供默靜想一旦感神人謂曰張天師有斬邪劍

二口并瓶盛丹在此石下可取之去奢辭謝神人

日但勤修無怠自可立致後三年神人遂以劍丹

付焉他日忽有綵雲鸞鶴輿駢幢幡迎之上升而

去後野火焚其室靈跡尚存

明柴公達

號無無道人江山人寓龍虎山與張真師

遊一夕師欲警夜公達曰吾能役神兵為

之是夜鐵鈴響者達曙又嘗

夜歸假電燭之其明如晝

柴用先 號惟一子江山人永樂間自京還至武林

大早自言能致雷雨大書云三日登壇三

嚴州府

上古桐君

不知何許人亦莫詳其姓字採藥桐廬縣

東山隈桐樹下其桐枝柯偃蓋蔭蔽數畝

遠望如廬舍或有問其姓者則指桐以示之因名

桐君縣為桐廬江為桐江溪為桐溪嶺為桐嶺而

山亦以桐君名焉或曰黃帝時嘗與巫彭同處方

餌未知是否有藥錄一卷行于世宋元豐中縣令

漢桐栢張真人

諱大順漢留侯第八世孫正一天師

道陵之父也躡履養道居天日山妻

夢神人自北斗魁星中降授以香草曰薔薇也既



道陵為萬世道教之祖卒葬分水北三十里之朱睦村建祠樹碑 皇清真人張洪仁張繼宗皆親臨謁祭

吳陳暉

字子厚桐廬人富陽侯碩之子也仕至黃門侍郎征寇將軍封餘杭侯暉有仙術能興水

晉許遜

字敬之江西南昌人聞豫章吳猛學道能通靈達聖遂往師之及至猛卒遺言其子吾去後當有東南人許遜來學宐以真符相授子如言授遜遜奉持感驗有愈于猛相傳遜未仙時曾於建德烏龍山修真煉藥嘗蓄一白鹿每下山詣人家乞火今山麓有大坪差低于四山居其中若環堵然者人以丹基名之每羣鹿相聚前有水池久旱不涸雪禱則禮之

唐許宣平

新安人常掛一花瓢及曲竹杖每醉即獨吟日負薪朝出賣沽酒日西歸路人莫問

歸何處行穿白雲入翠微後仙去

錢相公

分木人不治生產駕舟為業每舟無人賃載空而行捕役疑而踪跡之但見掉動如飛衆槳莫及始其異之有餘姚館師登其舟見其不飲不食月夜作歌歌已別館師忽不見其形今

上人多祀之

謝老真人

杭州人以販鹽為業嘗歇于龍塘渡口于此既而以璚席鹽籬寄別何姓主家曰予三天門下得道真人也今將回天來此告別主家怪而送之至龍塘石上危坐而化兩目斜視東方璨然有光而不閉二履躍入潭中已乃風雲冉冉身裹霞霧不知所往邑人相與立廟于龍潭之右

宋葉道士

失其名淳安人素有道術一日無病而逝即入棺鄉人于途中遇之初不知其已死



葉謂曰今日當雨爾歸可謂吾徒于西牆上收我所曬履及歸視履果在啓棺視之惟冠裳存焉

唐廣真嚴州女子既嫁得血疾夢道士與藥服而在郭家食飯次若有人喚者出門逢三仙欲攜之往對日有母在願終養因與丹一粒吞之遂不復

食後召入德壽宮封寂靜凝佛真人

葉梅卿壽昌人明春秋通史傳聖宗朝任撫屬舍

能存神忽一日示偈云脫卻塵凡皮鼓明辰金闕

朝尊次日恬然而化將殮顏色如生後昇葬輕甚

啓棺視之惟衣存焉

兀錢九五淳安人居蜀早幼習五雷天心正法樵採

釋遂得上昇因授以呼雷法時縣苦旱拜禱雨應禱而降遂往龍虎山受錄道逢二老對奕啖以

數果精爽倍常命拔一松倒種之誓曰此松活則

法可傳九五乃往及回則二老尚在松固無恙也

授以四石子戒勿啓頃之石錚錚有聲啓之則雙

蝶颺去僅存其二自後常有神人呵護之一日聞

張真人至九五方飲酒戲以栗殼盃中呪之真人

之舟不得發詢故致謝乃得去今所居法水井猶

存焉

明丘駝桐廬人病僕因以名家貧操舟濟渡不責值

呼往又無所見僕僕無怨言拔篙將行而僕疾忽

愈時人異之越數載死家人殯焉久之鄰有至衢

者見駝與一人同行欵洽若平時囑寄所穿鞋以

歸又貽之以屣穿之則行步如飛不日至家以鞋

付其妻視之故殮時物也啓塚惟竹厩在焉

回看所貽屣化為雙鵲而去始知其尸解云

上景雲壽昌人嘗居仙池岩習修煉之術洪武己

酉夏嚴州早知府劉遵道徵至郡禱雨雨輒

仙釋

六十三



應有劍塵虹斷令下雷轟之詞縣北牙吹塘水數  
泛溢占者意其為蛟縣迫之治雲囑其妻子曰速  
具吾棺吾其殆矣言畢而往初以紙劍投水水浸  
濁已而投之鐵劍水為之赤歸即臨鏡自書其像  
遂卒于家時人號為十真人

### 唐稠錫和尚

桐廬人唐開元間卓錫南岳庵前稠木  
自開因號稠錫嘗下山未幾復歸僧眾

不納一日偕二虎至僧眾怖走稠錫曰勿怖止欲  
决去留耳吾果不能住此庵虎當恣啖我如可再  
居遶吾身三匝虎遶行如數眾懼

請留集眾五百遂為大禪刹云

### 少康

俗姓周縉雲仙都人母羅氏夢至鼎湖峯見  
玉女手持青蓮花授之曰此花吉祥寄汝已

而有妊迨生青光滿室香如芙蓉七歲未言母抱  
入靈山寺瞻佛像康忽語曰釋迦佛聞者異之十  
五歲出家從學諸方貞元中至長安見善導和尚  
真像化為佛身謂康曰汝依吾行法化導眾同

歸安養名為善導康如所證南至江陵果願寺遇

一僧謂曰汝化緣在睦州康因至睦日乞食城中

得錢誘小兒誦佛一聲遺一錢即高峯山頂建淨

土道場集眾念佛康聲獨高眾見佛從康口中出

連誦數過佛出如貫珠坐逝之夕有光燭烏龍

山山皆為白色宋元符三年賜號廣導大師

### 道明

睦州人俗姓陳初生時紅光滿室父母異之  
長入開元寺為僧契法于黃蘗禪師嘗自織

草履鬻以養親及施行路者因號為陳蒲鞋黃巢

兵壓境郡人洵懼請于明明告以勿憂為大草履

令標之三十里外木杪巢欲葉去舉之不能動即

舍去自是郡人益尊禮之號陳尊宿或有叩激隨

問隨答宋元符中賜號悟空禪師

就明養母處建尊宿菴以居之

### 五代周義澄

富春人俗姓孫年十二投新定龍門僧

後還錢塘以苦熱得疾作偈曰本來無質豈有去  
住要識真歸南來北去端坐而逝年百八十有二



宋尹山僧 居淳安之梓桐鄉結菴于尹山之頂既示  
 遷葬夜夢僧指其處及得甕腹大頸小頂骨依然  
 莫知所從入人以為異至今里民水旱祈求多著  
 靈異

朱佛心 壽昌人耕山誦佛遇亢陽常有雲覆之諾  
 衣其家日無有朱曰在某篋篋中良久又曰吾帶  
 一小畜恐驚人當出收之家尾其後見一虎繫焉  
 葉見其靈異遂與之紹興二十九年跌  
 坐而化自焚其身至今野燒至此即滅

溫州府

吳朱孺子 逸其名永嘉人幼師道士王元真居大若  
 巖下後遇西歸子授以要言一日于溪畔  
 見二花犬逐之入枸杞叢下與元真斷其地得枸  
 杞根類犬煮三晝夜孺子先嘗其汁遂飛立而峯

辭師而去

劉根 永嘉人隱積穀山飛霞洞嘗乘霞至赤城訪  
 紫靈君舊傳有孺子鬻糖遇一道人隨之入  
 洞見臺閣森嚴二人對奕歸語  
 其母母往視之至則巖壁合矣

梁陶弘景 丹陽秣陵人永明十年梁  
 武即位書問不絕一日

唐陳逸 世居瑞邑之洪口幼時宅旁有大竹母令取  
 竹陳兩指握之皆破今有破竹林長為舵工  
 行舟于海當歲除尚在南閩同舟者皆思家陳謂  
 欲到家安各閉目來日可到家賀歲咸勿信但聞  
 舟戛林木有聲達旦已抵其鄉矣既沒鄉人商海  
 值暴風舟幾覆忽帆檣間有聲言其姓氏及濟還  
 立祠于三港宋宣和方臘犯境顯異不敢入民賴  
 以全縣令王濟狀其事以聞賜護國惠民侯封福  
 善王元至正間加莊濟洪武間漁人駕艘數十捕  
 魚至晚忽颶風大作舟幾覆眾號救于神俄見桅



木火光奕然風浪頓息遂克濟

後梁馬湘

號自然杭之鹽官人隱于商至安固卜居西峴山下每有紫霞覆其居後捨所居為

寺與其徒王延叟煉藥于松山西壑時有雙鶴翔舞遂跨鶴上昇今丹竈井臼具存至宋時與紫陽

真人張平叔遇事見

金丹四百字序中

宋陳落鳧

景福初為集真觀道士所居室前草常盈尺陳每出入草輒靡然向之若迎送然人

亦以是驗其往還一日語其往黃守聰曰吾將入蜀願得錦襖而去未幾卒于大樹下守聰覺之遂

以錦襖致後有鄰人自蜀歸者為陳致錦襖之謝守聰發視之但遺錦襖而已

李少和

永嘉人居大羅山開樂成白石洞為白猿所踞曰吾嘗東望彩雲覆其上必佳山

也乃獨造其巖猿遂避去太宗真宗屢召見賜資甚厚仍賜白石巖額

戴焯

號復菴永嘉人文端公溪之後為臨安府知錄咸淳間謝后得異疾舌出不能收焯應召

傅以清風散立愈后大喜妻以侄女後元兵至棄官學道遇異人授以赤天之秘能飛神謁帝後遊

龍虎山至衢州有吏抱文書捲其右俾署左判官衙下署畢索視則甌郡回祿文也未幾郡果大火

周恢

字復元瑞安人幼習舉子業宋末避亂青田山中絕意仕進從蔣梅莊受元學居鴈蕩一

日入城遇鬚角道人坐塲山茅舍酣歌恢前致禮弗顧是夜宿其傍夜半見道人起坐兩目光各丈

餘俄合為一及曙恢市酒酌道人道人持蒲呵以授恢飲之覺神爽體輕須臾又一道人至龐眉鶴

髮道人曰此冲應葛仙翁也可拜而師之恢如其言仙翁乃出書一帙俾恢錄之仍授密印恢由是

飛神無礙不啖烟火食者四十二年一日索紙筆書曰混合元宗七十六年時來果熟撒手高眠紫

雲匝地黃鶴瀾天遂化



陶仁備

字昌國洪村人生而猛勇長而神靈十八歲從軍二十四歲遇紫陽真人授以七九

還魂旨得仙訣其兄累罪獄中化火導兄而出脫其難洪撫二州火災仁備發疾風驟雨以遏之雲

中見大旗書安固陶二郎字宋元間宣封忠烈聖王廟食二州子賀聖智如神聰明英武博學宏詞

事母孝亦襲勅廟食四方

處州府

漢徐來勒

字元利修真於括蒼洞中其後自晝乘火上昇

戴火仙

不知其姓氏松陽人入大明山修煉道成陽精畢露于頂每夜輒懸之于山若太陽

然人共見之因名之曰火仙

榭衣仙

龍泉人不知姓氏無寒暑皆綴榭葉為衣人遂以是名結菴于鳳山之巔童顏黑髮

不御飲食赤鳥中坐菴前槐樹上俄祥雲四合仙樂鳴空遂飛昇去

清溪道士

不詳其名氏修煉于青田山之混元峯丹成田產青芝餌之冲舉因名其田曰

芝田山曰芝山溪曰芝溪丹井遺跡尚在

隋尹真人

亡其名大業中煉丹遂昌百丈岩溪西山丹成舉家上昇今勝因院其故宅也

徐則

東海剡人幼沉靜寡欲博學精于議論聲擅都邑則嘆曰名者實之賓吾其為賓乎遂懷

棲隱之操杖策入縉雲山不娶妻常服巾褐陳太建時應召來棲于玉真觀期月又辭入天台山因

絕穀養性所資惟松木而已雖隆冬互寒不服絺絮太傅徐陵為之刊山立頌

羊情

縉雲人以明經授夾江尉無意世榮罷歸括蒼山一日與青蓮館道士飲于阮郎亭酒中

忽仆地七日乃寤詰之云初見青幘絳服一人自稱靈英邀入洞中殆非人世須臾石間有物迸出



靈英指曰此青靈芝也食之得仙情取食之甚甘自是惟飲水覺身輕骨鳴日行數百里時兄忻任樂安令每往省之率朝去暮還後入委羽山人莫之見

### 唐葉法善

字道元松陽人世居卯山母劉氏夢吞流星而娠及產神光滿室異香彩雲繚繞七

歲涉江三年不返人間其故云二青童引我飲雲漿既長道成居卯山忽老叟詣門求曰某東海龍也上帝勅主入海之寶有幻僧于海畔晝夜禁呪積三十年海將涸統天鎮海之寶必為所取乞採之法善乃勅丹符飛往有頃海水復舊幻僧愧嘆赴海死明日老叟輦奇寶來報法善辭之因曰此山缺水得一泉足矣是夕風雨及明館側有泉迸出每日夕有二黑魚浮水面人不能舉蓋其泉與海通故也唐高宗元宗先後召入極言丹不易就請罷方士嘗于中秋夜引帝遊月宮及上元夕往西涼州觀燈至為奇事其叔祖靜能為尚衣奉御遷國子祭酒法善授金紫光祿大夫歙州刺史開

元八年庚申法善化去

元宗加贈越州都督

### 葉藏質

法善之孫也精符術隱玉霄峯號石門山居懿宗屢召不起一日忽語弟子以行日

及期題其門曰鷄鳴時去弟子忽聞珠珮雜簫管聲于雲中急起視之見藏質已凌虛而去幡幢隱隱若若有前導者久之乃滅

### 許碣

籍雲人居仙都山辟穀養氣十餘年名山遍歷好飲酒醉輒吟詩嘗吟日闋死花前是醉

鄉攀翻王母九霞觴羣仙拍手嫌輕薄罰向人間作酒狂每當春景插花滿頭把花作舞醉歌長往莫知其

### 杜光庭

字聖賓籍雲人自號東瀛子博物洽聞為時巨儒咸通中進取不利遂入天台學道

應制為道門領袖僖宗時從幸興元後隱于青城山蜀王建封為廣成先生年八十五尸解去



鄭仙姑

松陽人姊妹二人及笄不嫁同心學道求謝自然師之丹成化鶴飛去

馬大仙

景寧鷓鴣村女子也既嫁家貧養姑尤謹來傭織去家百餘里飯或有羹輒不食即以笠浮水還家薦于姑羹尚未冷頃之復回還故織處人始知其不凡呼為馬大仙云

鶴衣道人

不知其名氏嘗醉卧于龍泉西鳳凰山下為里婦所辱道人即喫紙為鶴乘之

西去

馬氏二女

慶元人姊妹及笄父母將嫁之不肯問其故曰紅顏易老吾欲以金丹駐之耳

遂結廬于百丈山頭每夜輒登山石上焚香求度世忽感真人密授口訣姊妹按法修煉丹成俱白日乘鸞飛去

梵公

慶元人遺其名氏初執役縣中為伍伯時縣令刑峻梵用葱貯血匿杖中行杖見血刑者

往往得從減一日令見梵不履地三尺詢其故大異之無何遂飄然去至白鶴山廬其上一意修煉功成冠石白千斤登山岡羽化去

黃十公

慶元之下管人嘗樵于仙桃山見二叟對奕得餘桃啖之觀奕未竟歸已三載遂居

百花岩二十年後坐化石上

宋葉文詩

麗水人嗜酒善詩畫山水人物閉戶輒累月不出出則羣兒環之或與之錢與之衣

則悉與路人每嚴寒浴于溪寶祐甲寅十二月浴于觀池擲其衣獨臂二草履作偈端坐而逝

朱希常

青田人住梅溪學老子術政和間賜號凝妙大師辭歸築菴于連雲山丹成尸解去

明潘自然

松陽逍遙觀道士居雲岩善符咒燒煉之術號召風雷及神將出現每夜有神燈懸



挂于門當出行即有神燈前導自然嘗他出有求符者情辭迫切勢不能待自然一執爨老人憐之遽呼神將承命往治自然歸責老人奈何輕遣神將忽泥塑膝申君詣前曰彼五世法官偶有過上帝謫下以待公廬公僅三世法非彼若母責爾也語畢即退步行復其位老人遂不復見自然後亦去仙

### 唐三平和尚

唐中和間築精廬于南明山是為大安寺每日騎虎出山至溪津叱虎還徒步入城晚虎出候于溪載還山以為常

### 法華尊者

緇雲人號智威禪師唐時嘗說法于慧雲寺龍化為白衣叟來聽

### 宋了翁

緇雲箬川人生而異香馥郁左手文有陳字長為慈相寺僧後任臨安陳寺行高潔人有疾者以水溼地泉即時湧出人飲即愈徽宗賜袈裟錫禪師號

### 德韶

龍泉人初母夢日光燭體而生韶光化中遊方謁淨慧師問如何是曹溪一滴水韶于言下大悟以告淨慧曰汝後當為國師回至天台山見智覲遺跡恍如舊居或謂韶即覲之後身著傳錄燈

### 痴海

龍泉人崇因寺僧多駭貌陋日拜觀音三年不怠忽夢所拜觀音垂手摩其頂曰賜汝聰明福相寤覺心境廓然如脫重病遂通諸部經典後著金山水陸儀文盛行于世永嘉江心寺碑其手筆也

### 清辨

宣平人宋乾德間得道于烏巖寺每騎虎下山剗淨妙寺工畢其虎誤為鄉人所殺後知為清辨脚力自悔捨田十一畝入寺償之至今寺有償虎田

### 明唐萬方

青田人事親以孝親歿廬墓三年終身蔬食縣令韓冕式其廬贈以束帛不受遂披







